

ANG
BANAL NA SALITA
PARA SA
*Pang-umagang
Pagpapanauli*

Apocalipsis
Mga Bersikulo at Talababa

Witness Lee

© 2020 Literature Center

Reserbado ang lahat ng karapatan. Walang bahagi ng gawaing ito ang maaaring sipiin o ilipat sa anumang anyo o sa pamamagitan ng anumang paraan—grapiko, elektroniko, o mekanikal, kabilang ang pagpo-photocopy, pagrerekord, o pamamaraan ng pag-apon at pagkuha ng impormasyon—nang walang nakasulat na pahintulot mula sa tagapaglathala.

Kinuha mula sa
Bagong Tipang Salin sa Pagbabawi
© 2000 Living Stream Ministry

Inilathala ng:
LITERATURE CENTER
19-23 Liwayway St., Acacia,
Malabon City, Philippines
Tel. Nos.: (02) 287-2225; 288-9231
Email: LiteratureCenter@gmail.com

APOCALIPSIS

UNANG LINGGO—LUNES

Mga Bersikulo

- Apoc.** Ang ^{1a}pahayag ni Hesu-Kristo na ibinigay ng Diyos sa Kanya upang ^bipakita
1:1 sa Kanyang mga ^calipin ang mga bagay na nararapat mangyaring madali; at
 Kanyang ipinaalam sa pamamagitan ng mga ^{2d}tanda, na Kanyang ipinadala
 sa pamamagitan ng Kanyang ^eanghel sa Kanyang alipin na si Juan,
2 Na ^anagpatotoo ng ^bsalita ng Diyos at ng ^{1c}patotoo ni Hesu-Kristo, ng lahat
 ng mga bagay na ^dnakita niya.
3 ^aPinagpala ang bumabasa at ang ^bnakikinig ng mga ^csalita ng ¹propesiya at
^dtumutupad ng *mga bagay* na nasusulat sa loob nito sapagkat ang panahon
 ay ^emalapit na.

Mga Talababa

¹ Bilang ang huling aklat ng Biblia, ang Apocalipsis ay ang konklusyon, kakumpletuhan, at kaganapan ng buong dibinong pahayag, ang buong Biblia. Ang mga binhi ng karamihan sa mga katotohanan ng dibinong pahayag ay inihasik sa Genesis, ang unang aklat ng Biblia. Ang paglago ng lahat ng binhing ito ay pasulong na umuunlad sa mga sumusunod na aklat, lalo na sa mga aklat ng Bagong Tipan, at ang ani ay ginapas sa aklat ng Apocalipsis. Kaya nga, karamihan sa mga bagay na tinalakay sa aklat na ito ay hindi lubusang bago, kundi tumutukoy sa mga bagay na nabanggit na sa mga naunang aklat ng Biblia at pinatindi ang kaganapan. Ang sentro ng mga ito ay ang namumukod-tanging sukdulang pahayag ni Kristo, at ang natatanging kaganapan ng patotoo ni Hesus, at ang walang-hanggang ekonomiya ng Diyos sa sansinukob.

Ang aklat na ito ay isang aklat ng propesiya, subalit hindi propesiya sa mga salita lamang, bagkus propesiya na inihayag sa pamamagitan ng mga pangitain sa tumitingin. Sa mga mata ng Diyos, ang lahat ng bagay na ipinropesiya sa aklat na ito ay nangyari na. Sa gayon, ang lahat ay naipakita na sa tumitingin, pangitain bawat pangitain. Kaya ang pandiwang ginamit sa aklat na ito ay nasa pangnagdaang panahunan.

Ang buong Biblia ay naghahayag kay Kristo; lalong-lalo na ang aklat ng Apocalipsis bilang ang konklusyon, kakumpletuhan, at kaganapan ng buong Biblia, ay “ang pahayag ni Kristo.” Bagama’t ang aklat na ito ay naghahayag din ng marami pang ibang bagay, subalit ang sentro ng pahayag nito ay si Kristo. May ilang aspekto hinggil kay Kristo, katulad ng pangitain kay Kristo bilang ang Mataas na Saserdote sa kalagitnaan ng mga ekklesia, na nag-aaruga sa kanila sa loob ng pag-ibig subalit taglay ang isang naghahatol na saloobin (bb. 13-16), ang pangitain ukol sa Kanya bilang ang Leon-Kordero sa kalagitnaan ng trono ng Diyos at ng apat na nilalang na buháy at sa kalagitnaan ng dalawampu’t apat na matatanda ng sansinukob, binubuksan ang pitong tatak ng pansansinukob na administrasyon ng Diyos (5:1-6:1), at ang pangitain ukol sa Kanya bilang isa pang makapangyarihang Anghel na bumababa mula sa langit upang angkinin ang buong lupa (10:1-8; 18:1), atbp., na kailanman ay hindi inilahad sa ibang aklat nang kagaya ng sa aklat na ito.

¹² Ang pahayag ng aklat na ito ay pangunahing binubuo ng “mga tanda,” yaon ay, mga sagisag na may mga espirital na kahulugan, katulad ng pitong patungan ng ilawan na sumasagisag sa mga ekklesia, ang pitong bituin na sumasagisag sa mga sugo ng mga ekklesia (b. 20), atbp... Maging ang Bagong Herusalem ay isang tanda, sinasagisag ang sukdulang kaganapan ng ekonomiya ng Diyos (mga kap. 21-22). Ang aklat na ito, kung gayon, ay isang

aklat ng mga sagisag na sa pamamagitan nito ay ginagawang malinaw sa atin ang pahayag.

Ang Ebanghelyo ni Juan ay isang aklat ng mga tanda, sumasagisag kung paanong si Kristo ay naging buhay natin upang maibunga ang ekklesia, ang Kanyang kasintahang babae. Ang Apocalipsis ni Juan ay isang aklat ng mga tanda, ipinakikita kung paanong si Kristo ngayon ay nangangalaga sa ekklesia, at kung paanong Siya ay paririto upang hatulan at angkinin ang lupa, at dalhin ang ekklesia, ang Kanyang kasintahang babae, tungo sa loob ng buong ekonomiya ng Diyos.

2¹ Sa isang panig ay ibinibigay sa atin ng aklat na ito “ang pahayag ni Kristo,” at sa kabilang panig ay ipinakikita nito sa atin “ang patotoo ni Hesus,” ang ekklesia. Ito ay naglalahad sa atin ng naihayag na Kristo at ng nagpapatotoong ekklesia. Ang mga patungan ng ilawan sa kapitulo 1, ang lubhang karamihan ng mga tinubos sa kapitulo 7, ang maningning na babae kasama ang kanyang lalaking-anak sa kapitulo 12, ang ani kasama ang mga unang-bunga nito sa kapitulo 14, ang mga mandaraig sa ibabaw ng malasalamang dagat sa kapitulo 15, ang kasintahang babae na handa nang pakasal sa kapitulo 19, at ang Bagong Herusalem sa mga kapitulo 21 at 22 ay pawang “ang patotoo ni Hesus.” Ang patotoong ito ni Hesus ay ang espiritu ng propesiya (19:10)—ang substansiya, ang disposisyon, at ang katangian ng propesiya.

Si Kristo ay ang Saksi (b. 5), ang patotoo, ang kahayagan ng Diyos. Ang ekklesia ay ang patotoo, ang kahayagan ni Kristo. Bilang gayon, ang ekklesia ay ang pagpaparami ng patotoo, ang kahayagan ng Diyos sa loob ni Kristo.

3¹ Ang pahayag sa aklat na ito ay nasa kalikasan ng “propesiya.” Karamihan sa mga pangitain ay tumutukoy sa mga bagay na darating. Maging ang pitong sulat sa pitong ekklesia sa mga kapitulo 2 at 3, sa pagpapakahulugan ng mga tanda, ay mga propesiya hinggil sa ekklesia sa lupa hanggang sa pagbabalik ng Panginoon.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 1-9

Kaliwanagan at inspirasyon: _____

UNANG LINGGO—MARTES

Mga Bersikulo

Apoc. Si Juan sa ^{1a}pitong ^bekklesia na nasa ²Asia: ^cSumainyo ang biyaya at ^dkapa-
 1:4 yapaang mula roon sa ^{3e}Kanya na ngayon, at nang nakaraan, at ⁴yaong
 darating, at mula sa ^{5f}pitong Espiritu na nasa harapan ng Kanyang trono,
 5 At mula kay Hesu-Kristo na tapat na ^aSaksi, na ^bPanganay sa mga patay, at
^cPangulo ng mga hari sa lupa. Sa Kanya na ^dumiibig sa atin at ¹nagkalag sa
 atin mula sa ating mga kasalanan ²sa pamamagitan ng Kanyang ^edugo

Mga Talababa

⁴Ang “pito” ay ang bilang para sa kumpletong paggawa ng Diyos, katulad ng pitong araw

para sa paglikha ng Diyos (Gen. 1:31-2:3), pitong tatak (5:5), pitong trumpeta (8:2), at pitong mangkok (15:7) para sa pagkilos ng Diyos sa lupa. Kaya nga, ang pitong ekklesia ay para sa kumpletong pagkilos ng Diyos.

⁴² Ang Asia ay isang lalawigan ng sinaunang Imperyo Romano na kinaroroonan ng pitong lunsod na binanggit sa b. 11. Ang pitong ekklesia ay nasa pitong lunsod ng lalawigang yaon; ang pitong ekklesia ay hindi nasa iisang lunsod lamang. Hindi tinatalakay ng aklat na ito ang ukol sa iisang pansansinukob na ekklesia, kundi tinatalakay nito ang ukol sa mga ekklesia-lokal na nasa maraming lunsod. Ang ekklesia ay unang inihayag bilang pansansinukob sa Mat. 16:18 at pagkaraan, bilang lokal sa Mat. 18:17. Sa Gawa, ang ekklesia ay isinagawa sa paraan ng mga ekklesia-lokal, katulad ng ekklesia sa Herusalem (Gawa 8:1), ekklesia sa Antioquia (Gawa 13:1), ekklesia sa Efeso (Gawa 20:17), at mga ekklesia sa mga lalawigan ng Syria at Cilicia (Gawa 15:41). Lahat ng Sulat ay isinulat sa mga ekklesia-lokal, maliban sa iilan na isinulat sa ilang indibiduwal. Ni isa ay walang isinulat sa pansansinukob na ekklesia. Kung walang ekklesia-lokal, ang pansansinukob na ekklesia ay walang praktikalidad at aktuwalidad. Ang pansansinukob na ekklesia ay napagtanto at naging makatotohanan sa pamamagitan ng mga ekklesia-lokal. Ang pagkakilala sa ekklesia sa pansansinukob ay kinakailangang malubos sa pagkakilala sa ekklesia sa panlokal. Isang napakalaking pagsulong para sa atin na malaman at maisagawa ang mga ekklesia-lokal. Ang aklat ng Apocalipsis hinggil sa ekklesia ay nasa sumulong na yugto. Upang malaman ang aklat na ito, tayo ay kailangang sumulong mula sa pagkaunawa ng pansansinukob na ekklesia tungo sa pagkatanto at pagsasagawa ng mga ekklesia-lokal, sapagkat ang aklat na ito ay isinulat sa mga ekklesia-lokal. Tangi lamang yaong mga nasa mga ekklesia-lokal ang nakaposisyon nang tama na may tamang anggulo at wastong pananaw upang makita ang mga pangitain sa aklat na ito.

Ang Tres-unong Diyos ay naihayag sa pamamagitan ni Kristo (Juan 1:14; 1 Tim. 3:16; Col. 2:9); si Kristo ay napagtanto at naranasan sa pamamagitan ng Espiritu (Juan 14:16-18; 1 Cor. 15:45; 2 Cor. 3:17; Roma 8:9; Fil. 1:19), at si Kristo na naihayag sa pamamagitan ng Kanyang Katawan ay ang pansansinukob na ekklesia (Efe. 1:22-23; 1 Cor. 12:12; Efe. 4:4); ang pansansinukob na ekklesia ay naihayag sa pamamagitan ng ekklesia-lokal. Kaya, kung nais nating matanto at maranasan ang Diyos ay kinakailangan nating matanto at maranasan si Kristo; upang matanto at maranasan si Kristo, kailangang magkaroon ng bahagi sa pansansinukob na ekklesia sa pamamagitan ng Espiritu; upang makabahagi naman sa pansansinukob na ekklesia ay kinakailangang makibahagi sa ekklesia-lokal.

⁴³ Siya “na ngayon at nang nakaraan at yaong darating” ay ang walang-hanggang Diyos Ama. “Ang pitong Espiritu” na nasa harapan ng trono ng Diyos ay ang kumikilos na Espiritu ng Diyos, ang Diyos Espiritu. Si “Hesu-Kristo,” na sa Diyos ay “tapat na Saksi,” sa ekklesia ay “ang Panganay sa mga patay,” at sa sanlibutan ay “ang Pangulo ng mga hari sa lupa” (b. 5), ay ang Diyos Anak. Ito ang Tres-unong Diyos. Bilang ang walang-hanggang Ama, Siya ay nasa nakaraan, Siya ay nasa kasalukuyan, at Siya ay darating sa hinaharap. Bilang ang Diyos Espiritu, Siya ay ang maka-pitong-ulit na pinatinding Espiritu para sa paggawa ng Diyos. (Tingnan ang tala ⁴⁵). Bilang ang Diyos Anak, Siya ay: 1) “ang Saksi,” ang patotoo, ang kahayagan ng Diyos; 2) “ang Panganay sa mga patay” para sa ekklesia, ang bagong nilalang; at 3) “ang Pangulo ng mga hari sa lupa” para sa sanlibutan. Mula sa isang gayong Tres-unong Diyos, ang biyaya at kapayapaan ay ipinamamahagi sa mga ekklesia.

⁴⁴ Ang “yaong darating” ay maaaring nagpapahiwatig ng ikalawang pagparito ni Kristo. Ito ay nangangahulugan na sa pagsapit ng panahong yaon, kung anuman ang Tres-unong Diyos ay magiging higit na praktikal kaysa sa nakaraan at sa kasalukuyan, sa Kanyang mga nilikha, lalung-lalo na sa Kanyang mga tinubos na tao. Gayundin sa b. 8 at 4:8.

⁴⁵ Ang “pitong Espiritu” ay walang alinlangang ang Espiritu ng Diyos, sapagkat Sila ay

iniranggo sa gitna ng Tres-unong Diyos sa mga bersikulo 4 at 5. Kung paanong ang pito ay ang bilang para sa kakumpletuhan sa paggawa ng Diyos, gayundin, “ang pitong Espiritu” ay tiyak na para sa pagkilos ng Diyos sa lupa. Sa substansiya at pag-iral, ang Espiritu ng Diyos ay iisa; sa pinatinding pangsyon at gawa ng pagkilos ng Diyos, ang Espiritu ng Diyos ay makapitong-ulit. Ito ay katulad ng patungan ng ilawan sa Zac. 4:2. Sa pag-iral, ito ay isang patungan ng ilawan, subalit sa pangsyon, ito ay pitong ilawan. Nang isulat ni Juan ang Apocalipsis, ang ekklesia ay napababá na; ang kapanahunan ay madilim. Kaya ang makapitong-ulit na pinatinding Espiritu ng Diyos ay kailangan para sa pagkilos at paggawa ng Diyos sa lupa.

Sa Mat. 28:19, ang pagkakasunud-sunod ng Tres-unong Diyos ay: 1) Ang Ama, 2) ang Anak, at 3) ang Espiritu Santo. Dito ang pagkakasunud-sunod ay binago. Ang pitong Espiritu ng Diyos ay itinala sa ikalawang puwesto sa halip na sa ikatlo. Ito ay naghahayag ng kahalagahan ng pinatinding pangsyon ng makapitong-ulit na Espiritu ng Diyos. Ang puntong ito ay pinagtibay nang paulit-ulit sa pagbibigay-diin sa pagsasalita ng Espiritu sa 2:7, 11, 17, 29; 3:6, 13, 22; 14:13; 22:17.

Sa pagbubukas ng ibang mga Sulat, tanging ang Ama at ang Anak ang binabanggit, mula Kanino ang biyaya at kapayapaan ay ibinigay sa mga tagatanggap. Dito, hindi lamang ang Ama at ang Anak ang binanggit, bagkus ang Espiritu ay binanggit din, mula Kanino ang “biyaya at kapayapaan” ay ipinamahagi sa mga ekklesia. Ito rin ay sumasagisag sa napakahalagang pangangailangan sa Espiritu para sa pagkilos ng Diyos upang hadlangan ang pagbabá ng ekklesia.

⁵¹ Ang kalagan tayo mula sa mga kasalanan ay nangangahulugang hugasan tayo mula sa mga kasalanan.

⁵² Lit. sa loob ng.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 1-9

Kaliwanagan at inspirasyon: _____

UNANG LINGGO—MIYERKULES

Mga Bersikulo

Apoc. At ginawa tayong isang ^{1a}kaharian, mga ^{2b}saserdote sa Kanyang Diyos at 1:6 Ama, ^csumakanya ang kaluwalhatian at ang paghahari ³magpakailan-kailanman. Amen.

7 Tingnan ninyo, Siya ay ^{1a}pumaparitong nasasa mga ^{2b}alapaap, at makikita Siya ng bawat mata, at ng ^cnagsiulos sa Kanya, at ang lahat ng mga lipi sa ³lupa ay ^{4d}magsisitaghoy dahil sa Kanya. Oo, amen.

8 Ako ang ^{1a}Alpha at ang Omega, sabi ng Panginoong Diyos, ^bSiya na ngayon, at nang nakaraan, at yaong darating, ang ^cMakapangyarihan sa lahat.

Mga Talababa

⁶¹ Ang mga mananampalatayang tinubos ng dugo ni Kristo ay hindi lamang isinilang

ng Diyos tungo sa loob ng Kanyang kaharian (Juan 3:5), bagkus sila ay ginawa ring isang kaharian para sa ekonomiya ng Diyos, ang ekklesia (Mat. 16:18-19). Si Juan, ang manunulat ng aklat na ito, ay nasa kahariang ito (b. 9), at ang lahat ng tinubos at isinilang na muling mananampalataya ay bahagi rin ng kahariang ito (Roma 14:17).

Isa sa mga pangunahing aspekto ng aklat na ito ay yaong binabawi ng Diyos ang Kanyang karapatan sa lupa upang gawing kaharian Niya (11:15) ang buong lupa. Nang si Kristo ay dumating sa unang pagkakataon, ang kaharian ng Diyos ay dinala Niyang kasama Niya (Luc. 17:21; Mat. 12:28). Ang kahariang ito ay pinalaki bilang ang ekklesia (Mat. 16:18-19), na siyang magsasakatuparan ng pagtatatag ng kaharian ng Diyos sa buong lupa. Sa isang panig, ang kaharian ng Diyos ngayon ay nasa ekklesia, subalit sa kabilang panig, ang kaharian ng Diyos ay darating sa pamamagitan ng mga mandaraig na mananampalataya (12:10). Pagkatapos, si Kristo at ang mga mandaraig na mananampalataya ay maghahari sa lahat ng bansa sa loob ng isang libong taong kaharian (2:26-27; 12:5; 20:4,6).

6² Hindi lamang tayo ginawang “isang kaharian” sa Diyos ng katubusan sa pamamagitan ng dugo ni Kristo, bagkus “mga saserdote” rin sa Kanya (1 Ped. 2:5). Ang “kaharian” ay para sa awtoridad ng administrasyon ng Diyos, samantalang “ang mga saserdote” ay yaong mga naghahayag ng larawan ng Diyos. Ito ang makahari, at maharlikang pagkasaserdote (1 Ped. 2:9) para sa katuparan ng orihinal na layunin ng Diyos sa paglikha sa tao (Gen. 1:26-28). Ang makaharing saserdoteng ito ay isinasagawa sa kasalukuyang buhay-ekkklesia (5:10). Ito ay matinding isasagawa sa isang libong taong kaharian (20:6), at ito ay sukdulang malulubos sa Bagong Herusalem (22:3,5).

6³ Lit. hanggang sa mga kapanahunan ng mga kapanahunan.

7¹ Sa aklat na ito, ang pagbabalik ni Kristo ay inihayag sa dalawang aspekto. Sa isang aspekto, Siya ay darating nang lihim “katulad ng isang magnanakaw” (3:3; 16:15), at sa isa pang aspekto, Siya ay darating nang hayagan “nasasa mga alapaap” (b. 7; 14:14). Ito ay tumutugma sa Mat. 24:43 at 30. Ang araw at oras ng Kanyang pagdating sa unang aspekto ay hindi alam (Mat. 24:36); samantalang ang araw ng Kanyang pagdating sa ikalawang aspekto ay malinaw na inihayag, yaon ay, sa huling trumpeta (ang ikapitong trumpeta), sa wakas ng matinding kapighatian (1 Tes. 4:16; 1 Cor. 15:52; 2 Tes. 2:1-3).

7² Si Kristo ay umakyat sa langit na nakasakay sa isang alapaap. Siya ay babalik sa lupa sa gayunding paraan (Gawa 1:9,11; Mat. 26:64; Apoc. 14:14).

7³ O, mundo, katulad na salita sa Griyego ng nasa 6:8, 10; 8:13. Tumutukoy sa mga lipi sa lupain ng Israel, na nangagsiulos kay Kristo. Tingnan ang Zac. 12:10 at Juan 19:34, 37.

7⁴ Lit. babayuhin ang dibdib.

8¹ Ang walang hanggan at Makapangyarihan sa lahat na Diyos ay “ang Alpha,” ang pasimula para sa pinagmulan, at “ang Omega,” ang wakas para sa pagsasakatuparan ng Kanyang walang hanggang layunin. Siya ay “ang Alpha” sa aklat ng Genesis. Ngayon, sa aklat ng Apocalipsis, Siya ay “ang Omega.” Anuman ang Kanyang sinimulan ay Kanyang kukumpletuhin. Sa pampamahalaan, Kanyang ipinagpapatuloy ang Kanyang pansansinukob na pagkilos, na Kanyang sinimulan noong mga sinaunang panahon at dadalhin sa pagtatapos (21:6).

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 1-9

Kaliwanagan at inspirasyon: _____

UNANG LINGGO—HUWEBES

Mga Bersikulo

- Apoc.** Akong si Juan, na inyong kapatid at inyong kasamang ^akabahagi sa ^bkapig-
1:9 hatian at ^ckaharian at ^{1d}pagtitiis na nasa loob ni ²Hesus, ay nasasa pulo na tinatawag na ³Patmos dahil sa ^esalita ng Diyos at sa ^fpatotoo ni Hesus.
10 Ako ay ¹nasa ^{2a}espiritu nang ³araw ng Panginoon, at narinig ko sa aking likuran ang isang ⁴malakas na tinig na tulad sa isang ^btrumpeta,
11 Na nagsasabi, Ang iyong ^anakikita ay ^bisulat mo sa isang ¹aklat at iyong ipadala ²sa ^cpitong ^dekklesia: sa Efeso, at sa Esmirna, at sa Pergamo, at sa Tiatira, at sa Sardis, at sa Filadelfia, at sa Laodicea.
12 At ako ay ¹lumingon upang makita ang tinig na nagsalita sa akin. At nang ako ay ¹lumingon ay nakita ko ang ^apitong ²gintong ^{3b}patungan ng ilawan,

Mga Talababa

⁹¹ Ang pagtitiis ay kinakailangan para sa kapighatian at kaharian.

⁹² Ang Hesus ay tumutukoy sa Tagapagligtas na isang tao ng kapanglawan, at sanay sa pighati (Isa. 53:3).

⁹³ Ang pulo ng Patmos ay ang pinagtapunan kay Juan dahil sa “salita ng Diyos at sa patotoo ni Hesus”; sa panahon ng kanyang pagkatapon natanggap niya ang pahayag ng aklat na ito.

¹⁰¹ Napasa.

¹⁰² Ang aklat na ito ay hindi lamang nagbibigay-diin sa Espiritu ng Diyos bilang ang makapitong pinatinding Espiritu para sa pinatinding pagkilos ng Diyos, bagkus maging sa ating pantaong “espiritu” bilang ang sangkap upang ating matanto at matugunan ang pagkilos ng Diyos. Tanging ang (ating) espiritu ang makatutugon sa Espiritu (ng Diyos). Ang aklat na ito ay binubuo ng apat na pangunahing pangitain: 1) ang pangitain ng mga ekklesia (mga kap. 1-3); 2) ang pangitain ng kahihinatnan ng sanlibutan (mga kap.4-16); 3) ang pangitain ng dakilang Babilonia (mga kap. 17-20); at 4) ang pangitain ng Bagong Herusalem (mga kap. 21-22). Si Juan ay nasa kanyang espiritu nang makita niya ang apat na pangitaing ito (b. 10; 4:2; 17:3; 21:10), katulad ng binanggit sa Efe. 3:5 na sa loob ng espiritu natamo ang pahayag ng hiwaga ni Kristo. Upang makita natin ang mga pangitain ng aklat na ito kinakailangan din nating mapasa ating espiritu. Ito ay hindi isang bagay ng pangkaisipang pagkaunawa sa ating kaisipan, kundi isang espirital na pagkatanto sa loob ng ating espiritu.

¹⁰³ Ang “araw ng Panginoon” dito ay nararapat na ang unang araw ng sanlinggo, ang araw na siyang araw ng pagkabuhay na muli ng Panginoon (Juan 20:1). Ang ekklesia sa mga naunang araw ay nagpupulong sa araw na ito (Gawa 20:7; 1 Cor. 16:2). Sa araw ngang ito, nang si Juan ay nasa espiritu, ay nakita niya ang mga pangitain ng ekonomiya ng Diyos.

¹⁰⁴ Lit. malaki.

¹¹¹ Gr. balumbon ng papel na may sulat.

¹¹² Ang pagpapadala ng aklat na ito “sa pitong ekklesia” ay katumbas ng pagpapadala nito sa pitong lunsod. Ito ay malinaw na nagpapakita na ang pagsasagawa ng buhay-ekklesia sa mga naunang araw ay yaong isang ekklesia para sa isang lunsod, isang lunsod na may iisang ekklesia. Walang isang lunsod ang may higit sa isang ekklesia. Ito ang ekklesia-lokal, lokal ayon-sa-lunsod hindi ayon-sa-kalye, ni sa distrito ni rehiyon. Ang kinasasaklaw ng administrasyon ng isang ekklesia-lokal ay nararapat sumaklaw sa buong lunsod na kinaroroonan ng ekklesia; ito ay hindi dapat hihigit o kukulangin sa hangganan ng lunsod. Lahat ng mananampalatayang nasa loob ng hangganang yaon ang nararapat na mabuong isang namumukod-tanging ekklesia-lokal sa loob ng lunsod na yaon.

12¹ Ang makakita ng anumang bagay ay humihiling ng tamang kinalalagyan nang may tamang anggulo. Unang narinig ng Apostol Juan ang tinig (b. 10), at nang siya ay “lumingon upang makita” kung sino ang pinagmulan ng tinig, kanyang nakita ang pitong gintong patungan ng ilawan. Siya ay nakaposisyon nang tama, subalit kailangan pa rin niya ang tamang anggulo upang makita ang pangitain hinggil sa mga ekklesia; kaya siya ay lumingon. Ito rin ay kagaya sa atin ngayon. Maraming Kristiyano ang kailangang maiwasto sa kanilang kinalalagyan at lumingon upang kanilang makita ang pangitain ng mga ekklesia.

12² Sa tipolohiya, ang ginto ay sumasagisag sa dibinong kalikasan ng Diyos. Dito ang “mga patungan ng ilawan” ay “ginto,” sumasagisag na ang mga ekklesia ay binubuan ng dibinong kalikasan ng Diyos.

12³ Sa Biblia, ang patungan ng ilawan ay palaging iniuugnay sa pagtatayo ng Diyos. Ito ay binanggit, sa unang pagkakataon, sa Exo. 25:31-40 nang itinayo ang tabernakulo. Ang ikalawang pagkakataon ay sa pagtatayo ng templo sa 1 Hari 7:49. Ang ikatlong pagkakataon ay malaki ang kinalaman sa muling pagtatayo ng templo ng Diyos sa Zac. 4:2-10. Dito sa Apocalipsis, ang patungan ng ilawan ay iniuugnay sa pagtatayo ng mga ekklesia. Sa Exodo 25, ang diin ay na kay Kristo sa pagiging patungan ng ilawan bilang ang dibinong ilaw, nagliliwanag sa pamamagitan ng Espiritu (ang langis) bilang ang pitong ilawan. Sa Zacarias 4, ang diin ay sa Espiritu (Zac. 4:6), nagliliwanag bilang ang pitong ilawan. na siyang pitong mata ng Diyos (Zac. 4:2, 10). Ang pitong mata ng Diyos ay ang pitong Espiritu ng Diyos (5:6) para sa pinatinding pagkilos ng Diyos. Ito ay tumutukoy na ang patungan ng ilawan sa Zacarias ay ang realidad ng patungan ng ilawan sa Exodo; ang mga patungan ng ilawan naman sa Apocalipsis ay ang pagpaparami ng patungan ng ilawan sa Zacarias. Si Kristo ay natatanto bilang ang Espiritu, at ang Espiritu ay naihayag bilang ang mga ekklesia. Ang nagliliwanag na Espiritu ay ang realidad ng nagliliwanag na Kristo, at ang nagliliwanag na ekklesia ay ang pagpaparami at kahayagan ng nagliliwanag na Espiritu upang maisagawa ang walang hanggang layunin ng Diyos, sa gayon ay madala sa kaganapan ang Bagong Herusalem bilang ang nagliliwanag na lunsod. Si Kristo, ang Espiritu, at ang mga ekklesia ay pawang may magkakatulad na dibinong kalikasan.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 1-9

Kaliwanagan at inspirasyon: _____

UNANG LINGGO—BIYERNES

Mga Bersikulo

- Apoc.** At ¹sa agitna ng mga patungan ng ilawan ay may *Isang* katulad ng ^{2b}Anak ng
1:13 Tao, na may suot na ^{3c}damit na umaabot hanggang sa mga paa, at may ^{4d}bigkis ang dibdib ng isang ^epamigkis na ginto;
14 At ang Kanyang ulo at ^{1a}buhok ay mapuputing gaya ng ^bputing ²lana, gaya ng ²niebe; at ang Kanyang mga ^{3c}mata ay gaya ng ningas ng ^{4d}apoy;
15 At ang Kanyang mga ^{1a}paa ay katulad ng ¹tansong binuli, na gaya ng ²dinalisay sa isang pugon; at ang Kanyang tinig ay gaya ng ^{3b}lagaslas ng maraming tubig;
16 At ang Kanyang kanang kamay ay may ^apitong ¹bituin; at mula sa Kanyang ^{2b}bibig ay lumabas ang isang matalas na ^{2c}tabak na may dalawang talim; at ang Kanyang ^{3d}mukha ay gaya ng araw na sumisikat nang matindi.

Mga Talababa

13¹ Si Kristo ngayon ay nasa gitna ng mga ekklesia. Sa isang banda, bilang ang Mataas na Saserdote, Siya ay namamagitan sa sangkalangitan para sa mga ekklesia (Heb. 9:24; 7:25-26; Roma 8:34), at sa kabilang banda, Siya ay lumalakad sa gitna ng mga ekklesia upang sila ay pangalagaan. Kung nais nating makabahagi sa Kanyang pagkilos at makapagtamasa sa Kanyang pangangalaga, kailangan nating mapasaloo ng mga ekklesia, *yaon ay, mga ekklesia-lokal.*

13² Si Kristo ay hindi lamang inilarawan dito bilang ang Mataas na Saserdote, katulad ng ipinakita ng Kanyang mga damit, bagkus inihayag ding “katulad ng Anak ng Tao.” Siya ay Diyos at Siya ay tao rin. Bilang ating Mataas na Saserdote, pinangangalagaan Niya ang mga ekklesia sa loob ng Kanyang pagkatao.

Si Kristo bilang ang Anak ng Tao ay hindi lamang para sa pagsasagawa ng katubusan, bagkus para rin sa buhay-ekkklesia, sapagkat ang ekklesia ay binubuhan ng mga tao. Pagkatapos Niyang umakyat sa langit, tinutukoy rin ng Kanyang pagiging Anak ng Tao na sa Kanyang pagkabuhay na muli ay hindi Siya hinubaran ng Kanyang pagkatao. Dito ang Kanyang pakikitungo sa mga ekklesia ay batay sa Kanyang pagkatao. Sa loob ng Kanyang pagkatao, Siya ay nagpapatotoo para sa Diyos at lubusang mapagwagi at matagumpay. Lahat ng ekklesia ay tunay na makapagpapatotoo rin sa pagwawagi at tagumpay ng Diyos.

13³ Ang “damit na umaabot hanggang sa mga paa” ay ang makasa-serdoteng kasuotan (Exo. 28:33-35) at sumasagisag sa kapuspusan ng mga dibinong katangian at mga pantaong kagalingan ni Kristo (cf. Isa. 6:1,3).

13⁴ Ang mga saserdote sa Lumang Tipan ay nabibigkisan sa baywang para sa kanilang ministryo (Exo. 28:4). Sa Dan. 10:5, si Kristo ay nabibigkisan din ng dalisay na ginto sa Kanyang baywang. Subalit dito, si Kristo bilang ang ating Mataas na Saserdote ay “nabibigkisan sa dibdib.” Ang dibdib ay sumasagisag sa pag-ibig. Ang mabigkisan sa baywang ay ang mapalakas para sa gawain, samantalang ang “mabigkisan sa dibdib” ay sumasagisag sa pangangalaga sa loob ng pag-ibig. Ang gawain ni Kristo sa pagbubunga ng mga ekklesia ay naisagawa na. Ngayon ay hindi na Niya kailangang mabigkisan sa Kanyang baywang para sa gawain. Ang Kanyang ginagawa ngayon sa gitna ng mga ekklesia ay ang pangalagaan sila sa loob ng pag-ibig. Hinihiling nito na Siya ay mabigkisan sa dibdib ng isang pamigkis na ginto. Ang “pamigkis na ginto” ay sumasagisag sa dibinong kalakasan. Siya ay kumikilos sa mga ekklesia upang pangalagaan sila sa loob ng Kanyang pagkatao na ginagamit ang Kanyang dibinong kalakasan.

14¹ Ang puting buhok ay sumasagisag sa malaking gulang (Job 15:10). Dito ay sinasagisag nito ang pagiging sinauna ng Panginoon. Ang itim na buhok na naglarawan sa Kanya sa A.A. 5:11 ay sumasagisag sa Kanyang walang kupas at palaging nananatiling kalakasan.

14² Ang puting lana ay lumalabas mula sa kalikasan ng buhay, at ang puting niebe ay bumababa mula sa langit. Kaya, ang puting lana rito at sa Dan. 7:9 ay sumasagisag na ang pagiging sinauna ni Kristo ay ukol sa Kanyang kalikasan, hindi sa dahilan na Siya ay tumanda; at ang puting niebe ay sumasagisag na ang Kanyang pagiging sinauna ay makalangit, hindi makalupa.

14³ Sa A.A. 5:12, ang mga mata ni Kristo ay gaya ng mga kalapati. Yaon ay para sa kahayagan ng Kanyang pag-ibig. Dito ang Kanyang mga mata ay gaya ng isang ningas ng apoy. Ito ay para sa Kanyang pagmamasid at pagsasaliksik para sa Kanyang paghahatol sa pamamagitan ng pagliliwanag. Sa aklat na ito, ang Kanyang mga mata ay hindi dalawa kundi pito (5:6). Ang pito ay ang bilang ng kakumpletuhan sa pagkilos ng Diyos. Kaya nga, ang Kanyang mga mata sa aklat na ito ay para sa gawain ng Diyos. Ang Kanyang pitong mata ay ang pitong ilawan ng apoy (cf. Dan. 10:6) na nagliliyab sa harapan ng trono, na siyang pitong Espiritu ng Diyos (4:5). Ang “nagliliyab na apoy” ay katumbas ng “ningas ng apoy” at para sa pagmamasid at pagsasaliksik. Ang pitong Espiritu ng Diyos na sinugo sa buong lupa (5:6) ay para rin sa pagkilos ng Diyos sa lupa. Kaya ang mga mata ni Kristo sa aklat na ito ay ang pitong Espiritu ng Diyos para sa pagkilos at gawain ng Diyos sa lupa ngayon.

14⁴ Ang aklat na ito ay isang may naghahatol na kalikasan. Ang apoy ay para sa dibinong paghahatol (1 Cor. 3:13; Heb. 6:8; 10:27). Ang Diyos natin ay isang apoy na namumugnaw (Heb. 12:29); ang Kanyang trono ay ang mga liyab na apoy at ang mga gulong niyaon ay ang nagniningas na apoy, at isang mabangis na sigalbo ang lumalabas at nagmumula sa harap Niya (Dan. 7:9-10). Lahat ng ito ay para sa paghahatol. Ang pangunahing kahulugan ng mga mata ng Panginoon sa pagiging katulad ng isang ningas ng apoy ay para sa Kanyang paghahatol (2:18-23; 19: 11-12). Sa Kanyang pagdating upang angkinin ang lupa sa pamamagitan ng pagpapataw ng hatol dito, maging ang Kanyang mga paa ay magiging katulad ng mga haliging apoy (10:1).

15¹ Ang mga paa ay sumasagisag sa paglakad. Ang tanso, sa tipolohiya, ay sumasagisag sa dibinong paghahatol (Exo. 27:1-6). Ang mga paa ni Kristo ay katulad ng tansong binuli, gaya ng binanggit din sa Dan. 10:6, sumasagisag na ang Kanyang sakdal at maliwanag na paglakad ay ginagawa Siyang kuwalipikado upang magpataw ng dibinong paghahatol. Kaya nga, sa Kanyang pagdating upang angkinin ang lupa sa pamamagitan ng paghahatol dito, ang Kanyang mga paa ay magiging katulad ng mga haliging apoy (10:1).

15² Ang dalisayin sa isang pugon ay ang subukin sa pamamagitan ng pagsunog. Ang paglakad ni Kristo ay sinubok sa pamamagitan ng Kanyang mga paghihirap, maging ng Kanyang kamatayan sa krus. Kaya nga, ang Kanyang paglakad ay maliwanag katulad ng binuling tanso, na nagsanhi sa Kanya na maging kuwalipikadong humatol sa di-matuwid.

15³ Ang lagaslas ng maraming tubig, isang napakaingay na lagaslas, ay ang ugong ng tinig ng Diyos na Makapangyarihan sa lahat (Ezek. 1:24; 43:2). Ito ay sumasagisag sa kaseryosohan at kataimtiman ng Kanyang pagsasalita (cf. 10:3).

16¹ Ang mga patungan ng ilawan at gayundin ang mga bituin ay para sa pagliliwanag sa gabi. Ang isang patungan ng ilawan na kumakatawan sa isang ekklesia-lokal ay isang sama-samang yunit, samantalang ang isang bituin na kumakatawan sa isang sugo ng isang ekklesia-lokal ay isang indibiduwal na entidad. Sa madilim na gabi ng pagbabà ng ekklesia, may pangangailangan ng pagliliwanag ng mga sama-samang ekklesia at gayundin ng mga indibiduwal na sugo.

16² Sa A.A. 5:16, “ang Kanyang bibig ay ubod ng tamis,” at sa mga Ebanghelyo, “mga

mabibiyayang salita...ang lumalabas mula sa Kanyang bibig” (Luc. 4:22); subalit dito, “mula sa Kanyang bibig ay lumalabas ang isang matalas na tabak na may dalawang talim.” Ito ang Kanyang nag-aaninaw, naghahatol, at pumapaslang na salita (Heb. 4:12; Efe. 6:17). Ang “mga mabiyayang salita” ay para sa Kanyang panustos ng biyaya sa Kanyang mga kinalulugdan, samantalang ang “matalas na tabak na may dalawang talim” ay para sa Kanyang pakikipagtuos sa mga negatibong tao, pangyayari, at bagay.

16³ Sa A. A. 5:10 at 13, ang Kanyang mukha ay kaibig-ibig para sa paghanga sa Kanya ng Kanyang mga tagahanap, at sa mga Sulat, ang Kanyang mukha ay nag-aaninag ng kaluwalhatian ng Diyos (2 Cor. 4:6) para sa pamamahagi ng buhay tungo sa loob ng Kanyang mga mananampalataya. Dito sa Apocalipsis, ang Kanyang mukha ay gaya ng araw na sumisikat nang matindi, katulad ng nasa Dan. 10:6, para sa naghahatol na pagliliwanag upang maipasok ang kaharian. Nang Siya ay nabagong-anyo at ang Kanyang mukha ay nagliwanag katulad ng araw, yaon ang Kanyang pagdating sa loob ng kaharian (Mat. 16:28-17:2). Sa Kanyang pagdating upang angkinin ang lupa para sa kaharian, ang Kanyang mukha ay magiging katulad ng araw (10:1).

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 1-9

Kaliwanagan at inspirasyon: _____

UNANG LINGGO—SABADO

Mga Bersikulo

- Apoc. 1:17** At nang Siya ay aking makita, ^analugmok akong waring patay sa Kanyang paanan; at ^bipinatong Niya sa akin ang Kanyang kanang *kamay*, na nagsasabi, ^cHuwag kang matakot; Ako ay ang ^{1d}Una at ang Huli,
- 18** At ang ^{1a}nabubuhay na Isa, at ^bnamatay Ako noon, at tingnan mo, Ako ay ^anabubuhay magpakailanman, at nasa Akin ang mga ^{2c}susi ng kamatayan at ng Hades.
- 19** Kaya ^aisulat mo ang mga bagay na iyong nakita, at ang mga bagay na ngayon, at ang mga bagay na malapit nang mangyari ^bpagkaraan ng mga bagay na ito.
- 20** Ang ¹hiwaga ng ^apitong bituin na iyong nakita sa Aking kanang *kamay*, at ng ^bpitong gintong patungan ng ilawan: ang pitong bituin ay ang mga ²sugo ng ^cpitong ekklesia, at ang pitong ^dpatungan ng ilawan ay pitong ekklesia.

Mga Talababa

17¹ Si Kristo ang Una at ang Huli. Ito ay sumasagisag na Kanyang tiyak na isasagawa ang anumang Kanyang sinimulan. Tingnan ang 13² ng Apocalipsis 22.

18¹ Ang Mismong Kristo na lumalakad sa gitna ng mga ekklesia, na Siyang Ulo ng mga ekklesia at kung Kanino nabibilang ang mga ekklesia, ay ang nabubuhay na Isa. Kaya nga,

ang bawat ekklesia bilang kahayagan ng Kanyang Katawan sa bawat lokalidad ay nararapat ding maging buháy, sariwa, at malakas.

18² Dahil sa pagkatisod ng tao, nagkaroon ang mga tao ng kasalanan, at ang kamatayan ay dumating sa lupa upang gumawa, tinitipon nito ang lahat ng namatay na makasalanan sa Hades. Kaya nga, sa mga makasalanan, ang kamatayan ay ang tagapagtipon, samantalang ang Hades ay ang tagapag-ingat. Subalit, ang mga susi ng kamatayan at ng Hades ay nasa mga kamay ng ating Tagapagligtas, na namatay at muling-nabuhay.

20¹ Nang makita ni Juan ang pitong bituin sa kanang kamay ni Kristo at ang pitong gintong patungan ng ilawan na kung saang kalagitnaan lumalakad si Kristo, ito ay isang hiwaga sa kanya. Hindi niya maunawaan ang kahulugan ng pitong makalangit na bituin at ng pitong gintong patungan ng ilawan. Kaya nga, inilahad ng Panginoon ang hiwaga sa kanya, sinasabi na ang pitong bituin ay mga sugo ng pitong ekklesia, at ang pitong patungan ng ilawan ay pitong ekklesia. Ang kahulugan nito ay hindi lamang isang hiwaga kay Juan, bagkus maging sa mga mananampalataya sa ngayon. Lahat ng mananampalataya ay nangangailangan ng paglalahad ng hiwagang ito upang makita ang mga ekklesia at ang kanilang mga sugo.

Ang mga ekklesia, na sinagisag ng pitong gintong patungan ng ilawan, sa dibinong kalikasan, ay ang patotoo ni Hesus (bb. 2, 9). Bagama't ang pagliliwanag ng mga ito sa madilim na gabi ay sa panlokal, ang kanilang pagliliwanag naman ay sama-sama. Ang kalikasan ng mga ekklesia ay nararapat na maging dibino, yaon ay, ginto. Sila ay nararapat na maging mga patungan, samakatuwid ay, mga patungan ng ilawan, na humahawak sa ilawan kasama ang langis (tumutukoy kay Kristo bilang ang Espiritung nagbibigay-buhay), bagama't nagliliwanag sa kadiliman nang isa isa sa bawat lokalidad ay sama-sama namang nagliliwanag bilang mga ekklesia-lokal. Sila ay mga indibiduwal na patungan ng ilawan sa panlokal, subalit sa parehong panahon sila ay isang grupo, isang koleksiyon ng mga patungan ng ilawan sa pansansinukob. Sila ay hindi lamang panlokal na nagliliwanag, bagkus ay pansansinukob na tinataglay ang gayunding patotoo sa mga lokalidad at gayundin sa sansinukob. Magkakatulad sila sa kalikasan, sa hugis, sa pinapasan na ilawan at para sa iisang layunin; sila ay lubusang magkakatulad at walang anumang indibiduwal na pagkakaiba. Ang mga pagkakaiba ng pitong ekklesia na itinala sa mga kapitulo 2 at 3 ay pawang buhat sa isang negatibong kalikasan, hindi positibo. Sa pangnegatibo, sa kanilang mga kabiguan, sila ay magkakaiba at hiwalay sa isa't isa; subalit sa pampositibo, sa kanilang kalikasan, hugis, at layunin, sila ay lubusang magkakatulad at magkakaugnay sa isa't isa.

Madali para sa mga mananampalataya na makita ang pansansinukob na ekklesia, subalit mahirap para sa kanila na makita ang mga ekklesia. Ang pahayag ng mga ekklesia-lokal ay ang sukdulang paglalahad ng Panginoon hinggil sa ekklesia. Ito ay ibinigay dito sa huling aklat ng dibinong Salita. Upang lubos na makilala ang ekklesia, kinakailangang sundan ng mga mananampalataya ang Panginoon mula sa mga Ebanghelyo patungo sa mga Sulat hanggang sa aklat ng Apocalipsis, hanggang sa makita na nila ang mga ekklesia-lokal katulad ng inilahad dito. Sa Apocalipsis, ang unang pangitain ay hinggil sa mga ekklesia. Ang mga ekklesia, kasama si Kristo bilang kanilang iisang sentro, ay ang pokus sa dibinong administrasyon para sa pagsasagawa ng walang hanggang layunin ng Diyos.

Ang mga sugo ay ang mga espirital na tao sa ekklesia, na pumapasan sa responsabilidad ng patotoo ni Hesus. Sila ay nararapat na maging katulad ng mga bituin, may makalangit na kalikasan at nasa isang makalangit na posisyon. Sa mga Gawa at sa mga Sulat, ang mga matanda ay ang mga nangungunang tao sa pamamahala ng mga ekklesia-lokal (Gawa 14:23; 20:17; Tito 1:5). Ang pagka-matanda ay tila pangkatungkulan, at sa panahon na isinulat ang aklat na ito ang mga panunungkulan sa mga ekklesia ay nagbago na sa kalikasan dahil sa pagbaba ng ekklesia. Sa aklat na ito ay tinatawag ng Panginoon ang ating pansin pabalik sa

espiritwal na realidad. Kaya nga, binibigyang-diin nito ang mga sugo ng mga ekklesia nang higit kaysa sa mga matanda. Ang panunungkulan ng mga matanda ay madaling mapagkilanlan, subalit kailangang makita ng mga mananampalataya ang kahalagahan ng espiritwal at makalangit na realidad ng mga sugo para sa wastong buhay-ekkklesia upang pasanin ang patotoo ni Hesus sa kadiliman ng panahon ng pagbabà ng ekklesia. Ang unang pangitain ng aklat na ito ay ang pangitain hinggil sa mga ekklesia. Sa aklat na ito ay inilahad si Kristo, ang mga sugo ng mga ekklesia at ang mga ekklesia sa isang napakapartikular na paraan, na hindi pa kailanman nagamit noon. Kaya, ang mga mananampalataya ay kinakailangang mapasa espiritu upang makita ang partikular na pangitaing ito.

20² Lit. mga anghel. Gayundin sa b. 1.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 1-9

Kaliwanagan at inspirasyon: _____

APOCALIPSIS

IKA-2 LINGGO—LUNES

Mga Bersikulo

- Apoc.** ¹Sa ²sugo ng ekklesia sa ^{3a}Efeso ay isulat mo: Ang mga bagay na ito ay ⁴sinasabi
2:1 ng may ⁵hawak ng ^bpitong bituin sa Kanyang kanang *kamay*, na ⁵lumalakad sa ^cgitna ng ^dpitong gintong patungan ng ilawan:
2 ^aNalalaman Ko ang iyong mga ^bgawa, at ang iyong pagpapagal at ^cpagtitiis, at yaong hindi mo matiis ang masasamang *tao*; at ^dsinubok mo ang mga ¹nagpapanggap na ^eapostol at sila ay hindi nga mga gayon, at nasumpungan mo silang bulaan;
3 At may pagtitiis ka at nagbatá ka dahil sa Aking ^apangalan at hindi ka napagod.
4 Ngunit mayroon Akong ^alaban sa iyo, na iyong iniwan ang iyong ¹unang ^{2b}pag-ibig.
5 Kaya ^aalalahanin mo kung saan ka nahulog at ^bmagsisi ka at gawin mo ang mga unang gawa; o kung hindi ay ^cpaririyang Ako sa iyo at ¹aalisin Ko ang iyong patungan ng ilawan sa kinalalagyan nito, malibang magsisi ka.

Mga Talababa

¹¹ Ang pitong sulat sa mga kapitulo 2 at 3 ay talâ ng aktuwal na situwasyon na umiiral sa pitong ekklesia nang panahon na isinulat ang mga sulat na ito. Gayunpaman, yamang ang aklat na ito ay isang aklat ng mga tanda na may isang mapropetikong kalikasan, ang mga situwasyon ng pitong ekklesia ay mga tanda rin, sinasagisag nang may pagpopropesiya ang pagsulong ng kasaysayan ng ekklesia sa pitong yugto. Ang unang sulat, sa ekklesia sa Efeso, ay nagbibigay ng isang larawan ng wakas ng naunang ekklesia sa unang yugto, sa panahon ng huling bahagi ng unang siglo. Ang ikalawang sulat, sa ekklesia sa Esmirna, ay naglalarawan ng ekklesiang nagdurusa sa ilalim ng pag-uusig ng Emperyong Romano, mula sa huling bahagi ng unang siglo hanggang sa naunang bahagi ng ikaapat na siglo, nang yakapin ni Konstantino, ang Dakila, ng Emperyong Romano ang Kristiyanidad bilang pang-emperyong relihiyon. Ang ikatlong sulat, sa ekklesia sa Pergamo, ay paunang-sumasagisag sa makasanlibutang ekklesia, ang ekklesiang nagpakasal sa sanlibutan, mula sa araw na tinanggap ni Konstantino ang Kristiyanidad hanggang sa panahon na maitatag ang makapapang sistema sa huling bahagi ng ikaanim na siglo. Ang sulat sa ekklesia sa Tiatira ay mapropesiyang naglalarawan sa ekklesiang tumalikod sa wastong pananampalataya, mula sa pagtatalaga ng makapapang sistema sa huling bahagi ng ikaanim na siglo hanggang sa wakas ng kapanahunang ito, sa pagbabalik ni Kristo. Ang ikalimang sulat, sa ekklesia sa Sardis, ay paunang-naglalarawan sa Protestantismo, mula sa Repormasyon sa naunang bahagi ng ikalabing-anim na siglo hanggang sa pagbabalik ni Kristo. Ang ikaanim na sulat, sa ekklesia sa Filadelfia, ay paunang-nagsasabi tungkol sa ekklesia ng pangkapatirang pagmamahal, ang pagbabawi ng wastong buhay-ekklesia, mula sa naunang bahagi ng ikalabinsiyam na siglo, nang ang mga kapatid ay naitindig sa Inglatera upang isagawa ang ekklesia sa labas ng lahat ng pandenominasyon at mapanghati-hating sistema, hanggang sa ikalawang pagpapakita ng Panginoon. Ang ikapitong sulat, sa ekklesia sa Laodicea, ay paunang-naglalarawan sa napababang buhay-ekklesia ng mga kapatid sa ikalabinsiyam na siglo, mula sa huling bahagi ng ikalabinsiyam na siglo hanggang sa pagbabalik ng Panginoon.

¹² Lit. anghel.

¹³ Sa Griyego, ang mga pangalan ng pitong lunsod ay lubhang makahulugan, at tumutugon sa espirital na kalagayan ng mga ekklesia sa mga lunsod na ito. Ang “Efeso” sa Griyego ay nangangahulugang kanais-nais. Ito ay sumasagisag na ang ekklesia sa mga naunang araw, pagdating sa katapusan nito, ay kanais-nais pa rin sa Panginoon; ang Panginoon ay marami pa ring inaasam sa kanya.

¹⁴ Sa pitong sulat, ang bawat sulat ay palaging pinasisimulan ng Panginoon ng pagsasabi ng tungkol sa Kanyang Sarili, kung sino Siya, batay sa kalagayan ng ekklesiang binanggit sa isang partikular na sulat.

¹⁵ Ang mga sugo ng mga ekklesia, ang mga espirital na tao na sinagisag ng mga nagniningning na bituin, na pumapasan sa responsabilidad ng patotoo ni Hesus, ay hinahawakan sa kanang kamay ng Panginoon, at ang Panginoon ay naglalakad sa gitna ng mga ekklesia, na sinagisag ng pitong gintong patungan ng ilawan. Kahanga-hangang tanawin! Sa isang panig, ang Panginoon ay nakaupo sa kanang kamay ng Diyos bilang ating Mataas na Saserdote na namamagitan sa panalangin para sa atin, ang mga ekklesia (Heb. 7:25), sa kabilang panig, ang mga sugo ng mga ekklesia ay Kanyang hinahawakan at Siya ay lumalakad sa gitna ng mga ekklesia upang sila ay pangalagaan.

²¹ Lit. nagsasabi.

⁴¹ Ang Griyegong salita para sa “una” ay katulad ng isinaling “pinakamabuti” sa Luc. 15:22. Kinakailangan na ang ating unang pag-ibig sa Panginoon ay ang ating pinakamabuting pag-ibig para sa Kanya.

⁴² Ang ekklesia bilang ang Katawan ni Kristo (Efe. 1:22-23) ay isang bagay ng buhay; bilang ang bagong tao (Efe. 2:15), ito ay isang bagay ng Persona ni Kristo; at bilang ang kasintahang babae ni Kristo (Juan 3:29), ito ay isang bagay ng pag-ibig. Ang unang Sulat sa mga taga-Efeso ay nagsasabi sa atin na para sa buhay-ekklesia ay kailangan nating mapalakas tungo sa ating panloob na tao upang si Kristo ay makagawa ng Kanyang tahanan sa ating mga puso, upang tayo, na nagkaugat at napagtibay sa pag-ibig, ay makakilala ng pag-ibig ni Kristo na di-masayod ng kaalaman, upang tayo ay mapuspusan ng buong kapuspusan ng Diyos (Efe. 3:16-19); at para sa buhay-ekklesia, ang biyaya ay sumasa kanilang lahat na umiibig sa Panginoong Hesus (Efe. 6:24). Ngayon, ang ikalawang sulat sa mga taga Efeso ay naghahayag na ang pagbaba ng ekklesia ay nagsisimula sa ating pag-iwan sa “unang pag-ibig” sa Panginoon. Tanging pag-ibig lamang ang makapagpapanatili sa atin sa isang wastong kaugnayan sa Panginoon. Ang ekklesia sa Efeso ay may mabubuting gawa, nagpagal para sa Panginoon, nagbatá ng paghihirap, at sumubok sa mga nagpapanggap na apostol (bb. 2-3), subalit ang unang pag-ibig niya sa Panginoon ay kanyang iniwan. Ang pag-iwan sa unang pag-ibig ang pinagmumulan ng lahat ng pagbaba sa mga sumusunod na yugto ng ekklesia.

⁵¹ Kung ang unang pag-ibig natin sa Panginoon ay ating iniwan at hindi nagsisisi, ang patotoo ng Panginoon ay ating maiwawala at ang patungan ng ilawan ay aalisin sa atin.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 10-13

Kaliwanagan at inspirasyon: _____

IKA-2 LINGGO—MARTES

Mga Bersikulo

Apoc. Subalit ito ay nasa iyo, na iyong kinamumuhian ang mga gawa ng mga 2:6 na ^bkinamumuhian Ko rin naman.

7 Ang may ^{1a}pakinig ay makinig sa sinasabi ng ^{2b}Espiritu sa mga ³ekklesia. Ang ^{4c}magtagumpay ay siya Kong ^{5d}pakakainin ng ^{6e}puno ng buhay, na nasa ^{7f}paraiso ng Diyos.

Mga Talababa

⁶¹ Ang “mga Nikolaita” ay isang katumbas ng Griyegong salitang nikolaitai, ang ugat nito ay nikolaos, binubuo ng dalawang salita - niko at laos. Ang niko ay nangangahulugang “dinadaig” o “nasa ibabaw ng iba.” Ang laos ay nangangahulugang “mga karaniwang tao,” “mga sekular na tao,” o sa Ingles ay “laity.” Kaya ang nikolaos ay nangangahulugang “pinangingibabawan ang mga karaniwang tao,” “umaakyat sa ibabaw ng mga karaniwang tao.” Ang mga Nikolaita, kung gayon, ay tiyak na tumutukoy sa isang grupo ng tao na inaaring higit na mataas ang kanilang mga sarili kaysa sa mga karaniwang mananampalataya. Ito ay walang alinlangang ang hirarkiyang sinunod at itinatag ng Katolisismo at Protestantismo. Kinapopootan ng Panginoon ang mga gawa, ang kilos, nitong mga Nikolaita, at kailangan nating kamuhian ang kinamumuhian ng Panginoon.

Sa Kanyang ekonomiya ay nilayon ng Diyos na ang Kanyang buong bayan ay maging mga saserdote upang maglingkod sa Kanya nang tuwiran. Sa Exo. 19:6, itinalaga ng Diyos ang mga anak ni Israel na maging “isang kaharian ng mga saserdote.” Ito ay nangangahulugan na silang lahat ay nais ng Diyos na maging mga saserdote. Gayunpaman, dahil sa pagsamba sa gintong guya (Exo. 32:1-6) ay kanilang naiwala ang pagkasaserdote, at tangi lamang ang lipi ni Levi ang pinili dahil sa kanilang katapatan sa Diyos, upang halinhan ang buong bansa ng Israel bilang mga saserdote sa Diyos (Exo. 32:25-29; Deut. 33:8-10). Kaya nga, nagkaroon ng isang namamagitanang grupo ng tao sa pagitan ng Diyos at ng mga anak ni Israel. Ito ay naging isang malakas na sistema sa Hudaismo. Sa Bagong Tipan, ang Diyos ay bumalik sa Kanyang orihinal na intensiyon ayon sa Kanyang ekonomiya na dito ay Kanyang ginawa ang lahat ng mananampalataya sa loob ni Kristo na mga saserdote (1:6; 5:10; 1 Ped. 2:5, 9). Subalit sa wakas ng ekklesia sa mga naunang araw, maging sa unang siglo, ang mga Nikolaita ay pumagitan bilang namamagitanang uri upang sirain ang ekonomiya ng Diyos. Ayon sa kasaysayan ng ekklesia, ito ay naging isang sistema na inangkin ng Relihiyong Romano Katoliko at pinanatili rin ng mga Relihiyong Protestante. Ngayon sa Relihiyong Romano Katoliko ay may sistema ng pagpapari, sa mga pang-estadong “ekklesia” ay may sistemang kleriko, at sa mga independiyenteng “ekklesia” ay may sistemang pagpapastor. Lahat ng ito ay isang namamagitanang uri, sinisira ang pangkalahatang pagkasaserdote ng lahat ng mananampalataya. Sa gayon, may dalawang magkaibang uri—ang klero at ang pangkaraniwang tao. Subalit sa wastong buhay-ekklesia ay hindi nararapat magkaroon ng alinman sa klero o pangkaraniwang tao; lahat ng mananampalataya ay nararapat na maging mga saserdote ng Diyos. Ang namamagitanang uri ay kinamumuhian ng Diyos sapagkat winawasak nito ang pangkalahatang pagkasaserdote sa ekonomiya ng Diyos.

Sa Gawa 6:5, sa gitna ng pitong naglilingkod na tao, ay may isang nagngangalang Nikolaos. Walang bakas sa kasaysayan ng ekklesia na ang Nikolaos na ito ang una sa mga Nikolaita.

⁷¹ Bagaman tayo ay nasa tamang anggulo at katayuan, tayo ay maaari pa ring walang wastong tainga upang makinig. Ang binigyang-diin sa kapitulo 1 ay ang pagkakita, samantalang ang binigyang-diin sa mga kapitulo 2 at 3 ay ang pakikinig. Sa mga espiritwal

na bagay, ang pagkakita ay nakasalalay sa pakikinig. Narinig muna ng sumulat ng aklat na ito ang tinig (1:10) at pagkatapos ay nakita ang pangitain (1:12). Kung ang ating mga tainga ay mabibigat at hindi makarinig, tayo kung gayon ay hindi makakikita (Isa. 6:9-10). Ayaw pakinggan ng mga Huydo ang salita ng Panginoon, kaya hindi nila makita ang ginagawa ng Panginoon ayon sa bagong tipan (Mat. 13:15; Gawa 28:27). Ang Panginoon ay palaging nagnanais na buksan ang ating mga tainga upang marinig ang Kanyang tinig (Job 33:14-16; Isa. 50:4-5; Exo. 21:6) nang sa gayon ay makita natin ang mga bagay nang ayon sa Kanyang ekonomiya. Ang mabibigat na tainga ay kailangang matuli (Jer. 6:10; Gawa 7:51). Ang mga tainga ng mga makasalanan ay kinakailangang malinis ng nagtutubos na dugo at mapahiran ng Espiritu (Lev. 14:14, 17, 28). Upang makapaglingkod sa Panginoon bilang mga saserdote ay hinihiling din na ang ating mga tainga ay malinis ng nagtutubos na dugo (Exo. 29:20; Lev. 8:23-24). Sa aklat na ito, habang ang Espiritu ay nagsasalita, ang isang bukás, natuli, nalinis, at napahirang tainga ay kailangan nating lahat upang marinig natin ang pagsasalita ng Espiritu.

⁷² Sa simula ng bawat isa sa pitong sulat na itinala sa mga kapitulo 2 at 3, ang nagsasalita ay ang Panginoon (bb. 1, 8, 12, 18; 3:1, 7, 14). Subalit sa katapusan ng bawat isa sa pitong sulat, ang nagsasalita sa mga ekklesia ay ang Espiritu (bb. 7, 11, 17, 29; 3:6, 13, 22). Ito ay hindi lamang tumutukoy na ang Espiritu ay ang Panginoon at ang Panginoon ay ang Espiritu, bagkus binibigyang-diin din nito ang matinding kahalagahan ng Espiritu sa panahon ng kadiliman ng pagbaba ng ekklesia katulad ng ipinakita sa 1:4 tungkol sa makapitong pinatinding Espiritu. Ang 14:13 at 22:17 ay nagbibigay-diin din sa gayunding bagay.

⁷³ Sa isang banda, ang bawat isa sa pitong sulat ay salita ng Panginoon sa isang partikular na ekklesia; subalit sa kabilang banda, ito ay salita ng Espiritu sa lahat ng ekklesia. Bawat ekklesia ay hindi lamang dapat tumalima sa sulat na partikular na sinulat sa kanya, bagkus maging sa lahat ng sulat na sinulat sa iba pang mga ekklesia. Ito ay nagpapahiwatig na ang lahat ng ekklesia, gaya ng patotoo ng Panginoon sa loob ng Espiritu, ay nararapat na magkakatulad.

Yamang ang Espiritu ngayon ay nagsasalita sa mga ekklesia, kailangan nating mapasaloob ng mga ekklesia upang maging wasto ang ating kinalalagyan nang sa gayon ay marinig ang pagsasalita ng Espiritu. Kung hindi, papaano tayo makaririnig?

⁷⁴ Ang “magtagumpay” sa pitong sulat na ito ay nangangahulugang mapagtagumpayan ang napababang situwasyon ng mga ekklesia. Ang kahulugan ng “magtagumpay” sa sulat na ito ay ang mapanumbalik ang ating unang pag-ibig sa Panginoon at kamuhian ang mga gawa ng mga Nikolaita, ang hirarkiyang kinamumuhian ng Panginoon.

⁷⁵ Ang relihiyon ay palaging nagtuturo, subalit ang Panginoon ay nagpapakain (Juan 6:35). Gayunding bagay ang ginawa ni Apostol Pablo, pinakakain ang mga mananampalataya (1 Cor. 3:2). Para sa wastong buhay-ekklesia at pagbabawi ng buhay-ekklesia, yaon ay, para sa wastong paglago sa buhay-Kristiyano, ang ating kailangan ay hindi lamang ang maunawaan sa kaisipan ang mga pagtuturo, bagkus ang kainin sa ating espiritu ang Panginoon bilang ating tinapay ng buhay (Juan 6:57). Maging ang mga salita ng Kasulatan ay hindi dapat ituring na basta mga doktrina lamang upang turuan ang ating kaisipan, bagkus bilang pagkain upang busugin ang ating espiritu (Mat. 4:4; Heb. 5:12-14). Dito sa sulat na ito ay nangangako ang Panginoon na pakakainin ng puno ng buhay ang magtatagumpay. Ito ay tumutukoy pabalik sa Gen. 2:8-9, 16, hinggil sa bagay ng pagkain na itinalaga ng Diyos. Sa sulat sa ekklesia sa Pergamo, ang Panginoon ay nangangako sa magtatagumpay na pakakainin ng natatagong manna (2:17), na tumutukoy sa pagkain ng manna ng mga anak ni Israel sa ilang (Exo. 16:14-16, 31). At sa sulat sa ekklesia sa Laodicea, ang Panginoon ay nangangako na kakain ng hapunang kasalo niyaong magbubukas ng pintuan sa Kanya. Ang kumain ng

hapunan ay hindi basta ang kumain ng iisang uri ng pagkain lamang, kundi ang kumain ng isang masaganang handaan. Ito ay malamang na tumutukoy sa pagkain ng mga anak ni Israel sa mayamang bunga ng mabuting lupa ng Canaan (Jos. 5:10-12). Ito ay nagpapakita na ninanais ng Panginoon na mabawi ng bayan ng Diyos ang pagkain ng wastong pagkain, gaya ng itinalaga ng Diyos at sinagisag ng puno ng buhay, ng manna, at ng bunga ng mabuting lupa; ang lahat ng ito ay mga sagisag ng iba't ibang aspekto ni Kristo bilang pagkain sa atin. Ang pagbaba ng ekklesia ay gumagambala sa mga tao ng Diyos mula sa pagkain ng Kristo bilang kanilang pagkain tungo sa pagtuturo ng mga doktrina para sa kaalaman. Sa loob ng pagbaba ng ekklesia ay may pagtuturo ni Balaam (b. 14), pagtuturo ng mga Nikolaita (b. 15), pagtuturo ni Jezebel (b. 20), at pagtuturo ng malalalim na bagay ni Satanas (b. 24). Ngayon ang Panginoon ay dumarating sa mga sulat na ito upang papanumbalikin ang wastong pagkain sa Kanya bilang ating panustos-buhay. Siya ay kailangan nating kainin hindi lamang bilang puno ng buhay at natatagong manna, bagkus bilang isang mayamang handaan na punung-puno ng Kanyang mga kayamanan.

7⁶ Ang salita para sa “puno ng buhay” rito ay “kahoy” sa Griyego, gaya ng nasa 1 Ped. 2:24, hindi ang karaniwang salita na ginamit para sa “puno ng buhay.” Sa Biblia ang puno ng buhay ay palaging tumutukoy kay Kristo bilang ang pagsasakatawan ng lahat ng kayamanan ng Diyos (Col. 2:9) bilang ating pagkain (Gen. 2:9; 3:22, 24; Apoc. 22:2, 14, 19). Dito ay tumutukoy ito sa ipinako sa krus (naipahiwatig dahil sa ang salitang “puno” ay tumutukoy sa isang pirasong kahoy—1 Ped. 2:24), at nabuhay na muli (ipinahiwatig sa zoe, ang dibinong buhay—Juan 11:25) na Kristo na nasa ekklesia ngayon; ang kaganapan ng ekklesia ay ang Bagong Herusalem, kung saan ang ipinako at nabuhay na muling Kristo ay magiging ang puno ng buhay para sa kabusugan ng lahat ng tinubos na tao ng Diyos hanggang sa kawalang-hanggan (22:2, 14).

Ang orihinal na intensiyon ng Diyos ay yaong ang tao ay nararapat kumain ng puno ng buhay (Gen. 2:9, 16). Dahil sa pagkatisod, ang puno ng buhay ay isinara sa tao (Gen. 3:22-24). Sa pamamagitan ng pagtutubos ni Kristo, ang daan upang mahipo ang puno ng buhay na siyang Diyos Mismo na nasa loob ni Kristo bilang buhay sa tao, ay muling nabuksan (Heb. 10:19-20). Subalit sa pagbaba ng ekklesia, ang relihiyon ay gumapang papasok kasama ang kaalaman nito upang gambalain ang mga mananampalataya sa loob ni Kristo mula sa pagkain sa Kanya bilang ang puno ng buhay. Kaya nga, pinangangakuan ng Panginoon ang mga magtatagumpay na sila ay Kanyang pakakainin ng Kanyang Sarili bilang ang puno ng buhay sa paraíso ng Diyos bilang gantimpala. Ito ay isang pangganyak sa kanila upang iwanan ang kaalaman ng relihiyon at bumalik sa pagtatamasa sa Kanya. Ang pangakong ito ng Panginoon ay nagpapanumbalik sa ekklesia tungo sa orihinal na intensiyon ng Diyos ayon sa Kanyang ekonomiya. Kung ano ang ninanais ng Panginoon na gawin ng mga mapagtagumpay ay siyang dapat gawin ng buong ekklesia sa ekonomiya ng Diyos. Dahil sa pagbaba ng ekklesia, ang Panginoon ay dumarating para tawagin ang mga mandaraig upang halinhan nila ang ekklesia sa pagsasagawa ng ekonomiya ng Diyos.

Ang pagkain sa puno ng buhay ay hindi lamang ang orihinal na intensiyon ng Diyos hinggil sa tao, bagkus ay siya ring magiging walang hanggang kinalabasan ng pagtutubos ng Diyos. Lahat ng Kanyang mga tinubos na tao ay magtatamasa sa puno ng buhay, na siyang si Kristo kasama ang lahat ng dibinong kayamanan bilang kanilang walang hanggang bahagi magpakailanpaman (22:2, 14, 19). Dahil sa paggambala ng relihiyon at dahil sa pagbaba ng ekklesia, ginawang gantimpala sa darating na kaharian ng Panginoon sa Kanyang karunungan ang pagtatamasa sa Kanya upang hikayatin ang Kanyang mga mananampalataya na pagtagumpayan ang gumagambalang kaalaman ng mga pagtuturo ng relihiyon at bumalik sa pagtatamasa sa Kanyang Sarili bilang panustos-buhay sa buhay-ekklesia ngayon para sa pagsasagawa ng ekonomiya ng Diyos.

Ang kainin ang puno ng buhay, yaon ay, ang tamasahin si Kristo bilang ating panustos-buhay, ay nararapat na maging pangunahing bagay sa buhay-ekkleisia. Ang nilalaman ng buhay-ekkleisia ay nakasalalay sa pagtatamasa kay Kristo. Lalo Siyang tinatamasa ay lalo ring nagiging higit na mayaman ang nilalaman ng buhay-ekkleisia. Subalit upang matamasa si Kristo ay hinihiling sa atin na ibigin natin Siya ng unang pag-ibig. Kung ang unang pag-ibig natin sa Panginoon ay iiwanan natin, tayo ay sasala sa pagtatamasa kay Kristo at maiwawala ang patotoo ni Hesus; kaya nga, ang patungan ng ilawan ay aalisin sa atin. Ang pagmamahal sa Panginoon, ang pagtatamasa sa Panginoon, at ang pagiging patotoo ng Panginoon, ang tatlong bagay na ito, ay magkakaagapay.

⁷⁷ Ang paraiso sa Luc. 23:43 ay ang kaaya-aya at maginhawang lugar na kinaroroonan ni Abraham at ng lahat ng namatay na banal (Luc. 16:23-26). Subalit ang “paraiso ng Diyos” sa bersikulong ito ay ang Bagong Herusalem (3:12; 21:2, 10; 22:1-2, 14, 19). Ang ekklesia sa ngayon ay isang paunang-tikim ng Bagong Herusalem na ito. Tayo ay nagtatamasa sa naipako sa krus at nabuhay na muling Kristo bilang ang puno ng buhay, ang panustos na pagkain sa ating espiritu, bilang isang paunang-tikim ngayon sa ekklesia. Itong pagtatamasa ng paunang-tikim ang magdadala sa atin tungo sa loob ng buong lasa ng naipako sa krus at nabuhay na muling Kristo bilang ang puno ng buhay, ang masustansiyang panustos-buhay sa Bagong Herusalem magpasawalang-hanggan.

Sa estriktong pananalita, ang “pakakainin ng puno ng buhay na nasa paraiso ng Diyos” ay tumutukoy sa partikular na pagtatamasa kay Kristo bilang ating panustos-buhay sa Bagong Herusalem sa darating na isang libong taong kaharian, sapagkat ito ay isang ipinangakong gantimpala ng Panginoon sa mga magtatagumpay. Ang pagtatamasa kay Kristo bilang ang puno ng buhay sa Bagong Herusalem sa bagong langit at bagong lupa ay magiging ang pangkalahatang bahagi ng lahat ng tinubos na tao ng Diyos, samantalang ang partikular na pagtatamasa sa Kanya bilang ang puno ng buhay sa Bagong Herusalem sa darating na isang libong taong kaharian ay isang gantimpala para lamang sa mga magtatagumpay na mananampalataya. Kung mapagtatagumpayan natin ang lahat ng panggagambala sa pagbaba ng ekklesia upang tamasahin si Kristo bilang ang puno ng buhay sa ekklesia ngayon, tayo kung gayon ay magagantimpalaan. Kung hindi, mawawala sa atin ang partikular na pagtatamasang ito sa darating na kaharian, bagama’t Siya ay matatamasa pa rin natin bilang ang puno ng buhay sa Bagong Herusalem sa bagong langit at bagong lupa magpasawalang-hanggan. Lahat ng pangako ng Panginoon hinggil sa gantimpala at lahat ng Kanyang mga propesiya hinggil sa kalugihan sa wakas ng bawat isa sa pitong sulat ay tumutukoy sa Kanyang pakikipagtuos sa Kanyang mga mananampalataya sa darating na isang libong taong kaharian. Ang mga ito ay walang kinalaman sa kanilang walang-hanggang kahihinatnan—walang hanggang kaligtasan o walang hanggang kapahamakan.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 10-13

Kaliwanagan at inspirasyon: _____

IKA-2 LINGGO—MIYERKULES

Mga Bersikulo

- Apoc.** At sa ¹sugo ng ekklesia sa ²Esmirna ay isulat mo: Ang mga bagay na ito ay **2:8** sinasabi ng ^{3a}Una at ng Huli na ^bnamatay, at ⁴muling nabuhay:
- 9** Nalalaman Ko ang iyong ^{1a}kapighatian at ^{2b}karukhaan, datapwat ikaw ay ²mayaman; at ang ^{3c}paninirang-puri ng mga yaong ⁴tumatawag sa kanilang mga sarili na mga ^dHudyo at ⁵hindi nga sila mga gayon, kundi isang ^{6e}sinagoga ni ^{7f}Satanas.
- 10** Huwag mong ^akatakutan ang mga bagay na malapit mo nang ^btiisin. Narito, malapit nang ilagay ng ^{1c}Diyablo ang ilan sa inyo sa ^dbilangguan upang kayo ay ^emasubok, at magkaroon kayo ng ^fkapighatiang ^{2g}sampung araw. Maging ^htapat ka ⁱhanggang sa kamatayan, at ibibigay ko sa iyo ang ^{3j}putong ng buhay.
- 11** Ang may ^apakinig ay makinig sa sinasabi ng ^bEspiritu sa mga ekklesia. Ang ^{1c}magtagumpay ay hindi ²masasaktan sa anumang paraan ng ^dikalawang kamatayan.

Mga Talababa

⁸¹ Lit. anghel.

⁸² Sa Griyego, ang “Esmirna” ay nangangahulugang mira, at ang mira sa tipolohiya ay sumasagisag sa pagdurusa. Kaya, ang ekklesia sa Esmirna ay isang nagdurusang ekklesia, sumasagisag sa ekklesia na nasa ilalim ng pag-uusig ng Emperyong Romano mula sa huling bahagi ng unang siglo hanggang sa naunang bahagi ng ikaapat na siglo.

⁸³ Sa pagdurusa, kinakailangang malaman ng ekklesia na ang Panginoon ay “ang Una at ang Huli,” ang Isa na palagiang-umiiral at di-nagbabago kailanman. Maging anupaman ang nang-uusig na kapaligiran, Siya ay nananatiling gayon pa rin; walang bagay na makauuna sa Kanya, ni walang anumang bagay na magiging higit na huli kaysa sa Kanya. Lahat ng bagay ay nasa loob ng paghahangga ng Kanyang kontrol.

⁸⁴ Ang “muling nabuhay” ay nangangahulugang pagkabuhay na muli. Ang Panginoon ay nagdusa ng kamatayan at nabuhay na muli. Siya ay pumasok sa kamatayan, subalit hindi Siya kayang pigilan ng kamatayan (Gawa 2:24), sapagkat Siya ang pagkabuhay na muli (Juan 11:25). Kinakailangan ding makilala Siya ng nagdurusang ekklesia bilang ang gayong Isa upang mabatá niya ang lahat ng uri ng kahirapan. Gaano man katindi ang kahirapan, ang ekklesia ay mananatiling buháy pa rin. Kayang batahin ng nabuhay na muling buhay ni Kristo ang kamatayan.

⁹¹ Sa ekklesia, ang kapighatian ay mahalaga sapagkat maaaring masubok nito ang kanyang buhay. Hinahayaan ng Panginoon ang Kanyang ekklesia na makasumpong ng kapighatian, hindi lamang upang ipatotoo kung paanong dinadaig ng Kanyang pagkabuhay na muli ang kamatayan, bagkus upang mabigyan din ng kakayahan ang ekklesia na matamasa ang kayamanan ng Kanyang buhay.

⁹² Bagama’t ang nagdurusang ekklesia ay dukha sa mga materyal na bagay, mayaman naman siya sa Panginoon at sa mga kayamanan ng buhay ng Panginoon.

⁹³ Ang paninirang-puri ng mga maka-Hudaismo sa nagdurusang ekklesia ay ang kanilang masamang pagtutuligsa sa kanya. Kanilang iginigiit nang may katigasan ng ulo ang pagpapatupad ng kanilang maka-Hudaismong sistema, na binubuo ng Levitikong pagkasaserdote, ng mga rituwal na paghahandog at ng materyal na templo, mga sagisag na ngayon ay tinupad na at hinalinhan na ni Kristo. Yamang ang ekklesia sa ilalim ng bagong

kasunduan sa ekonomiya ng Diyos ay walang bahagi sa kanilang makarelihiyong gawi -gawi, siya ay tinuligsa nang may pamumusong ng mga maka-Hudaismo. Sa prinsipyo, ito ay pareho sa ngayon, sa kadahilangang sinisiraang-puri ng mga relihiyosong tao ang mga ekklesia sa pagbabawi ng Panginoon, na naghahangad sa Panginoon at sumusunod sa Kanya sa loob ng espiritu at sa loob ng buhay at hindi nagbibigay-pansin sa anumang makarelihiyong sistema ni gawi-gawi.

⁹⁴ Lit. nagsasabi na ang kanilang mga sarili ay mga Hudyo.

⁹⁵ Ang mga maka-Hudaismo ay mga Hudyo sa laman, subalit hindi mga Hudyo sa espiritu (Roma 2:28-29). Ang basta lamang pagiging binhi ni Abraham ay hindi nagbubuo sa kanila na maging mga tunay na Hudyo. “Yaong mga anak ng laman ay hindi mga anak ng Diyos” (Roma 9:7-8).

⁹⁶ Ang ekonomiya ng Diyos ay ang magkaroon ng isang namumukod-tanging banal na templo sa lupa upang maging patotoo ng Diyos at ng pagkakaisa ng bayan ng Diyos. Sa Lumang Tipan, hinirang ng Diyos ang Herusalem upang maging ang lugar na kinaroroonan ng Kanyang namumukod-tanging banal na templo. Dahil sa pagkatisod, pagkakahati-hati at pagkakawatak-watak ng bayan ng Diyos, maraming napababa at nahating mga sentro ng pagsamba ang naitindig upang maging mga sinagoga. Ang mga sinagoga ito ay mga lugar kung saan sinasamba ng mga Hudyo ang Diyos; sa pangunahin, ang pagsamba ay isinasagawa sa pamamagitan ng pag-aaral ng Lumang Tipang Kasulatan. Gayunpaman, dahil sa katigasan ng kanilang ulo sa pagkapit sa kanilang mga makatradisyon na relihiyosong kaisipan, sila ay naging kaisa ni Satanas sa pagsalungat sa Diyos sa Kanyang paraan ng buhay upang maisakatuparan ang Kanyang layunin. Kaya, sa ilalim ng pagkokontrol ng kamay ni Satanas, nagawa ng mga sinagoga na usigin ang Panginoong Hesus (Mat. 12:9-14; Luc. 4:28-29; Juan 9:22), pagkaraan ay usigin naman ang mga apostol (Gawa 13:43, 45-46, 50; 14:1-2, 19; 17:1, 5-6), at ngayon ay inuusig naman ang mga ekklesia (3:9). Kaya, ang mga ito ay tinatawag ng Panginoon na “sinagoga ni Satanas.” Kahit na nang Siya ay nasa lupa pa, ang mga sinagoga ay Kanyang itinuring na kay Satanas, katulad ng ipinahiwatig sa Mat. 12:25-29 at Juan 8:44. Sa wari ay sumasamba sila sa Diyos; sa katunayan ay kanilang sinasalansang ang Diyos. Ang mga tunay na sumasamba sa Diyos ay kanilang pinag-usig at pinatay, subalit itinuring pa rin nila ang kanilang mga sarili na naglilingkod sa Diyos (Juan 16:2). Simula noon, sa buong itinagal ng lahat ng siglo, ang kanilang mga yapak ay sinundan ng mga relihiyosong tao, pinag-uusig ang mga tunay na naghahanap at sumusunod sa Panginoon sa loob ng espiritu at buhay, habang itinuturing pa rin ang kanilang mga sarili na nagtatanggol sa mga kapakanan ng Diyos. Ang Romano Katolisismo at Protestantismo, gayon din ang Hudaismo, ay pawang nahulog sa loob ng kategoriyang ito, nagiging isang organisasyon ni Satanas bilang kanyang kagamitan upang pinsalain ang ekonomiya ng Diyos.

⁹⁷ Ang Satanas sa Griyego ay nangangahulugang katunggali. Siya ay hindi lamang ang nasa labas na kaaway ng Diyos, bagkus ang nasa loob din na katunggali ng Diyos.

¹⁰¹ Gr. *diabolos*, nangangahulugang tagapag-akusa, maninirang-puri (12:9-10). Ang Diyablo, na si Satanas, ang katunggali ng Diyos, ay nag-aakusa sa atin sa harapan ng Diyos at naninirang-puri sa atin sa harap ng mga tao.

¹⁰² Ang sampu ay isang kumpletong bilang, gaya ng sampung utos na naghahayag ng kumpletong kahilingan ng Diyos. Ang sampung araw sa Biblia ay sumasagisag sa isang kumpletong panahon, subalit maikli (Gen. 24:55; Jer. 42:7; Dan. 1:12-14). Dito ay isinasagisag nito na ang kapighatian ng nagdurusang ekklesia ay kumpleto subalit maikli. Bilang isang tanda, ang sampung araw na ito ay mapropesiyang tumutukoy sa sampung ulit na malaking pag-uusig na tiniis ng ekklesia sa ilalim ng mga Romanong emperador, nagsisimula kay Cesar Nero sa ikalawang kalahati ng unang siglo at nagtatapos kay Konstantino na Dakila sa unang

bahagi ng ikaapat na siglo. Gaano man katindi ang mga pag-uusig na isinulsol ng Diyablo, si Satanas, sa pamamagitan ng mga Romanong Cesar, na gumawa ng buo nilang makakaya upang wasakin at iligpit ang ekklesia, siya ay hindi pa rin nila nakayanang gapiin at tapusin. Ipinakikita ng kasaysayan na ang ekklesia ng nabubuhay na Kristo “na namatay at muling nabuhay” ay matagumpay na nakalampas sa mga pag-uusig at mayabong na naparami sa pamamagitan ng di-mawasak na pagkabuhay na muling buhay.

10³ Sa Bagong Tipan, palaging ginagamit ang “putong” bilang isang gantimpalang karagdagan sa kaligtasan (tingnan ang reperensiya 10¹). Ang putong ng buhay na iginagantimpala sa mga matapat hanggang kamatayan na nagtagumpay sa pag-uusig ay tumutukoy sa dumaraig na kalakasan na siyang kapangyarihan ng pagkabuhay na muling buhay (Fil. 3:10); sinasagisag din nito na ang mga nagtagumpay na ito ay umabot na sa “higit na pagkabuhay na muli mula sa mga patay,” yaon ay, ang namumukod na pagkabuhay na muli (Fil. 3:11).

11¹ Sa sulat na ito, ang “magtagumpay” ay nangangahulugang maging tapat hanggang sa kamatayan at pagtagumpayan ang pag-uusig.

11² Dahil sa pagkatisod at pagpasok ng kasalanan, bawat tao ay kinakailangang mamatay nang minsan (Heb. 9:27). Ang unang kamatayang ito, gayunpaman, ay hindi pa ang huling pagtutuos. Sa pagwawakas ng isang libong taong kaharian, yaon ay, sa pagwawakas ng lumang langit at lumang lupa, maliban doon sa mga sumampalataya sa Panginoong Hesus at nakatala ang pangalan sa aklat ng buhay, ang lahat ng patay ay bubuhaying-muli at daraan sa paghahatol sa malaking puting trono. Bilang resulta ng paghahatol na ito, sila ay ihahagis sa dagat-dagatang apoy, na siyang ikalawang kamatayan, bilang ang huling pagtutuos (20:11-15). Kaya nga, ang ikalawang kamatayan ay ang pakikipagtuos ng Diyos sa tao pagkatapos ng kamatayan at muling-pagkabuhay ng tao. Yamang napagtagumpayan na ng mga mandaraig ang kamatayan sa pamamagitan ng kanilang katapatan hanggang sa kamatayan sa ilalim ng pag-uusig, at yamang wala silang iniwang anuman na kinakailangan pang tuusin ng Diyos pagkatapos ng kanilang pagkabuhay na muli, sila ay gagantimpalaan ng putong ng buhay at hindi na masasaktan ng kamatayan, na siyang ikalawang kamatayan.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 10-13

Kaliwanagan at inspirasyon: _____

IKA-2 LINGGO—HUWEBES

Mga Bersikulo

Apoc. At sa sugo ng ekklesia sa ¹Pergamo ay isulat mo: Ang mga bagay na ito ay 2:12 sinasabi ng may ^amatalas na tabak na may dalawang talim:

- 13 Nalalaman Ko kung saan ka tumatahan, samakatwid ay, sa kinaroroonan ng ^{1a}trono ni Satanas; at iniingatan mong matibay ang Aking ^{2b}pangalan, at ^chindi mo ikinaila ang ^dAking ²pananampalataya, maging sa mga araw man ni ³Antipas na Aking ^esaksi, na Aking ^ftapat na isa na ^gpinatay sa gitna ninyo na tinatahanan ni ^hSatanas.
- 14 Datapwat mayroon Akong ilang bagay na ^alaban sa iyo, sapagkat mayroon ka riyang ilang humahawak sa ^{1b}pagtuturo ni ^{2c}Balaam, na siyang nagturo kay Balak na maglagay ng katitisuran sa harapan ng mga anak ni Israel upang magsikain ng mga bagay na inihahain sa mga ^{3d}diyos-diyosan, at ^{3e}makiapid.
- 15 Kaya, gayundin naman na mayroon kang ilan na humahawak sa ^{1a}pagtuturo ng mga ^{2b}Nikolaita.
- 16 ^aMagsisi ka nga; o kung hindi ay madaling ^{1b}pariryan Ako sa iyo, at babakahin ko sila ng ^ctabak ng Aking bibig.
- 17 Ang may ^apakinig, ay makinig sa sinasabi ng ^bEspiritu sa mga ekklesia. Ang ^{1c}magtagumpay ay bibigyan Ko ng ^{2d}natatagong ^emanna, at siya ay bibigyan Ko ng isang puting ^{3f}bato, at sa bato ay may nakasulat na isang ^{4g}bagong pangalan, na ^hwalang nakaaalam kundi yaong tumatanggap.

Mga Talababa

12¹ Ang “Pergamo” sa Griyego ay nangangahulugang kasal, nagpapahiwatig ng pakikipag-isa, at kinutaang tore. Bilang isang tanda, ang ekklesia sa Pergamo ay paunang-naglalarawan sa ekklesiang pumasok sa pakikipag-isang-dibdib sa sanlibutan at naging isang mataas na kinutaang tore, na katumbas ng napakalaking punong-kahoy na ipinropesiya ng Panginoon sa talinghaga ng butil ng binhi ng mustasa (Mat.13:31-32). Nang mabigo si Satanas na wasakin ang ekklesia sa pamamagitan ng pag-uusig ng Emperyo Romano sa naunang tatlong siglo, kanyang binago ang kanyang estratehiya o pamamaraan ng paglusob. Sa halip ay pinagsikapan niyang pasamain siya sa pamamagitan ng pagtanggap sa kanya ni Konstantino bilang pang-estadong relihiyon noong unang bahagi ng ikaapat na siglo. Sa pamamagitan ng pag-uudyok at mapolitikang impluwensiya ni Konstantino, laksa-laksang di-mananampalataya ang nabautismuhan tungo sa loob ng “ekklesia,” at ang “ekklesia” ay naging malahalimaw sa laki. Yamang ang ekklesia ay ipinakipagkasundo na kay Kristo bilang isang malinis na kasintahang babae, ang kanyang pakikipag-isa sa sanlibutan ay itinuturing na espiritwal na pakikiapid sa paningin ng Diyos.

13¹ Ang “trono ni Satanas” ay nasa sanlibutang pinananahanan niya, na siyang kinasasaklawan ng kanyang pamumuno. Yamang ang makasanlibutang ekklesia ay pumasok sa pakikipag-isa sa sanlibutan, siya ay nananahan kung saan nananahan si Satanas.

13² Ang pangalan ng Panginoon ay tumutukoy sa Kanyang Persona; ang Persona ay ang realidad ng pangalan. Ang pananampalataya ng Panginoon ay tumutukoy sa lahat ng dapat nating panaligan ukol sa Kanyang Persona at gawa. Hindi ito ang subhektibong pananampalataya sa ating loob ukol sa paniniwala, kundi ang obhektibong pananampalataya sa mga bagay na ating pinaniniwalaan. Sa kadahilanang ang ekklesia ay pumasok sa pakikipag-isa sa sanlibutan, sinimulan niyang hindi pahalagahan ang pangalan ng Panginoon at ikaila ang wastong pananampalatayang Kristiyano.

13³ Ang “Antipas” sa Griyego ay nangangahulugang “laban sa lahat.” Ang tapat na saksing ito ng Panginoon ay sumalungat laban sa lahat ng ipinasok at ginawa ng makasanlibutang ekklesia. Kaya nga, siya ay naging isang martir ng Panginoon. Ang salitang martir sa Griyego ay kapareho ng salitang “saksi.” Tinaglay ni Antipas, bilang isang saksing laban sa lahat, ang isang patotoong laban sa lahat, isang patotoong laban sa anumang bagay na lumilihis sa patotoo ni Hesus. Tiyak na dahil sa kanyang patotoong laban sa lahat, kaya noong kanyang mga araw ay tinanganang mabuti ng ekklesia sa Pergamo ang pangalan ng Panginoon at hindi ikinaila ang wastong pananampalatayang Kristiyano.

14¹ Sa mga sulat na ito, ang Panginoon ay nagnanais, ayon sa ekonomiya ng Diyos, na kainin natin Siya bilang ang puno ng buhay (b. 7), ang natatagong manna (b. 17), at ang mayamang bunga ng mabuting lupa (3:20, tingnan ang tala 7 sa 2:7); subalit ang makasanlibutang ekklesia ay bumaling mula sa buhay tungo sa mga pagtuturo lamang, sa gayon ay ginambala ang mga mananampalataya mula sa pagtatamasa kay Kristo bilang kanilang panustos-buhay para sa pagsasakatuparan ng layunin ng Diyos. Ang pagtatamasa kay Kristo ang nagtatayo sa ekklesia, samantalang ang mga pagtuturo ay nagreresulta sa isang relihiyon.

14² Si Balaam ay isang Hentil na propeta na nagdala ng pakikiapid at pagsamba sa mga diyos-diyosan sa bayan ng Diyos dahil siya ay binayaran (Blg. 25:1-3; 31:16). Sa makasanlibutang ekklesia, may ilang nagsimulang magturo ng mga gayunding bagay.

14³ Ang pagsamba sa mga diyos-diyosan ay palaging nagdadala ng pakikiapid (Blg. 25:1-3; Gawa 15:29). Nang winalang-halaga ng makasanlibutang ekklesia ang pangalan, ang Persona ng Panginoon, siya ay bumaling sa pagsamba sa mga diyos-diyosan, na nagresulta sa pakikiapid.

15¹ Hindi lamang ang mga pagtuturo ni Balaam ang tinatanganan ng makasanlibutan at napababang ekklesia, bagkus maging ang pagtuturo ng mga Nikolaita. Ang mga mananampalataya ay ginagambala ng pagtuturo ni Balaam mula sa Persona ni Kristo tungo sa pagsamba sa mga diyos-diyosan, at mula sa pagtatamasa kay Kristo tungo sa espiritwal na pakikiapid; samantalang ang pangsyon ng mga mananampalataya bilang mga sangkap ng Katawan ni Kristo ay sinisira ng pagtuturo ng mga Nikolaita, sa gayon ay sinasanhing hindi maihayag ang Panginoon ng Kanyang Katawan. Pinawawalang-halaga ng naunang pagtuturo ang Ulo, at winawasak naman ng nahuhuli ang Katawan. Ito ang katusuhan ng kaaway sa lahat ng makarelihiyong pagtuturo.

Sa ekklesia sa Efeso, mga gawain lamang ng mga Nikolaita ang nasumpungan (b. 6), samantalang sa ekklesia sa Pergamo, ang kanilang mga gawain ay sumulong tungo sa pagiging isang pagtuturo. Unang-una, kanilang isinagawa ang hirarkiya sa pasimulang ekklesia; ngayon ay kanilang itinuturo ito sa napababang ekklesia. Sa ngayon, sa Katolisismo at gayundin sa Protestantismo, ang Nikolaitang hirarkiya ay hindi lamang laganap na isinasagawa bagkus laganap ding itinuturo.

15² Tingnan ang tala 6¹ sa kapitulong ito.

16¹ Ito ay hindi tumutukoy sa pagbabalik ng Panginoon, kundi sa Kanyang pagdating upang makipagdigma sa mga gurong Nikolaita sa napababang ekklesia kapag Kanyang hahatulan na ang napababang ekklesia sa pamamagitan ng pumapatay na salita na nagmumula sa Kanyang bibig. Gayunpaman, ang makasanlibutang ekklesia na sinagisag ng ekklesia sa Pergamo, ay nagresulta sa Relihiyong Romano Katoliko na sinagisag ng ekklesia sa Tiatira, at ang pagkamakasanlibutan at masasamang bagay na dinala ng napababang ekklesiya ito ay magpapatuloy sa Relihiyong Romano Katoliko hanggang sa pagbabalik ng Panginoon upang isagawa ang Kanyang buong paghahatol.

17¹ Ang magtagumpay rito ay tiyakang nangangahulugang pagtagumpayan ang pakikipag-isa ng ekklesia sa sanlibutan, ang pagtuturo ng pagsamba sa mga diyos-diyosan at pakikiapid,

at ang pagtuturo ng relihiyosong hirarkiya.

17² Ang “manna” ay isang sagisag ni Kristo bilang ang makalangit na pagkain na nagbibigay-kakayahan sa mga tao ng Diyos na tumahak sa Kanyang daan. Ang isang bahagi ng mannang yaon ay iningatan sa loob ng isang gintong sisidlan na itinago sa kaban (Exo. 16:32-34; Heb. 9:4). Ang bukás na manna ay para sa pagtatamasa ng mga tao ng Diyos sa isang hayag na paraan; ang natatagong manna, na sumasagisag sa natatagong Kristo, ay isang espesyal na bahagi na itinabi para sa mga mandaraig na naghahanap sa Kanya na dumaraig sa pagbaba ng makasanlibutang ekklesia. Habang ang ekklesia ay tumatahak sa daan ng sanlibutan, ang mga mandaraig na ito ay lumalapit upang manatili sa presensiya ng Diyos sa Dakong Kabanal-banalan, kung saan ay kanilang tinatamasa ang natatagong Kristo bilang isang espesyal na bahagi para sa kanilang pang-araw-araw na panustos. Ang pangakong ito ay tinutupad ngayon sa wastong buhay-ekklesia at isasakatuparan nang ganap sa darating na kaharian. Kung hinahanap natin ang Panginoon, dinaraig ang pagbaba ng makasanlibutang ekklesia, at tinatamasa ang isang espesyal na bahagi ng Panginoon sa ngayon, Siya bilang ang natatagong manna ay magiging isang gantimpala sa atin sa darating na kaharian. Kung hindi natin Siya tatamasahin bilang ating espesyal na bahagi sa ngayon sa buhay-ekklesia, tiyak na mawawala sa atin ang pagtatamasa sa Kanya bilang isang gantimpala sa darating na kaharian.

17³ Ang isang “bato” sa Biblia ay sumasagisag sa materyal para sa pagtatayo ng Diyos (Mat. 16:18; 1 Ped. 2:5; 1 Cor. 3:12). Sa ating likas na katauhan, tayo ay hindi mga bato, kundi putik. Sapagkat natanggap natin ang dibinong buhay kasama ang dibinong kalikasan nito sa pamamagitan ng pagkasilang na muli, tayo ay maaaring matransporma tungo sa pagiging mga bato, maging mahahalagang bato, sa pamamagitan ng pagtatamasa kay Kristo bilang ating panustos-buhay (2 Cor. 3:18). Kung tayo ay hindi sumusunod sa makasanlibutang ekklesia, kundi ay nagtatamasa sa Panginoon sa wastong buhay-ekklesia, tayo ay matatransporma tungo sa pagiging mga bato para sa pagtatayo ng Diyos. Ang mga batong ito ay bibigyang-katuwiran at aaprubahan ng Panginoon, gaya ng tinutukoy ng kulay na “puti,” samantalang ang makasanlibutang ekklesia ay hahatulan at Kanyang tatanggihan. Ang pagtatayo ng Diyos, ang pagtatayo ng ekklesia, ay nakasalalay sa ating transpormasyon, at ang ating transpormasyon ay nagmumula sa pagtatamasa kay Kristo bilang ating panustos-buhay.

17⁴ Ang pangalan ay ipinangtatawag sa isang tao. Ang isang “bagong pangalan” ay ang pantawag sa isang natranspormang tao. Bawat natranspormang mananampalataya bilang isang “puting bato” ay nagtataglay ng “isang bagong pangalan na walang nakaalam kundi yaong tumatanggap nito.” Ang gayon “bagong pangalan” ay nagpapakita ng karanasan ng isang natranspormang tao. Kaya nga, tanging siya lamang ang nakaaalam sa kahulugan ng pangalang yaon.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 10-13

Kaliwanagan at inspirasyon: _____

IIKA-2 LINGGO—BIYERNES

Mga Bersikulo

- Apoc.** At sa sugo ng ekklesia sa ^{1a}Tiatira ay isulat mo: Ang mga bagay na ito ay
2:18 sinasabi ng ^{2b}Anak ng Diyos, na may mga ^{3c}matang gaya ng ningas ng apoy, at ang Kanyang mga ^dpaa ay gaya ng tansong binuli:
- 19** ^aNalalaman Ko ang iyong mga ^{1b}gawa at pag-ibig at pananampalataya at paglilingkod at ang iyong pagtitiis, at ang iyong mga huling gawa ay higit kaysa sa mga una.
- 20** Datapwat mayroon Akong ^alaban sa iyo, na pinahi-hintulutan mo ang ¹babaeng si ^bJezebel, na ²tumatawag sa kanyang sarili na ³propetisa at siya ay ^{4c}nagtuturo at ginagabayang palihis ang Aking mga lingkod upang ^{5d}makiapid at kumain ng mga bagay na inihahain sa mga ^{5e}diyos-diyosan.
- 21** At binigyan Ko siya ng panahon upang ^amakapagsisi, at ^bayaw niyang magsisi sa kanyang pakikiapid.
- 22** Narito, Akin siyang iraratay sa isang ¹higaan, at ang mga ^anakikipangalunya sa kanya sa malaking ²kapighatian, maliban kung sila ay magsisipagsisi sa kanyang mga gawa;
- 23** At ¹papatayin Ko ng kamatayan ang kanyang mga anak, at malalaman ng lahat ng mga ekklesia na Ako ay ang yaong ^asumasaliksik ng mga ²panloob na bahagi at ng mga puso; at bibigyan Ko ang bawat isa sa inyo nang ayon sa inyong mga ^bgawa.

Mga Talababa

18¹ Ang “Tiatira” sa Griyego ay nangangahulugang hain ng pabango o walang patid na hain. Bilang isang tanda, ang ekklesia sa Tiatira ay paunang-naglalarawan sa Relihiyong Romano Katoliko, na nabuong ganap bilang ang ekklesiya ng taliwas sa pananampalataya o tumalikod sa katotohanan sa pamamagitan ng pagtatatag ng pandaigdig na makapapang sistema sa huling bahagi ng ikaanim na siglo. Ang ekklesiya ng ito na taliwas sa pananampalataya ay punô ng mga hain, gaya ng ipinakikita sa kanyang walang patid na misa.

18² Matibay na ipinagdidiin ng Romano Katolisismong tumalikod sa katotohanan, na si Kristo ay anak ni Maria. Kaya, dito ay taimtim na ipinapahayag ng Panginoon na Siya ay ang Anak ng Diyos, upang magprotesta laban sa ganitong erehiya.

18³ Lit. Kanyang mga mata. Sa pakikipagtuos sa makasanlibutang ekklesia, ang ekklesia sa Pergamo, tinukoy ng Panginoon ang Kanyang Sarili bilang ang Isa na may matalas na tabak na may dalawang talim. Sa pakikipagtuos dito sa ekklesiya ng taliwas sa pananampalataya, ang ekklesia sa Tiatira, tinukoy Niya ang Kanyang Sarili bilang ang Isa na may mga matang gaya ng ningas ng apoy, at mga paang katulad ng tansong binuli. Kinakailangan ng ekklesiya ng makasanlibutan ang pagtutuos ng Kanyang nanghahampas at pumapatay na salita, samantalang kinakailangan ng ekklesiya ng taliwas sa pananampalataya ang paghahatol ng Kanyang mga nagsasaliksik na mata at mga nangyayapak na paa.

19¹ Ang taliwas sa pananampalatayang Relihiyong Katoliko ay maraming gawa at mga paglilingkod. Ang kanyang mga gawa nitong mga huling araw ay higit na marami kaysa noong nakaraan.

20¹ Ang babae rito ay kagaya ng isa na ipinropesiya ng Panginoon sa Mat. 13:33, na nagdagdag ng lebadura (sumasagisag sa mga masama, maka-erehe, at paganong bagay) sa pinong harina (sumasagisag kay Kristo bilang ang handog na pagkain para sa kasiyahan ng Diyos at ng tao). Ang babaeng ito ay ang dakilang patutot ng Apocalipsis 17, na naghahalo

ng mga kasuklam-suklam na bagay sa mga dibinong bagay. Ang paganong asawa ni Ahab, si Jezebel, ay isang sagisag nitong ekklesiya tumalikod sa katotohanan (tingnan ang reperensiya 20^b).

20² Lit. nagsasabi.

20³ Ang isang propeta ay isang nagsasalita para sa Diyos, taglay ang awtoridad ng Diyos. Dito ay ginagamit ng Panginoon si Jezebel bilang isang sagisag upang tukuyin na ang Relihiyong Katolikong tumalikod sa katotohanan ay isang nag-atas sa sarili at nagtalaga sa sarili na propetisa, nagpapanggap na siya ay nasa ilalim ng awtoridad ng Diyos na nagsasalita para sa Diyos.

20⁴ Ang ekklesia sa Pergamo ay may mga pagtuturo ni Balaam at mga pagtuturo ng mga Nikolaita, at ang mga pagtuturong ito ay ipinagpatuloy sa Tiatira, ang ekklesiya tumalikod sa katotohanan. Higit pa rito, ang Relihiyong Katoliko mismo ay nagtuturo, nagsasanhi sa kanyang mga tao na makinig sa kanya kaysa sa banal na Salita ng Diyos. Ang kanyang mga tagapagtaguyod ay pawang nadroga ng kanyang maka-erehe, makarelihiyong pagtuturo, hindi nagbibigay-pansin kay Kristo bilang kanilang buhay at panustos-buhay, gaya ng tinukoy ng puno ng buhay at ng natatagong manna na ipinangako ng Panginoon sa mga ekklesia sa Efeso at Pergamo (bb. 7, 17).

20⁵ Ang ekklesiya taliwas sa pananampalataya ay punô ng lahat ng uri ng pakikiapid at pagsamba sa mga diyos-diyosan, kapwa sa espiritwal at sa pisikal. Sa kapitulo 17, siya mismo ay tinawag na dakilang patutot.

22¹ Ang higaa ay normal na ginagamit para sa pagtulog at pamamahinga, at abnormal na ginagamit para sa karamdaman. Dito ay tinutukoy ng Panginoon na ang ekklesiya tumalikod sa katotohanan ay may sakit na walang lunas at mananatiling nakaratay sa higaa hanggang sa kanyang huling kahatulan.

22² Ito ay hindi tumutukoy sa pagdurusa ng pag-uusig na nasusumpungan ng ekklesia sa buong itinagal ng mga kapanahunan at mga salinlahi (7:14). Hindi rin ito tumutukoy sa matinding kapighatian na darating sa lahat ng nananahan sa lupa sa loob ng tatlo at kalahating taon na mangyayari sa katapusan ng kapanahunang ito (Mat. 24:21), kundi tumutukoy ito sa natatanging bahagi ng kapighatian na kanyang tatanggapin, na igagawad ng Panginoon sa Romano Katolisismong tumalikod sa katotohanan sa darating na paghuhukom. Tingnan ang tala 23¹.

23¹ Ito ay malamang na tumutukoy sa pagwawasak na gagawin ng Diyos sa Relihiyong Romano Katoliko sa pamamagitan ng Antikristo at ng mga tagasunod ng Antikristo.

23² Lit. bato; sa Ingles, *kidney*.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 10-13

Kaliwanagan at inspirasyon: _____

IKA-2 LINGGO—SABADO

Mga Bersikulo

- Apoc. 2:24** ^apagtuturong ito, na hindi nakaaalam ng ^{1b}malalalim na bagay ni ^cSatanas, gaya ng sinasabi nila) hindi na Ako magpapasan sa inyo ng iba pang pasan;
- 25** Gayunman, ang nasa inyo ay ^apanghawakan ninyong matibay ¹hanggang sa Ako ay ^bpumariyan.
- 26** At ang ^{1a}magtagumpay, at ang tumupad ng ^{2b}Aking mga gawa ^changgang sa katapusan, ay bibigyan Ko ng ^{3d}awtoridad sa mga bansa,
- 27** At sila ay kanyang ¹papastulin ng isang ^abakal na tungkod, gaya ng pagkadurog ng mga ^bsisidlang lupa ng magpapalayok, gaya naman ng ^{2c}tinanggap Ko sa Aking Ama;
- 28** At sa kanya ay ibibigay Ko ang ^{1a}tala sa umaga.
- 29** Ang may ^{1a}pakinig ay makinig sa sinasabi ng ^bEspiritu sa mga ekklesia.

Mga Talababa

24¹ Ang malalalim na bagay ay nangangahulugang mga kalaliman, gaya ng sa Efe. 3:18. Tinutukoy nito nang may paglalarawan ang mahihiwagang bagay. Ang Relihiyong Romano Katoliko ay may maraming hiwaga o malalalim na doktrina. Laban sa nagdurusang ekklesia ay may sinagoga ni Satanas (b. 9); sa makasanlibutang ekklesia ay may trono ni Satanas (b. 13); at sa loob ng tumalikod sa katotohanang ekklesia ay may malalalim na bagay ni Satanas. Ang relihiyon ng sinagoga, ang sanlibutang nasa ilalim ng trono ni Satanas, at ang pilosopiya ng mga maka-Satanas na hiwaga ay pawang ginamit ni Satanas upang pinsalain at pasamain ang ekklesia.

25¹ Ito ay tumutukoy na ang Relihiyong Romano Katolikong tumalikod sa katotohanan ay mananatili hanggang sa pagbabalik ng Panginoon.

26¹ Ang “magtagumpay” rito ay nangangahulugang mapagtagum-payan ang Katolisismo.

26² Ang “Aking mga gawa” ay tumutukoy sa mga bagay na naisagawa na at ginagawa ng Panginoon, taliwas sa mga gawa ng ekklesiang tumalikod sa katotohanan na nasa ilalim ng impluwensiya ni Satanas.

26³ Ito ay isang gantimpala sa mga mandaraig, yaon ay, ang paghahari sa mga bansa kasama ni Kristo sa loob ng isang libong taong kaharian (Apoc. 20:4, 6). Ang pangakong ito ng Panginoon ay matibay na nagpapahiwatig na yaong mga hindi tumutugon sa Kanyang pagtawag upang panagumpayan ang napababang Kristiyanidad ay hindi makababahagi sa paghahari na mangyayari sa loob ng isang libong taong kaharian.

27¹ Sa isang libong taong kaharian, ang mamumuno ay isang pastol.

27² Sa Awit 2:9, si Kristo ay binigyan ng Diyos ng awtoridad upang pamunuan ang mga bansa; dito ay ibinibigay ni Kristo ang gayunding awtoridad sa Kanyang mga mandaraig.

28¹ Sa unang pagpapakita ni Kristo, ang mga mago, hindi ang mga Hudyong relihiyonista, ang nakakita sa Kanyang bituin (Mat. 2:2, 9-10). Sa Kanyang ikalawang pagpapakita, Siya ay magiging ang tala sa umaga sa Kanyang mga mandaraig na nagbabantay sa Kanyang pagdating. Sa lahat ng iba pa Siya ay magpapakita lamang bilang araw (Mal. 4:2).

29¹ Ang bilang na pito sa Biblia ay binubuo alinman ng dalawa: anim dagdagan ng isa, katulad ng ang anim na araw dagdagan ng isang araw ay katumbas ng isang linggo; o ng tatlo dagdagan ng apat, gaya ng nasa dalawang kapitulong ito kung saan ang pitong ekklesia ay hinati sa dalawang grupo: ang isa ay binubuo ng tatlo at ang isa pa ay binubuo ng apat. Sa wakas ng bawat naunang tatlong sulat, ang “may pakinig” ay unang binanggit, at pagkaraan

ay ang pagtawag sa mga mandaraig. Sa wakas naman ng bawat nahuling apat na sulat, ang pagkakasunud-sunod ay binaligtad. Ito ay nagpapatunay na ang naunang tatlo ay isang grupo, at ang huling apat ay isa namang grupo. Ang anim dagdagan ng isa ay nasa paglikha ng Diyos, samantalang ang tatlo dagdagan ng apat ay nasa bagong paglikha ng Diyos, ang ekklesia. Yamang lahat ng bagay ay nilikha sa loob ng anim na araw, ang bilang na anim ay sumasagisag sa paglikha, lalung-lalo na sa tao, na siyang nilikha sa ikaanim na araw; at yamang ang ikapitong araw ay ang konklusyon ng ikaanim na araw bilang ang isang araw ng kapahingahan ng Diyos, ang bilang na isa ay sumasagisag sa namumukod-tanging Manlilikha. Kaya, anim dagdagan ng isa ay nangangahulugan na ang lahat ay nilikha ng Diyos para sa katuparan ng Kanyang layunin na ang lahat ng bagay ay nilikha upang mapasa Diyos. Ang namumukod-tanging Manlilikha, ang Diyos, ay tres-uno, sinasagisag ng bilang na tatlo. Yamang ang nilikha ay kinatawan ng apat na buhay na nilalang sa harap ng Diyos (4:6-9), ang bilang na apat ay sumasagisag sa nilalang, lalung-lalo na sa tao. Sa gayon, tatlo dagdagan ng apat ay nangangahulugan na ang Diyos ay naidagdag sa Kanyang nilalang ang tao, at sa gayon ang Kanyang layunin ay naisasakatuparan. Ang ekklesia ay hindi lamang ang nilikha, bagkus ang nilikha kasama ang Manlilikha, yaon ay, ang Tres-unong Diyos ay naipamahagi sa loob ng ekklesia. Ang ekklesia ang tunay na bilang na pito: ang tunay na bilang na tatlo, ang Tres-unong Diyos, naidagdag sa tunay na bilang na apat, ang nilikhang tao. Samakatwid, ang bilang na pito ay nangangahulugang ang kakumpletuhan ng pagkilos ng Diyos, unang-una sa lumang nilikha, at pagkatapos ay sa bagong nilikha, ang ekklesia.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 10-13

Kaliwanagan at inspirasyon: _____

APOCALIPSIS

IKA-3 LINGGO—LUNES

Mga Bersikulo

- Apoc.** At sa sugo ng ekklesia sa ¹Sardis ay isulat mo: Ang mga bagay na ito ay sina-
3:1 sabi Niyaong may ^{2a}pitong Espiritu ng Diyos at may ^{2b}pitong bituin: ^cNalalaman
 Ko ang iyong mga gawa, na ikaw ay may ³pangalan na ikaw ay ^dbuháy, at
 ikaw ay ^epatay.
- 2** Maging ^amapagbantay ka at pagtibayin mo ang mga ¹bagay na nalalabi, na
 malapit nang mamatay; sapagkat hindi Ko nasumpungang ^{2b}kumpleto ang
 iyong mga gawa sa harapan ng Aking Diyos.
- 3** ^aAlalahanin mo nga kung paano mo tinanggap at narinig, at ito ay tuparin
 mo, at ^bmagsisi ka. Kaya kung hindi ka magbabantay ay ^cpaririyan Akong
 gaya ng isang ^{1d}magnanakaw, at wala kang paraan upang malaman kung
 anong ^eoras Ako darating sa iyo.

Mga Talababa

¹ Ang “Sardis” sa Griyego ay nangangahulugang ang mga labí, ang nalalabi, o, ang pagpapanumbalik. Bilang isang tanda, ang ekklesia sa Sardis ay paunang naglalarawan sa Protestantismo mula sa panahon ng Repormasyon hanggang sa ikalawang pagdating ni Kristo. Ang Repormasyon ay ang reaksiyon ng Diyos sa Relihiyong Romano Katolikong tumalikod sa katotohanan, na isinagisag ng napababang ekklesia sa Tiatira. Ito ay isinagawa ng isang maliit na bilang ng mga mananampalataya, ang “nalalabi.” Kaya nga, ito ay “ang pagpapanumbalik” na dinala ng “mga nalalabi.”

¹² Ang pitong Espiritu ng Diyos ay upang maging buháy na buháy ang ekklesia, at ang pitong bituin ay upang magningning siya nang matindi. Sa ekklesia sa Efeso, si Kristo ay ang Isang may hawak ng pitong bituin at lumalakad sa gitna ng pitong gintong patungan ng ilawan. Kailangan ng pasimulang ekklesia ang pangangalaga ni Kristo, at kailangan ng kanyang mga tagapanguna ang Kanyang nag-iingat na biyaya. Sa ekklesia sa Esmirna, si Kristo ay ang Isang namatay at muling nabuhay. Kailangan ng nagdurusang ekklesia ang pagkabuhay na muling buhay ni Kristo. Sa ekklesia sa Pergamo, si Kristo ay ang Isang may matalas na tabak na may dalawang talim. Kailangan ng napababa at makasanlibutang ekklesia ang Kanyang naghahatol at pumapatay na salita. Sa ekklesia sa Tiatira, Siya ang Isang may mga matang gaya ng ningas ng apoy at mga paang katulad ng tansong binuli. Kailangan ng tumalikod sa katotohanang ekklesia ang Kanyang pagsasaliksik at paghahatol. Ngayon, sa ekklesia sa Sardis, si Kristo ay ang Isang may pitong Espiritu ng Diyos at pitong bituin. Kailangan ng patay at narepormang ekklesia ang makapitong pinatinding Espiritu ng Diyos at ang mga nagniningning na tagapanguna. Itong makapitong pinatinding Espiritu ay buháy, na kailanman ay hindi maaaring halinhan ng mga patay na titik ng kaalaman (2 Cor. 3:6).

¹³ Ang repormadong Protestantismo ay itinuring ng marami na buháy, subalit sinasabi ng Panginoon na siya ay patay. Kaya nga, sa gitna ng kanyang patay na kalagayan ay kailangan niya ang mga buháy na “Espiritu” at ang mga nagniningning na “bituin.”

²¹ Ang mga bagay na nalalabi ay ang mga bagay na naiwala at napanumbalik ng Repormasyon, gaya ng pag-aaring-matuwid sa pamamagitan ng pananampalataya, ang bukás na Biblia, atbp. Bagama’t ang mga bagay na ito ay napanumbalik, sila ay malapit nang mamatay. Kaya nga, kailangan nila ang mga muling pagpapasigla (sa Ingles, revivals). Ito ang aktuwal na sitwasyon ng Protestantismo.

² Walang bagay na sinimulan sa Repormasyon ang nakumpleto. Kaya, ang ekklesia sa Filadelfia ay kailangan upang isagawa ang pagkukumpleto.

³ Ang isang magnanakaw ay dumarating upang nakawin ang mahahalagang bagay sa oras na hindi alam ng tao. Yamang ang repormadong Protestantismo ay patay, hindi nila mamamalayan ang pagdating ng Panginoon na gaya ng isang magnanakaw sa Kanyang lihim na pagpapakita sa mga naghahanap sa Kanya. Kaya nga, kailangan ang pagbabantay.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 14-16

Kaliwanagan at inspirasyon: _____

IKA-3 LINGGO—MARTES

Mga Bersikulo

- Apoc. Subalit mayroon kang ilang pangalan sa Sardis na hindi ^{1a}nagdungis ng kani-
3:4 lang mga damit, at sila ay kasama Kong magsisilakad na may mga damit na
^{2b}puti, sapagkat sila ay karapat-dapat.**
- 5 Ang ^{1a}magtagumpay ay ²daramtang gayon ng mga ^bputing damit, at hindi Ko
^{3c}buburahin sa anumang paraan ang kanyang pangalan sa ^{4d}aklat ng buhay,
at ^{5e}ipahahayag Ko ang kanyang pangalan sa harapan ng Aking Ama at sa
harapan ng Kanyang mga anghel.**
- 6 Ang may ^apakinig ay makinig sa sinasabi ng ^bEspiritu sa mga ekklesia.**

Mga Talababa

⁴ Sa Biblia, ang mga damit ay sumasagisag sa kung ano tayo sa ating paglakad at pamumuhay. Ang dungisan ang mga damit ay partikular na nangangahulugang marungisan ng kamatayan. Sa harapan ng Diyos, ang kamatayan ay higit na nakarurungis kaysa sa kasalanan (Lev. 11:24-25; Bil. 6:6-7, 9).

⁴ Ang puti ay hindi lamang sumasagisag sa kadalisan, bagkus sa pagiging aprubado rin ng Panginoon. Ang mga puting damit dito ay sumasagisag sa paglakad at pamumuhay na hindi narungisan ng kamatayan at siyang aaprubahan ng Panginoon. Ito ay isang kuwalipikasyon para sa paglakad na kasama ng Panginoon, lalung-lalo na sa paglakad na kasama ng Panginoon sa darating na kaharian.

⁵ Ang magtagumpay rito ay tumutukoy sa pananagumpay sa patay na kalagayan ng Protestantismo, yaon ay, ang panagumpayan ang patay na Protestantismo.

⁵ Ang “daramtang gayon ng mga puting damit” sa pangakong ito ay magiging isang gantimpala sa mga mandaraig sa isang libong taong kaharian. Ang anumang kanilang inugali sa panahong ito ay magiging gantimpala sa kanila sa darating na kapanahunan. Ang bawat mananampalataya ay nangangailangan ng dalawang damit: ang unang damit ay para sa ikaaaring-matuwid para sa ating kaligtasan, ipinakikita na si Kristo, ang Kristo na ating

tinanggap, sa obhektibong panig, ay naging ating katuwiran (Luc. 15:22; 1 Cor. 1:30); ang ikalawang damit ay para sa ikaaaprubang pagkatanggap sa atin, ipinakikita na si Kristo, yaon ay, ang Kristo na ating ipinamuhay, sa subhektibong panig, ay naging ating katuwiran (Fil. 1:21; 3:9). Ang damit na binanggit dito ay tumutukoy sa ikalawang damit para sa darating na gantimpalang igagawad sa atin sa pagpasok sa kaharian at para makasama sa paglakad ang Panginoon, yaon ay, maghari na kasama ang Panginoon (2 Tim. 2:11-12). Tingnan ang talâ 8² sa kapitulo 19.

5³ Ang buong bersikulo ay ang pangako ng Panginoon sa mga mandaraig. Ito ay matutupad sa isang libong taong kaharian pagkatapos ng Kanyang pagbabalik. Ang pangalan na buburahin sa aklat ng buhay ay tumutukoy na ang pangalan ay nakasulat na sa aklat ng buhay. Ang aklat ng buhay ay isang dibinong talâ ng mga pangalan niyaong may bahagi sa mga pagpapala ng Diyos na inihanda ng Diyos para sa kanila. Ang mga pangalan ng lahat ng banal na pinili ng Diyos at itinalagang makibahagi sa mga pagpapalang ito ay nakasulat sa aklat na ito (Luc. 10:20). Ang mga pagpapalang ito ay nasa tatlong yugto: 1) ang ekklesia, 2) ang isang libong taong kaharian, at 3) ang kawalang-hanggan. Ang mga pagpapala sa yugto ng ekklesia, gaya ng kapatawaran ng kasalanan, katubusan, pagsilang na muli, buhay na walang hanggan, dibinong kalikasan, atbp., ay ang mga pasimulang bahagi. Lahat ng pinili ng Diyos na nakatala ang mga pangalan sa aklat ng buhay ay may bahagi sa mga pasimulang bahaging ito upang pasimulan ang kanilang espirituwal na buhay. Kung sila ay makikipagtulungan sa nagtutustos na biyaya ng Diyos, sila ay gugulang sa buhay sa kapanahunan ng ekklesia, at itong higit na maagang paggulang sa buhay ay magbubuo ng isang premyo na igagantimpala sa kanila ng Panginoon sa Kanyang pagbabalik. Ang premyong yaon ay ang pagpasok sa isang libong taong kaharian at ang pakikilahok sa mga dibinong pagpapala sa yugtong yaon, gaya ng pagtatamasa sa kagalakan at kapahingahan ng Panginoon (Mat. 25: 21, 23; Heb. 4:9-11), ang paghahari sa mga bansa (2:26-27; 20:4, 6), atbp., na inihanda ng Diyos bilang isang panganyak para sa Kanyang mga pinili na magpatuloy sa Kanya sa kapanahunan ng ekklesia. Gayunpaman, marami sa Kanyang pinili ang hindi makikipagtulungan sa Kanyang biyaya at hindi magpapatuloy sa Kanya pagkatapos nilang matanggap ang pagpapatawad ng Diyos, katubusan, buhay na walang hanggan, dibinong kalikasan, atbp. Kaya, hindi sila gugulang sa buhay sa kapanahunan ng ekklesia at sa gayon ay hindi magiging handa sa pagbabalik ng Panginoon upang makapasok sa isang libong taong kaharian at upang makibahagi sa mga dibinong pagpapala ng kapanahunang yaon bilang isang gantimpala. Kaya, sa panahon ng isang libong taong kaharian ang kanilang mga pangalan ay buburahin sa aklat ng buhay. Pagkatapos madisiplina ng Panginoon at lumago sa buhay tungo sa paggulang sa panahon ng isang libong taong kaharian, sila ay makikibahagi sa mga dibinong pagpapala sa yugto ng kawalang-hanggan, gaya ng walang hanggang pagkasaserdote kasama ang walang hanggang presensiya ng Diyos, ang walang hanggang pagkahari (22:3-5), ang Bagong Herusalem, ang puno ng buhay (22:14), ang tubig ng buhay (22:17), atbp. Pagkaraan ay muling isusulat ang kanilang mga pangalan sa aklat ng buhay. Ito ay nangangahulugan na ang lahat ng pinili ng Diyos na nakasulat ang mga pangalan sa aklat ng buhay at nadala sa loob ng pakikilahok sa mga dibinong pagpapala sa yugto ng ekklesia ay hindi mapapahamak magpakailanman (Juan 10:28), yaon ay, sa anumang paraan ay hindi mawawala sa kanila ang mga dibinong pagpapala ng kawalang-hanggan; subalit ang ilan, na hindi makikipagtulungan sa Panginoon sa kapanahunan ng ekklesia, ay pampanahunang didisiplinahan ng Panginoon sa panahon ng isang libong taong kaharian at maiwawaglit nila ang mga dibinong pagpapala sa yugtong yaon.

5⁴ Lit. balumbon ng papel na may sulat.

5⁵ Ipahahayag ng Panginoon ang pangalan ng isang mandaraig sa darating na kaharian, sapagkat ang kanyang pangalan ay nakatala pa rin sa aklat ng buhay, at hindi nabura. Ito ay

nagpapahiwatig na kung ang mga mananampalataya ay hindi mga mandaraig, ang kanilang mga pangalan ay buburahin sa aklat ng buhay sa kapanahunan ng isang libong taong kaharian (tingnan ang talâ 5³), at hindi rin ipahahayag ng Panginoon ang kanilang mga pangalan.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 14-16

Kaliwanagan at inspirasyon: _____

IKA-3 LINGGO—MIYERKULES

Mga Bersikulo

Apoc. At sa sugo ng ekklesia sa ¹Filadelfia ay isulat mo: Ang mga bagay na ito ay **3:7** sinasabi ng ^{2a}Banal na Isa, ang ^bTotoong Isa, Niyaong may ^{3c}susi ni David, Niyaong nagbubukas at di-maisasara ninuman, at nagsasara at di-mabubuksan ninuman:

8 ^aNalalaman Ko ang iyong mga gawa; narito, ¹inilagay Ko sa harapan mo ang isang ^{2b}pintuang bukás, na ^cdi-maisasara ng sinuman, sapagkat ikaw ay may ³kaunting kapangyarihan at ^dtinupad mo ang Aking ⁴salita at hindi mo ^eikinaila ang Aking ⁴pangalan.

9 Narito, ¹gagawin Ko, silang mga nasa ^{2a}sinagoga ni ^bSatanas, ang mga nagsasabing sila ay mga ^cHudyo, at ³hindi naman, kundi nagbubulaan; narito, sila ay Aking papaparituhin at ^{4d}pasasambahin sa harap ng iyong mga paa, at malalaman nila na ikaw ay Aking ^einibig na.

Mga Talababa

⁷¹ Sa Griyego, ang “Filadelfia” ay nangangahulugang pagmamahalan ng mga kapatid. Bilang isang tanda, ang ekklesia sa Filadelfia ay paunang naglalarawan sa wastong buhay-ekklesia na binawi ng mga kapatid na ibinangon ng Panginoon sa Inglatera noong unang bahagi ng ikalabinsiyam na siglo. Kung paanong ang repormadong ekklesia, na paunang inilarawan ng ekklesia sa Sardis, ay isang reaksiyon sa Relihiyong Katolikong tumalikod sa katotohanan, na paunang inilarawan ng ekklesia sa Tiatira, gayundin ang ekklesia ng pagmamahalan ng mga kapatid ay isang reaksiyon sa patay na repormadong ekklesia. Ang reaksiyong ito ay magpapatuloy bilang isang patotoong laban kapwa sa taliwas na pananampalatayang Katolisismo at napababang Protestantismo hanggang sa pagbabalik ng Panginoon.

⁷² Sa ekklesia ng pagmamahalan ng mga kapatid, ang Panginoon ay “ang Banal na Isa, ang Totoong Isa.” Ang ekklesia na nasa pagbabawi ay maaaring maging banal, nakahiwalay sa sanlibutan, at maaaring maging totoo at tapat sa Diyos sa pamamagitan Niya at dahil taglay Siya bilang elemento ng ekklesia.

⁷³ Sa ekklesia na nasa pagbabawi, ang Panginoon ay ang Isa rin na may “susi ni David,” ang susi ng kaharian, na may awtoridad na magbukas at magsara. Ito ang susing ginagamit

ng Panginoon sa pakikitungo sa ekklesia na nasa pagbabawi.

8¹ Lit. ibinigay, isang Hebraismo.

8² Bilang ang Isa na may susi ni David at Siyang nagbubukas at walang makapagsasara, ang ekklesia na nasa pagbabawi ay binigyan ng Panginoon ng “isang pintuang bukás na di-maisasara ng sinuman.” Mula nang magsimula ang pagbabawi ng wastong buhay-ekklesia, sa unang bahagi ng ikalabinsiyam na siglo, hanggang ngayon, isang pintuan ang palaging maluwanag na nakabukas sa pagbabawi ng Panginoon. Lalong sinisikap isara ng organisadong Kristiyanismo ang pintuan, lalo namang lumuluwang ang bukás nito. Sa kabila ng maraming pagsalungat, ang pintuan ngayon ay bukás sa buong daigdig. Ang susi ay nasa kamay ng Ulo ng ekklesia; ito ay wala sa kamay ng mga sumasalungat.

8³ Ito ay nagpapakita na ang nagbibigay-kasiyahan sa Panginoon ay hindi ang dami ng ating nagagawa para sa Panginoon, kundi, sa ating paggawa ba ay ibinuhos na natin o hindi ang lahat ng ating magagawa at makakaya.

8⁴ Ang salita ay ang pagpapahayag ng Panginoon, at ang pangalan ay ang Panginoon Mismo. Ang tumaliwas sa pananampalatayang ekklesia ay lumihis mula sa salita ng Panginoon at naging makaerehe. Ang repormadong ekklesia, bagama’t nabawi tungo sa salita ng Panginoon sa ilang sukat, ay nagkaila sa pangalan ng Panginoon sa pamamagitan ng pagbibigay-pangalan sa kanyang sarili ng marami pang ibang pangalan, gaya ng Lutheran, Wesleyan, Anglican, Presbyterian, Baptist, atbp. Ang ekklesia na nasa pagbabawi ay hindi lamang bumalik sa salita ng Panginoon sa isang ganap na paraan, kundi tumalikod din sa lahat ng pangalan liban sa pangalan ng Panginoong Hesus-Kristo. Ang ekklesia na nasa pagbabawi ay lubusang pag-aari ng Panginoon, na walang kinalaman sa alinmang denominasyon (alinmang pangalan). Ang lumihis sa salita ng Panginoon ay taliwas sa katotohanan, at ang bigyan ng pangalan ang ekklesia ng alinmang ibang pangalan maliban sa pangalan ng Panginoon ay espirital na pakikiapid. Ang ekklesia bilang ang dalisay at malinis na birhen na ipinagkasundo kay Kristo (2 Cor. 11:2) ay hindi dapat magkaroon ng alinmang pangalan maliban sa kanyang Asawang lalaki. Lahat ng iba pang pangalan ay pawang kasuklam-suklam sa mga mata ng Diyos. Sa loob ng buhay-ekklesia na nasa pagbabawi ay wala tayong mga pagtuturo ni Balaam (2:14), walang mga pagtuturo ng mga Nikolaita (2:15), walang mga pagtuturo ni Jezebel (2:20), at walang mahihiwagang bagay ni Satanas (2:24), kundi mayroon lamang dalisay na salita ng Panginoon. Amen! Ang ekklesia na nasa pagbabawi ay walang mga denominasyon (mga pangalan), kundi may namumukod-tanging pangalan ng Panginoong Hesu-Kristo. Ang paglihis mula sa salita tungo sa mga erehiya at ang pagtataas ng napakaraming pangalan maliban doon sa pangalan ni Kristo ay ang mga lubhang kapansin-pansing tanda ng napababang Kristiyanidad. Ang pagbabalik tungo sa dalisay na salita mula sa lahat ng erehiya at mga tradisyon at ang pagtataas sa pangalan ng Panginoon sa pamamagitan ng pag-iwan sa bawat ibang pangalan ay ang mga lubhang nagpapasiglang patotoo sa ekklesia na nasa pagbabawi. Ito ang dahilan kung bakit sa pagbabawi ng Panginoon ay masusumpungan ang pahayag at presensiya ng Panginoon at naihahayag ang Panginoon sa isang buháy na paraan, puspos ng liwanag at ng mga kayamanan ng buhay.

9¹ Lit. bibigyan, isang Hebraismo.

9² Tingnan ang talâ 9⁶ sa kapitulo 2.

9³ Tingnan ang talâ 9⁵ sa kapitulo 2.

9⁴ Pinanghahawakan ng maka-Hudyong sinagoga ang Hudaismo, na binubuo ng mga namamagitan saserdote, ng mga ordinansa ng mga titik, ng materyal na templo, at ng mga panlupang pangako. Dinaig ng ekklesia na nasa pagbabawi ang Hudaismo sa pamamagitan ng paghahantad ng mga kamalian nito at ng katigasan ng ulo nito sa paghawak sa apat na bagay na unang nabanggit at ipinaalam sa mga Hudyo na inibig na ng Panginoon ang ekklesia.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 14-16

Kaliwanagan at inspirasyon: _____

IKA-3 LINGGO—HUWEBES

Mga Bersikulo

- Apoc. Sapagkat ^atinupad mo ang ¹salita ng Aking ^bpagtitiis, ikaw naman ay Aking 3:10 ^{2c}iingatan sa panahon ng ^dpagsubok na malapit nang dumating sa buong pinananahanang lupa, upang subukin ang mga ^enananahan sa ibabaw ng lupa.**
- 11 Ako ay ^{1a}dumarating nang madali; ^bhawakan mong matibay ang nasa iyo, upang huwag kunin ninuman ang iyong ^{2c}putong.**
- 12 Ang ^{1a}magtagumpay ay gagawin Kong isang ^{2b}haligi sa ^ctemplo ng Aking Diyos, at sa anumang paraan ay hindi na siya lalabas pa roon, at isusulat Ko sa kanya ang ^{3d}pangalan ng Aking Diyos at ang pangalan ng lunsod ng Aking Diyos, ang ^eBagong Herusalem, na mananaog buhat sa langit mula sa Aking Diyos, at ang Aking ^fbagong pangalan.**
- 13 Ang may ^apakinig ay makinig sa sinasabi ng ^bEspiritu sa mga ekklesia.**

Mga Talababa

10¹ “Ang salita ng Aking pagtitiis” ay ang salita ng paghihirap ng Panginoon. Sa ngayon, ginagamit pa rin ng Panginoon ang Kanyang pagtitiis upang batahin ang paghihirap ng pagtatakwil at pag-uusig. Tayo ay mga kabahagi, hindi lamang sa Kanyang kaharian, bagkus maging sa Kanyang pagtitiis (1:9). Kaya nga, ang Kanyang salita sa atin ngayon ay ang salita ng pagtitiis. Upang matupad ang salita ng Kanyang pagtitiis, kailangan nating batahin kung ano ang pagtatakwil at pag-uusig sa Kanya.

10² Ang “pagsubok” dito ay walang alinlangang tumutukoy sa matinding kapighatian (Mat. 24:21) “na malapit nang dumating sa buong pinananahanang lupa,” katulad ng ipinakikita ng ikalima, ikaanim, at ikapitong trumpeta kasama ng pitong mangkok (8:13-9:21; 11:14-15; 15:1; 16:1-21). Malamang na kasama rin sa “pagsubok” ang mga sobrenatural na kalamidad ng ikaanim na tatak at ng naunang apat na trumpeta. Ipinangangako ng Panginoon sa ekklesia na nasa pagbabawi na siya ay iingatan Niya “sa panahon ng pagsubok” (hindi lamang mula sa pagsubok, kundi sa panahon ng pagsubok) sapagkat kanyang tinupad ang salita ng pagtitiis ng Panginoon. Ang pangakong ito ng Panginoon, katulad ng Kanyang pangako sa Luc. 21:36, ay tumutukoy na ang mga banal na tumupad sa salita ng pagtitiis ng Panginoon ay irarapyur bago dumating ang malaking “pagsubok,” nagpapahiwatig na yaong mga hindi tumupad sa salita ng Kanyang pagtitiis ay maiiwanan sa gitna ng “pagsubok.”

11¹ Sa sulat na ito, pinapatnubayan ng Panginoon ang Kanyang ekklesia na nasa pagbabawi

na pumasok sa loob ng pandama ng Kanyang pagdating sapagkat siya ay umiibig sa Kanya.

11² Ang “putong” ay natamo na ng ekklesia na nasa pagbabawi. Gayunpaman, kung hindi niya panghahawakang matibay hanggang sa pagbabalik ng Panginoon ang anumang mayroon siya sa loob ng Pagbabawi ng Panginoon, ang kanyang putong ay maaaring makuha ng iba.

12¹ Ang “magtagumpay” rito ay nangangahulugang “hawakan nang matibay” ang anumang mayroon tayo sa ekklesia na nasa pagbabawi.

12² Sa 2:17, ang mandaraig ay nagiging isang natranspormang bato para sa gusali ng Diyos. Dito, ang mandaraig ay gagawing “isang haligi” na itinayo sa loob ng templo ng Diyos. Sapagkat siya ay naitayo sa loob ng gusali ng Diyos, “sa anumang paraan ay hindi na siya lalabas pa roon.” Ang pangakong ito ay matutupad sa isang libong taong kaharian bilang isang gantimpala sa mandaraig.

12³ Ang pangalan ng Diyos, ang pangalan ng Bagong Herusalem, at ang bagong pangalan ng Panginoon na nakasulat sa mandaraig ay tumutukoy na ang mandaraig ay pag-aari ng Diyos, ng Bagong Herusalem, at ng Panginoon; na ang Diyos Mismo, ang Kanyang lunsod, ang Bagong Herusalem, at ang Panginoon Mismo, ay pag-aari niya lahat; at yaong siya ay kaisa ng Diyos, ng Bagong Herusalem, at ng Panginoon. Ang pangalan ng Diyos ay nangangahulugang ang Diyos Mismo, ang pangalan ng Bagong Herusalem ay nangangahulugang ang lunsod mismo, at ang pangalan ng Panginoon ay nangangahulugang ang Panginoon Mismo. Ang isulat ang pangalan ng Diyos, ang pangalan ng Bagong Herusalem, at ang pangalan ng Panginoon sa mandaraig ay tumutukoy na nailalin nang lahat tungo sa loob ng mandaraig ang kung ano ang Diyos, ang kalikasan ng Bagong Herusalem, at ang Persona ng Panginoon. Ang pagbanggit sa Bagong Herusalem bilang isang gantimpala sa mandaraig ay tumutukoy na ang pangakong ito ay matutupad sa isang libong taong kaharian. Ang Bagong Herusalem sa isang libong taong kaharian ay magiging isang gantimpala sa mga mandaraig na banal lamang, samantalang ang Bagong Herusalem sa bagong langit at bagong lupa ay magiging pangkalahatang bahagi ng lahat ng tinubos magpasawalang-hanggan.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 14-16

Kaliwanagan at inspirasyon: _____

IKa-3 LINGGO—BIYERNES

Mga Bersikulo

Apoc. At sa sugo ng ekklesia sa ^{1a}Laodicea ay isulat mo: Ang mga bagay na ito ay 3:14 sinasabi ng ^{2b}Amen, ng ^cSaksing tapat at totoo, ng ^{3d}pasimula ng paglalang ng Diyos:

- 15 ^aNalalaman Ko ang iyong mga gawa, na ikaw ay hindi malamig ni ^{1b}mainit man; ibig Ko sanang ikaw ay malamig o ^{1b}mainit.
- 16 Kaya, sapagkat ikaw ay malahininga at hindi mainit ni malamig man, malapit na kitang ^{1b}isuka mula sa Aking bibig.
- 17 Sapagkat ^{1b}sinasabi mo, Ako ay ^amayaman, at yumaman na at hindi ako nangangailangan ng anuman, at hindi mo nalalamang ikaw ay ^{2b}aba at miserable at dukha at ^cbulag at ^dhubad;
- 18 Ipinapayo Ko sa iyo na ikaw ay ^{1a}bumili sa Akin ng ^{2b}gintong ^cdinalisay ng ^dapoy upang ikaw ay ^eyumaman, at ng mga ^fputing ^{3d}damit upang iyong maisuot at nang sa gayon ay huwag mahayag ang kahihyan ng iyong ^ekahubaran, at ng ⁴pamahid sa mata upang ^bipahid sa iyong mga mata nang sa gayon ikaw ay makakita.

Mga Talababa

14¹ Sa Griyego, ang “Laodicea” ay nangangahulugang ang opinyon, ang paghahatol ng mga pangkaraniwang tao (pangkaraniwang mananampalataya). Ang ekklesia sa Laodicea, bilang isang tanda, ay paunang naglalarawan sa ekklesia na matapos mabawi ay napababa. Matapos na mabawi ng Panginoon ang wastong ekklesia sa naunang bahagi ng ikalabinsiyam na siglo, hindi na humigit sa isang siglo, may ilan sa mga nabawing ekklesia (tinaguriang Brethren Assemblies) ang napababa. Itong nabawing ekklesia na napababa ay naiiba sa narepormang ekklesia, na isinagisag ng ekklesia sa Sardis, at naiiba rin sa wastong nabawing ekklesia, na isinagisag ng ekklesia sa Filadelfia. Ito ay iiral hanggang sa pagbabalik ng Panginoon.

14² Sa bawat isa sa pitong ekklesia, tinutukoy ng Panginoon ang kung ano Siya at kung ano ang Kanyang ginagawa alinsunod sa pagkakabanggit ayon sa kanilang sitwasyon at kondisyon. Dito, sa ekklesia sa Laodicea, tinutukoy Niya ang Kanyang sarili bilang ang Amen, ang Saksing tapat at totoo, ang Pasimula ng paglalang ng Diyos. Sa Griyego, ang Amen ay nangangahulugang matatag, di-natitinag, o mapagkakatiwalaan. Ang Panginoon ay ang matatag, di-natitinag, at mapagkakatiwalaang Isa. Kaya nga, Siya ang Saksing tapat at totoo. Ito ay tumutukoy na ang napababang ekklesia sa Laodicea ay hindi matatag, hindi di-natitinag, hindi mapagkakatiwalaan, ni tapat at totoo bilang saksi ng Panginoon. “Ang pasimula ng paglalang ng Diyos” ay tumutukoy sa Panginoon bilang ang pinagbubuhatan o pinagmumulan ng paglalang ng Diyos, nagpapahiwatig na ang Panginoon ay ang di-nagbabago at palagiang umiiral na pinagmumulan ng gawain ng Diyos. Tinutukoy nito na ang nabawing ekklesia na napababa ay nagbabago dahil sa paglisan sa Panginoon bilang ang pinagmumulan.

14³ O, pinagbubuhatan, pinagmumulan, yaon ay, ang pinagbubuhatang pinagmumulan.

15¹ Lit. kumukulo. Gayundin sa susunod na bersikulo.

16¹ Ang maisuka mula sa bibig ng Panginoon ay ang maitakwil ng Panginoon at ang hindi na muling makapagtamasa ng kung ano ang Panginoon sa Kanyang ekklesia.

17¹ Pinagmamapuri ng nabawing ekklesia na napababa ang kanyang pagiging mayaman (pangunahing sa kaalaman ng doktrina). Hindi niya nalalaman na sa buhay siya ay dukha, sa paningin siya ay bulag, at sa pag-uugali siya ay hubad. Kaya, kailangan niyang bumili ng ginto upang siya ay yumaman at ng mga puting damit upang takpan ang kanyang kahubaran,

at ng pamahid sa mata upang mapagaling ang kanyang kabulagan, gaya ng binanggit sa sumusunod na bersikulo.

17² Sa mga mata ng Panginoon, ang nabawing ekklesia na napababa ay: (1) aba, sapagkat ipinagmamapuri niya ang mga kayamanan ng kanyang hungkag na kaalaman sa mga doktrina, samantalang sa katotohanan siya ay pobreng-pobre sa kanyang karanasan sa mga kayamanan ni Kristo; (2) miserable, sapagkat siya ay hubad, bulag, punô ng kahihiyan at kadiliman; (3) dukha, sapagkat siya ay pobre sa karanasan kay Kristo at sa espiritwal na realidad ng ekonomiya ng Diyos; (4) bulag, sapagkat siya ay kulang sa tunay at espiritwal na paningin sa loob ng mga tunay at espiritwal na bagay; (5) hubad, sapagkat siya ay hindi nabubuhay sa pamamagitan ni Kristo, hindi ipinamumuhay si Kristo bilang kanyang subhektibong katuwiran, na siyang pangalawang damit sa kanyang pang-araw-araw na pamumuhay.

18¹ Ang “bumili” ay humihiling ng pagbabayad ng isang halaga. Kinakailangan ng nabawing ekklesia na napababa na magbayad ng isang halaga para sa ginto, mga puting damit, at pamahid sa mata, na kanyang kailangang-kailangan.

18² Sa Biblia, ang ating pananampalataya na gumagawa (Gal. 5:6) ay inihalintulad sa “ginto” (1 Ped. 1:7), at ang dibinong kalikasan ng Diyos, na siyang pagka-Diyos ni Kristo, ay isinasagisag din ng “ginto” (Exo. 25:11). Tayo ay nakikibahagi sa dibinong kalikasan ng Diyos sa pamamagitan ng pananampalataya (2 Ped. 1:1, 4-5). Ang nabawing ekklesia na napababa ay may kaalaman sa mga doktrina hinggil kay Kristo, subalit walang gaanong buháy na pananampalataya upang makibahagi sa dibinong elemento ni Kristo. Kailangan niyang magbayad ng halaga upang makamit ang gintong pananampalataya sa pamamagitan ng mga maapoy na pagsubok, sa gayon ay makabahagi siya sa tunay na “ginto,” na si Kristo Mismo bilang ang elemento ng buhay sa Kanyang Katawan. Sa gayon ay maaari siyang maging isang dalisay na gintong patungan ng ilawan (1:20) para sa pagtatayo ng gintong Bagong Herusalem (21:18).

18³ Sa tipolohiya, ang “mga damit” ay sumasagisag sa pag-uugali (sa Ingles, conduct). Ang “mga puting damit” dito ay tumutukoy sa pag-uugaling aprubado ng Panginoon, na siyang Panginoon Mismo na ipinamuhay ng ekklesia, at siyang kinakailangan ng nabawing ekklesia na napababa upang matakpan ang kanyang kahubaran.

18⁴ Ang “pamahid sa mata” na kinakailangan upang “pahiran” ang kanilang mga mata ay tiyak na tumutukoy sa nagpapahid na Espiritu (1 Juan 2:27), na siya ring Panginoon Mismo bilang ang Espiritung nagbibigay-buhay (1 Cor. 15:45). Kailangan din ng nabawing ekklesia na napababa ang ganitong uri ng pamahid sa mata upang mapagaling ang kanyang kabulagan. Para sa lahat ng tatlong aytem na ito ay kailangan niyang magbayad ng halaga.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 14-16

Kaliwanagan at inspirasyon: _____

IKA-3 LINGGO—SABADO

Mga Bersikulo

Apoc. Ang lahat ng Aking ^ainiibig ay Aking sinasaway at ^bdinidisciplina; ikaw nga 3:19 ay ¹magsikap, at ^cmagsisi.

20 Narito, Ako ay nakatayo sa ^{1a}pintuan at ^bkumakatok; kung ang sinuman ay ^cduminig ng Aking ^dtinig at ²magbukas ng pinto, Ako ay ^epapasok sa kanya, at ³kakaing kasalo niya, at siya ay kasalo Ko.

21 Ang ^{1a}magtagumpay ay Aking pagkakaloobang ²umupong kasama Ko sa Aking ^btrono, gaya Ko naman na ^cnagtagumpay at ^dumupong ^ekasama ng Aking Ama sa Kanyang trono.

22 Ang may ^apakinig ay makinig sa sinasabi ng ^bEspiritu sa mga ¹ekkleisia.

Mga Talababa

19¹ Lit. kumukulo. Sinanhi ng patay, hungkag na kaalaman at makadoktrinang porma na maging malahininga ang nabawing ekklesia na mapababa. Kinakailangan niyang magsisi sa kanyang pagiging malahininga at maging masikap, kumukulo, maningas, nang sa gayon matamo niya muli ang katamasahan sa realidad ni Kristo.

20¹ Ang “pintuan” ay hindi ang pintuan ng mga indibidwal, kundi ang pintuan ng ekklesia. Ang Panginoon bilang ang Ulo ng ekklesia ay nakatayo sa labas ng napababang ekklesia, kumakatok sa kanyang pinto. Ito ay kailangang matanto ng nabawing ekklesia na napababa!

20² Ang pinto ay ang pintuan ng ekklesia, subalit kinakailangang mga indibidwal na mananampalataya ang magbubukas ng pintuan. Sa ekklesia sa Laodicea ay may kaalaman subalit wala ang presensiya ng Panginoon. Ang tinutuos ng Panginoon ay ang buong ekklesia, subalit ang pagtanggap sa pagtutuos ng Panginoon ay kinakailangang maging isang personal na bagay. Ang pagtutuos ng Panginoon ay obhektibo, subalit ang pagtanggap ng mga mananampalataya ay kinakailangang maging subhektibo.

20³ Tumutukoy sa pinakapangunahing kainan sa buong maghapon yaon ay, ang hapunan. Tingnan ang talâ 7⁵ sa kapitulo 2.

21¹ Ang “magtagumpay” rito ay nangangahulugang pagtagumpayan ang pagkamalahininga at pagpapalalo ng nabawing ekklesia na napababa, magbayad ng isang halaga upang bilhin ang mga kinakailangang bagay, at buksan ang pinto upang makapasok ang Panginoon.

21² Ang maupong kasama ng Panginoon sa Kanyang trono ay magiging isang gantimpala sa mandaraig upang siya ay makabahagi sa awtoridad ng Panginoon at maging kasamang Hari Niya sa darating na isang libong taong kaharian.

22¹ Hindi lamang isinasagisag ng pitong ekklesia sa mapropesiyang paraan ang pagsulong ng ekklesia sa pitong yugto, katulad ng nakita na natin, bagkus isinasagisag din ang pitong uri ng ekklesia sa kasaysayan ng ekklesia: ang pasimulang ekklesia, ang nagdurusang ekklesia, ang makasanlibutang ekklesia, ang ekklesiang tumalikod sa katotohanan, ang narepormang ekklesia, ang nabawing ekklesia, at ang nabawing ekklesia na napababa. Ang pasimulang ekklesia ay ipinagpatuloy sa nagdurusang ekklesia; ang nagdurusang ekklesia ay pumihit tungo sa makasanlibutang ekklesia; ang makasanlibutang ekklesia ay naging ekklesiang tumalikod sa katotohanan. Kaya nga, ang naunang apat na ekklesia, sa katapus-tapusan, ay nagresulta sa isang uri ng ekklesia, yaon ay, ang ekklesiang tumalikod sa katotohanan, ang Relihiyong Romano Katoliko. Pagkaraan, ang narepormang ekklesia, bilang isang reaksiyon sa ekklesiang tumalikod sa katotohanan, ay naging isa pang uri ng ekklesia, isang ekklesiang hindi lubusang nabawi. Kaya nga, kasunod nito, ang nabawing ekklesia ay ibinangon bilang isang lubos na pagbabawi ng wastong buhay-ekkleisia. Ito ay maaaring ituring na ikatlong uri

ng ekklesia. Sa pagbaba ng nabawing ekklesia, lumitaw ang nabawing ekklesia na napababa. Ito ay maaaring ibilang na ikaapat na uri ng ekklesia. Ang apat na uri ng ekklesiang ito ay mananatili hanggang sa pagbabalik ng Panginoon. Walang alinlangan, tanging ang ekklesiang nasa pagbabawi ang makatutupad sa walang hanggang layunin ng Diyos, at tanging siya lamang ang hinahangad ng Panginoon. Kinakailangan nating kunin ang pinili ng Diyos.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 14-16

Kaliwanagan at inspirasyon: _____

APOCALIPSIS

IKA-4 NA LINGGO—LUNES

Mga Bersikulo

- Apoc.** Pagkatapos ng mga bagay na ito ay nakita ko, at narito, isang ^apinto ang
- 4:1** ^{1b}nabuksan sa langit, at ang unang ^{2c}tinig na aking narinig ay gaya ng sa isang trumpeta na nakikipag-usap sa akin, na nagsasabi, ^dUmakyat ka rito, at ipakikita ko sa iyo ang mga bagay na dapat mangyari pagkaraan ng mga ^ebagay na ito.
- 2** Kapagdaka ako ¹ay napasa ^{2a}espiritu; at narito, may isang ^{3b}tronong nalalagay sa langit, at sa ibabaw ng trono ay may ^cIsang nakaupo,
- 3** At ang nakaupo ay tulad sa anyo ng isang batong ^{1a}jaspe at isang ^{2b}sardio, at sa trono ay nakapalibot ang isang ^{3c}bahaghari na tulad sa anyo ng isang ^{4d}esmeralda.

Mga Talababa

¹ Ang plano ng Diyos ay natatago sa langit. Kapag ang Diyos ay nakasusumpung ng isang tao sa lupa na katugon ng Kanyang puso, ang langit ay bukás sa kanya. Ito ay bukás kay Jacob (Gen. 28:12-17), kay Ezekiel (Ezek. 1:1), kay Hesus (Mat. 3:16), kay Esteban (Gawa 7:56), at kay Pedro (Gawa 10:11). Dito at sa 19:11 ito ay nabuksan kay Juan, ang sumulat ng aklat na ito, at sa kawalang-hanggan, ito ay bubuksan sa lahat ng mananampalatayang nasa loob ni Kristo (Juan 1:51).

¹² Tumutukoy sa tinig na narinig sa 1:10.

²¹ Lit. ay naging nasa espiritu.

²² Tingnan ang talâ 10² sa kapitulo 1.

²³ Ang “trono” ng Diyos sa aklat na ito ay ang sentro ng administrasyon ng Diyos. Ang trono sa mga Liham ay ang trono ng biyaya; mula sa tronong ito tayo ay nakatatanggap ng awa at nakasusumpung ng biyaya (Heb. 4:16). Ang trono sa aklat na ito ay ang trono ng paghahatol. Mula sa tronong ito ay tatanggap ng paghahatol ang sanlibutan. Sa katapustapusan, pagkaraan na maigawad ang lahat ng paghahatol ng Diyos, ang tronong ito ng Diyos ay magiging ang trono ng walang hanggang panustos ng buhay. Mula sa tronong ito ay aagos ang buháy na tubig ng buhay kasama ang puno ng buhay na tumutubo rito bilang panustos ng tinubos na bayan ng Diyos sa kawalang-hanggan.

³¹ Ang “jaspe,” ayon sa 21:11 ay “isang napakahalagang bato...malinaw na gaya ng kristal.” Ang kulay nito ay matingkad na berde, sumasagisag sa buhay sa loob ng kasaganaan nito. Ang jaspe rito, gaya ng tinutukoy ng 21:11, ay sumasagisag sa natatalastas na kaluwalhatian ng Diyos sa Kanyang mayamang buhay (Juan 17:22, 2). Ito ang anyo ng Diyos, na siya ring magiging anyo ng banal na lunsod, ang Bagong Herusalem (21:11). Ang pader at ang unang pundasyon ng lunsod ay yari sa jaspe (21:18-19).

³² Ang “sardio” ay isa ring napakahalagang bato na ang kulay ay pula, sumasagisag sa katubusan. Ang jaspe ay tumutukoy sa Diyos bilang ang Diyos ng kaluwalhatian sa Kanyang mayamang buhay; ang sardio naman ay sumasagisag sa Diyos bilang ang Diyos ng katubusan. Ang unang bato sa pectoral ng mataas na saserdote sa Lumang Tipan ay sardio at ang huli ay jaspe (Exo. 28: 17, 20). Sinasagisag nito na ang mga taong tinubos ng Diyos ay nagsimula sa katubusan ng Diyos at magtatapos sa kaluwalhatian ng buhay ng Diyos.

³³ Ang “bahaghari” ay isang tanda ng kasunduan ng Diyos sa tao at sa mga nilalang na buháy na sila ay hindi na Niya muling pupuksain sa pamamagitan ng baha (Gen. 9:8-17).

Sa aklat na ito, hahatulan ng Diyos ang lupa kasama ang lahat ng naninirahan dito. Ang bahaghari sa palibot ng Kanyang trono ay sumasagisag na ang Diyos ay ang nakikipagtipang Diyos, ang tapat na Diyos, na tutupad ng Kanyang kasunduan habang ipinapataw ang Kanyang paghahatol sa lupa, sapagkat hindi na Niya muling hahatulan ang sangkatauhan ng baha, ni lilipulin ang buong sangkatauhan, kundi iingatan ang ilan upang maging mga bansa sa bagong lupa para sa Kanyang kaluwalhatian (21:24, 26).

³⁴ Ang bahaghari sa palibot ng trono ng Diyos ay nasa anyong katulad ng “isang esmeralda.” Ang esmeralda ay isang mahalagang bato na kakulay ng luntiang damo, na sumasagisag sa mga buhay na nasa lupa. Ito ay nagpapakita na habang ipinapataw ng Diyos ang Kanyang kahatulan sa lupa ay maaalala pa rin Niya ang Kanyang kasunduan at magtitira ng ilang mga may buhay sa lupa, katulad ng tinukoy sa Gen. 9:11.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 17-18

Kaliwanagan at inspirasyon: _____

IIKA-4 NA LINGGO—MARTES

Mga Bersikulo

- Apoc. At sa ^apalibot ng trono ay may ^{1b}dalawampu't apat na trono, at sa mga trono 4:4 ay nakaupo ang ^{1c}dalawampu't apat na ²matanda, na nadaramtan ng mga ^{3d}puting damit, at sa kanilang mga ulo ay may mga ^eputong na ginto.**
- 5 At mula sa trono ay may lumalabas na mga ^akidlat at mga tinig at mga kulog; at may ^{1b}pitong ilawang apoy na nagliliyab sa harapan ng trono, na siyang ^{2c}pitong Espiritu ng Diyos;**
- 6 At sa harapan ng trono ay waring may isang ^{1a}malasalaming dagat na gaya ng ^bkrystal; at sa gitna ng trono at sa palibot ng trono ay may ^{2c}apat na nilalang na buhay na ^{3d}punô ng mga mata sa harapan at sa likuran.**

Mga Talababa

⁴¹ Ang dalawampu't apat ay dalawang ulit na labindalawa. Ang labindalawa ay tumutukoy sa kakumpletuhan ng administrasyon ng Diyos (Mat. 19:28). Ang mga saserdote at mga Levita ay hinati ni David sa dalawampu't apat na pangkat, upang gawin ang mga katungkulan sa administrasyon ng Diyos. Kaya, bago mahalinhin ang ekklesia ang dalawampu't apat na matanda ng mga anghel ^{*}(tingnan muna ang talâ 4²)*, sila, ang dalawampu't apat na matanda ay magsasagawa muna ng administrasyon ng Diyos. Ang dalawang ulit ng labindalawa ay nagpapakita ng dobleng kalakasan, ipinakikita na ang dibinong administrasyon na isinagawa ng dalawampu't apat na matanda ay malakas.

⁴² Ang “mga matanda” rito ay hindi yaong mga matanda ng ekklesia, kundi ang mga matanda ng mga anghel, sapagkat dito, bago pa ang ikalawang pagdating ng Panginoon ay

nakaupo na sila sa “mga trono” (ihambing ang Mat. 19:28; Apoc. 20:4). Sa mga nilalang ng Diyos, ang pinakasinauna ay ang mga anghel. Ang mga matanda ng mga anghel ay ang mga matanda ng buong kinapal ng Diyos. Ang kanilang pagkakaupo “sa mga trono” na may “mga putong na ginto sa kanilang mga ulo” ay nagpapakita na sila ang mga pinuno ng sansinukob hanggang sa isang libong taong kaharian, kung kailan ay ibibigay sa mga mandaraig na banal ang awtoridad upang pamunuan ang lupa (Heb. 2:5-9; Apoc. 2:26-27; 20:4). Na sila ay “nadaramtan ng mga puting damit” at “ang bawat isa ay may alpa, at mga mangkok na ginto na punô ng insenso” (5:8) ay tumutukoy na ngayon sila rin ay mga saserdote sa harapan ng Diyos; samantalang, sa isang libong taong kaharian, ang mga maghaharing mandaraig ang magiging mga saserdote ng Diyos at ni Kristo (20:6). Ang kanilang mga gintong putong ay nagpapakita na sila ay mga tagapamuno. Kaya, sila ang mga saserdote na naglilingkod sa Diyos, at mga hari rin na nangangasiwa sa mga nilikha ng Diyos.

4³ Ang “mga puting damit” dito ay tumutukoy na ang mga matanda ng mga anghel na ito ay walang kasalanan, hindi nangangailangan ng paghuhugas ng dugo ng Kordero na kinailangan ng mga tinubos na banal (7:14).

5¹ Ang “pitong ilawan” dito ay tumutukoy sa pitong ilawan ng patungan ng ilawan sa Exo. 25:37 at sa pitong ilawan ng patungan ng ilawan sa Zac. 4:2. Ang “pitong ilawang apoy” na siyang “pitong Espiritu ng Diyos” ay sumasagisag sa pagbibigay-liwanag at pananaliksik ng pitong ulit na pinatinding Espiritu ng Diyos. Sa Exodo 25 at Zacarias 4, ang pitong ilawan, na sumasagisag sa pagbibigay-liwanag ng Espiritu ng Diyos sa pagkilos ng Diyos, ay para sa pagtatayo ng Diyos, maging ito man ay para sa pagtatayo ng tabernakulo o sa muling-pagtatayo ng templo. Dito ang pitong ilawan ay para sa paghahatol ng Diyos, na hahantong din sa pagtatayo ng Diyos—ang pagtatayo ng Bagong Herusalem.

5² Tingnan ang talâ 4⁵ sa kapitulo 1.

6¹ Ang “malasalamang dagat” na ito ay walang tubig ngunit may apoy (15:2). Pagkaraan ng dilubyo, ang Diyos, alinsunod sa Kanyang pangako na hindi na Niya muling hahatulan ang lupa at ang mga buháy na nilalang sa pamamagitan ng tubig (Gen. 9:15), ay palaging nagpapataw ng Kanyang kahatulan sa tao sa pamamagitan ng apoy (Gen.19:24; Lev. 10:2; Bil. 11:1; 16:35; Dan. 7:11; Apoc. 14:10; 18:8; 19:20; 20:9-10; 21:8). Ang trono ng paghahatol ng Diyos ay katulad ng naglalagablab na apoy kung saan nagmumula ang isang agos ng apoy (Dan. 7:9-10). Ang lahat ng negatibong bagay sa buong sansinukob ay winawalis ng lagablab ng naghahatol na apoy ng Diyos patungo sa loob ng malasalamang dagat na ito, na sa katapus-tapusan ay magiging ang dagat-dagatang apoy (20:14). Ang “malasalamang dagat,” bilang kalahatan ng lahat ng maapoy na paghahatol ng Diyos, ay “gaya ng kristal,” sumasagisag na ang bawat negatibong bagay na nasa ilalim ng paghahatol ng Diyos ay kasinlinaw ng kristal. Dito, nakikita natin ang bahaghari sa palibot ng trono ng Diyos, sumasagisag na tutuparin ng Diyos ang Kanyang pangako sa Gen. 9:8-17. Dito ay mayroon din tayong kaliliyab pa lamang na malasalamang dagat, nagpapakita na hahatulan pa rin ng Diyos ang lahat ng negatibong bagay sa pamamagitan ng apoy.

6² Ang dalawampu’t apat na matandang nasa palibot ng trono ng Diyos ay kumakatawan sa lahat ng anghel, samantalang ang “apat na nilalang na buháy” ay kumakatawan sa lahat ng iba pang mga nilalang na buháy. Ang una, katulad ng isang leon, ay kumakatawan sa mga halimaw (mababangis na hayop); ang ikalawa, katulad ng isang guya, ay kumakatawan sa mga baka (maaamong hayop); ang ikatlo, katulad ng isang tao, ay kumakatawan sa sangkatauhan; at ang ikaapat, katulad ng isang agila, ay kumakatawan sa mga hayop na lumilipad (b. 7). Sa anim na kategoriya ng mga bagay na nilalang na buháy ng Diyos (Gen.1:20-28), dalawa ang hindi ikinatawan dito—ang mga nilalang na nagsisiusad sa lupa at ang mga buháy na nilalang sa tubig. Ang pinuno ng mga nagsisiusad na nilalang ay ang ahas, isang sagisag ng

kaaway ng Diyos na si Satanas, na pagkatapos maihagis sa dagat-dagatang apoy ay hindi na magkakaroon ng puwang sa bagong langit at sa bagong lupa; at ang mga buháy na nilalang sa tubig ay nasa tubig na hinatulan ng Diyos; sa bagong langit at bagong lupa, wala na rin ang tubig na ito (21:1). Kaya, hindi ikinatawan ang dalawang kategoriyang ito sa harapan ng Diyos magpakailanman.

Sa apat na nilalang na buháy, ang guya ay malinis, subalit ang leon at ang agila ay karumaldumal (Lev. 11:3, 27, 13-19). Sapagkat ang mga ito ay natubos, ang lahat ng ito ay naging malinis (Gawa 10:11-16). Sa mga ito, ang guya at ang tao ang maamo at banayad, subalit ang leon at ang agila ang mailap at mabangis. Sa pamamagitan ng pagtutubos, sila ay maaaring manahan nang sama-sama (Isa. 11:6-9). Ang pagtutubos ni Kristo ay hindi lamang para sa tao, bagkus para din sa “lahat ng bagay” (Col. 1:20), sapagkat nilasap Niya ang kamatayan para sa kapakanan ng “bawat bagay” (Heb. 2:9).

6³ Ang “mga mata” ay para makatanggap ang mga buháy na nilalang ng liwanag at pangitain. Ang apat na nilalang na buháy ay “punô ng mga mata,” hindi lamang “sa harapan at sa likuran,” bagkus maging sa “palibot at sa loob,” tumutukoy na sila ay lubusang hindi malabo, kundi kasinlinaw ng kristal sa bawat aspekto. Sa presensiya ng Diyos, tayo, ang mga tinubos na tao, ay nararapat maging ganito.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 17-18

Kaliwanagan at inspirasyon: _____

IIKA-4 NA LINGGO—MIYERKULES

Mga Bersikulo

- Apoc. 4:7** At ang unang nilalang na buháy ay ¹katulad ng isang ^aleon, at ang ikalawang nilalang na buháy ay katulad ng isang ^aguyang baka, at ang ikatlong nilalang na buháy ay may mukhang katulad ng sa isang ^atao, at ang ikaapat na nilalang na buháy ay katulad ng isang ^aagilang lumilipad.
- 8** At ang apat na nilalang na buháy, na may ^aanim na pakpak bawat isa sa kanila, ay punô ng mga mata sa palibot at sa loob; at sila ay walang pahinga araw at gabi, na nagsasabi, ^{1b}Banal, banal, banal, ang ^cPanginoong Diyos, ang Makapangyarihan sa lahat, na Siyang ^{2d}nakaraan, at Siyang ngayon, at Siyang darating.
- 9** At kapag ang mga nilalang na buháy ay magbibigay ng ^{1a}kaluwalhatian at karangalan at pasasalamat sa Kanya na nakaupo sa trono, sa Kanya na ^bnabubuhay magpakailan kailanman,
- 10** Ang dalawampu’t apat na matanda ay ^amagpapatirapa sa harapan Niyaong nakaupo sa trono, at magsisisamba sa Yaong nabubuhay magpakailan kailanman, at ¹maglalagay ng kanilang mga putong sa harapan ng trono na nagsasabi,

- 11 ^aKarapat-dapat Ka, aming Panginoon at Diyos, na tumanggap ng ^{1b}kaluwalhatian at ng karangalan at ng kapangyarihan, sapagkat ^cnilikha Mo ang lahat ng bagay, at dahil sa Iyong ^{2d}kalooban ay nagsiiral at nalikha sila.

Mga Talababa

⁷¹ Sa panlabas na anyo, ang apat na nilalang na buháy ay nakakatulad ng kerubin sa Ezek. 1:5-10 at sa 10:14-15. Ayon sa kanilang anim na pakpak (b. 8), sila ay katulad ng serapin sa Isa. 6:2. (Ang kerubin sa Exo. 25:20 at sa 1 Hari 6:27 ay may dalawang pakpak, at ang kerubin sa Ezek. 1:6 ay may apat na pakpak.) Ang apat na nilalang na buháy ay tiyak na isang kumbinasyon ng kerubin at ng serapin. Bilang serapin sila ay para sa kabanalan ng Diyos (Isa. 6:3), tumutukoy sa kalikasan ng Diyos, at bilang kerubin sila ay para sa kaluwalhatian ng Diyos (Ezek. 10:18-19; Heb. 9:5), tumutukoy sa kahayagan ng Diyos. Kaya nga, ang apat na nilalang na buháy ay kumakatawan sa kalikasan at kahayagan ng Diyos.

⁸¹ Ang pagbanggit ng “banal” nang tatlong ulit, katulad sa Isa. 6:3, ay nagpapahiwatig na ang Diyos ay tres-uno.

⁸² Ang pagbanggit sa pag-iral ng Diyos na may tatlong panahunan ay nagpapahiwatig din ng pagiging tres-uno ng Diyos. Tingnan ang talâ 4³ sa kapitulo 1.

⁹¹ Ang mga papuri ng apat na nilalang na buháy sa bersikulong ito at gayundin ng dalawampu’t apat na matanda sa b. 11 ay binubuo ng tatlong bagay, nagpapahiwatig na sila ay nagpupuri sa Tres-unong Diyos. Ang naunang dalawang bagay, “kaluwalhatian at karangalan,” ay magkatulad; subalit ang panghuli ay naiiba; ang panghuli sa mga papuri ng apat na nilalang na buháy ay “pasasalamat,” sapagkat sila ay mga tinubos at nagpapasalamat dahil sa pagtutubos ng biyaya ng Diyos; samantalang, ang panghuli sa mga papuri ng dalawampu’t apat na matanda ay “kapangyarihan,” sapagkat, bilang ang mga pinuno ng sansinukob at hindi mga tinubos na nilalang, kanilang pinahahalagahan ang kapangyarihan ng Diyos na sa pamamagitan nito ay namumuno sila.

¹⁰¹ Ayon sa nilalaman ng teksto sa unahan ng bersikulong ito, ang bahaging ito ng dibinong salita ay nagpapahiwatig na kapag ang mga tinubos na banal, na siyang sinasagisag ng tinubos na tao sa apat na nilalang na buháy, ay lubusang napasakdal at naluwalhati upang maging mga opisyal na saserdote at mga hari (20:6), ang dalawampu’t apat na matanda ng mga anghel na pansamantalang mga saserdote at mga hari ay magbibitiw naman sa kanilang mga katungkulan, gaya ng ipinahiwatig ng paglalagay nila ng kanilang mga putong sa harapan ng trono.

¹¹¹ Tingnan ang talâ 9¹.

¹¹² Ang Diyos ay isang Diyos ng layunin, nagtataglay ng isang “kalooban” na Kanyang kinalulugdan. Nilikha Niya ang lahat ng bagay para sa Kanyang kalooban upang Kanyang maisagawa at maisakatuparan ang layuning ito. Sa paglalahad ng pansansinukob na administrasyon ng Diyos, ipinakikita ng aklat na ito ang layunin ng Diyos. Kaya nga, sa papuri ng dalawampu’t apat na matanda sa Diyos hinggil sa Kanyang paglikha, ang Kanyang paglikha ay iniugnay sa Kanyang kalooban.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 17-18

Kaliwanagan at inspirasyon: _____

IKA-4 NA LINGGO—HUWEBES

Mga Bersikulo

- Apoc.** At nakita ko sa kanang *kamay* Niyaong nakaupo sa trono ang isang ^{1a}aklat
5:1 na may sulat sa loob at sa labas, na tinataakang mahigpit ng ²pitong tatak.
2 At nakita ko ang isang malakas na anghel na nagtatanyag sa isang malakas na tinig, Sino ang ^akarapat-dapat na magbukas ng aklat at magtanggap ng mga tatak nito?
3 At walang sinuman ^asa langit, ni sa ibabaw man ng lupa, ni sa ilalim man ng lupa, ang makapagbukas ng aklat, ni makatingin man *sa nilalaman* nito.
4 At ako ay nanangis nang lubha sapagkat ¹hindi nakasumpong ng sinumang karapat-dapat na magbukas ng aklat, o makatingin man *sa nilalaman* nito.
5 At sinabi sa akin ng isa sa mga matanda, Huwag kang manangis; narito, ang ^{1a}Leon ng lipi ni ^bJuda, ang ^{2c}Ugat ni David, ay ^{3d}nagtagumpay upang magbukas ng aklat at ng pitong tatak nito.

Mga Talababa

¹ Ang “aklat” na ito ay tiyak na ang bagong tipan, ang pinakadakilang katibayan ng awtoridad na pinagtibay sa pamamagitan ng dugo ng Kordero para sa pagtutubos ng Diyos sa ekklesia, sa Israel, sa sanlibutan, at sa sansinukob. Ang aklat na ito ay isang talâ ng kaisipan ng Diyos hinggil sa ekklesia, sa Israel, sa sanlibutan, at sa sansinukob.

¹² Ang “pitong tatak” na nagselyo sa aklat sa katunayan ay ang mga nilalaman ng aklat na ito na siya ring nilalaman ng Apocalipsis. Ang aklat ng Apocalipsis ay ang pagbubukas, ang paghahayag ng pitong tatak na ito.

⁴¹ Kung totoong “hindi nakasumpong ng sinumang karapat-dapat” sa buong sansinukob, kailangan na nga nating manangis, sapagkat kung wala ni isang kuwalipikadong magbukas ng lihim ng sansinukob, ang buong sansinukob ay magiging walang kabuluhan.

⁵¹ Ang “Leon” ay isang sagisag ni Kristo, naglalarawan sa Kanya bilang isang malakas na mandirigma laban sa kaaway, gaya ng ipinropesiya sa Gen. 49:8-9. Ang Kanyang pananagumpay ang nagbigay sa Kanya ng kuwalipikasyon na magbukas ng aklat at ng pitong tatak nito.

⁵² Ang titulong, “Ugat ni David” (Siya rin ang Ugat ng ama ni David na si Isai, Isa. 11:1), ay sumasagisag na si Kristo ang pinagmulan ni David. Sa gayon, bagama’t si David ay Kanyang ninuno, tinawag din Siya nitong “Panginoon” (Mat. 22:42-45).

⁵³ Bilang ang Leon sa lipi ni Juda, ginapi ni Kristo si Satanas, ang kaaway na naghimagsik laban sa Diyos. Higit pa rito, Siya ang nagtutubos na Kordero, na nag-aalis ng kasalanan ng natisod na tao. Sa pamamagitan nito, Kanyang inalis ang mga hadlang sa pagsasakatuparan ng naisin ng Diyos. Kaya, Siya ay karapat-dapat na magbukas ng aklat ng ekonomiya ng Diyos.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 17-18

Kaliwanagan at inspirasyon: _____

IKA-4 NA LINGGO—BIYERNES

Mga Bersikulo

- Apoc.** At nakita ko sa gitna ng trono at ng apat na nilalang na buháy, at sa gitna
5:6 ng mga matanda, ang isang ^{1a}Kordero na ²nakatayo, na wari ay ^{3b}kapapatay pa lamang, na may ⁴pitong ^csungay at ^{5d}pitong ^emata, ⁶na siyang ^fpitong Espiritu ng Diyos, na sinugo sa ^gbuong lupa.
- 7** At Siya ay lumapit, at kinuha *ang aklat* sa kanang *kamay* Niyaong nakaupo sa trono.
- 8** At pagkakuha Niya ng aklat, ang ^aapat na nilalang na buháy at ang ^bdalawampu't apat na matanda ay nagpatirapa sa harapan ng Kordero, na ang bawat isa ay may ^calpa at mga ^dmangkok na ginto na punô ng ¹insenso, ²na siyang mga ^epanalangin ng mga banal.

Mga Talababa

⁶¹ Sa kapitulo 4 ay ang tagpo sa mga kalangitan na ang sentro ay ang trono ng Diyos, kung saan ay nakaupo ang Diyos, handa upang isagawa ang Kanyang pansansinukob na administrasyon para sa katuparan ng Kanyang walang-hanggang layunin. Dito sa kapitulo 5 ay ang parehong tagpo sa mga kalangitan pagkatapos ng pag-akyat ni Kristo roon. Siya ay ipinakilala ng isa sa mga matanda kay Apostol Juan bilang ang Leon ni Juda, datapuwat Siya ay nagpakita kay Juan bilang isang Kordero. Bilang ang Leon, Siya ang Mandirigma laban sa kaaway; bilang ang Kordero, Siya ang Manunubos para sa atin. Siya ay nakipaglaban upang tayo ay tubusin, at Siya ay nagtagumpay laban sa kaaway at nagsagawa ng katubusan para sa atin. Sa kaaway Siya ay isang Leon; sa atin Siya ay isang Kordero. Kaya, Siya ay ang Leon-Kordero.

⁶² Hangga't ang katubusan ang kinauukulan, si Kristo ay naupo pagkatapos ng Kanyang pag-akyat sa kanang kamay ng Diyos sa mga kalangitan (Heb. 1:3; 10:12); samantala, tungkol sa pagsasagawa ng administrasyon ng Diyos, Siya ay nakatayo pa rin sa Kanyang pag-akyat.

⁶³ Ang “kapapatay pa lamang” ay tumutukoy na ang pagkapatay sa Kordero ay kagaganap pa lamang. Tinutukoy rin nito na ang tagpo sa mga kalangitan na inilarawan sa kapitulong ito ay naganap pagkatapos na pagkatapos ng pag-akyat ni Kristo sa mga kalangitan.

⁶⁴ Ang mga “sungay” ay sumasagisag sa kalakasan sa pakikipagbaka (Deut. 33:17). Bagama't si Kristo ang nagtutubos na Kordero, gayon pa man, Siya ay may mga panlabang sungay. Siya ang nakikipagbakang Manunubos. Ang Kanyang pakikipagbaka sa loob ng pagkilos ng Diyos ay buo at kumpleto gaya ng tinutukoy ng bilang na pito.

⁶⁵ Ang mga “mata” ay para sa pagmamasid at pagsasaliksik. Si Kristo bilang ang nagtutubos na Kordero ay may pitong nagmamasid at nagsasaliksik na mata para sa paggagawad ng kahatulan ng Diyos sa sansinukob upang isakatuparan ang walang-hanggang layunin ng Diyos, na malulubos sa pagtatayo ng Bagong Herusalem. Kaya, sa Zac. 3:9, Siya ay ipinropesiya bilang ang bato, na siyang pangulong bato na may pitong mata para sa pagtatayo ng Diyos (Zac. 4:7). Ang pitong matang ito ay ang pitong Espiritu ng Diyos na sinugo sa buong lupa, na nagpaparoo't parito sa buong lupa (Zac. 4:10). Tingnan ang talâ 14³ sa kapitulo 1.

⁶⁶ Ayon sa balarilang Griyego, ang pangngalang tinutukoy ng “na” ay ang pitong mata. Kaya, ang pitong Espiritu ng Diyos ay tumutukoy lamang sa pitong mata ng Kordero, at hindi sa Kanyang pitong sungay.

⁸¹ Lit. mga insenso.

⁸² Ang “na” rito ay tumutukoy sa “mga mangkok,” hindi sa “insenso.” Ang mga mangkok ay ang “mga panalangin ng mga banal” na dinala sa Diyos ng mga matanda ng mga anghel (cf.

8:3-4), samantalang ang insenso ay si Kristo na idinagdag sa mga panalangin ng mga banal. Tingnan ang talâ 3⁴ sa kapitulo 8. Itong dalawampu't apat na matanda ng mga anghel, na may dalang mga mangkok na ginto na punô ng insenso sa panahon ng kanilang pagsamba, ay nagpapakita sa atin na sila ay mga saserdoteng naglilingkod sa Diyos at nagdadala ng mga panalangin ng mga banal sa Diyos.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 17-18

Kaliwanagan at inspirasyon: _____

IKA-4 NA LINGGO—SABADO

Mga Bersikulo

- Apoc.** At sila ay nag-aawitan ng isang ^{1a}bagong awit, na nagsasabi: Ikaw ang 5:9 ^{2b}karapat-dapat na kumuha ng aklat at magbukas ng mga tatak nito, sapagkat Ikaw ay ^cpinatay, at ^dbinili Mo *para* sa Diyos ³ng Iyong ^edugo ang *mga tao* sa ^fbawat lipi at wika at bayan at bansa,
- 10 At ¹sila ay ginawa Mong isang ^{2a}kaharian at mga saserdote sa aming Diyos, at sila ay ^bmaghahari sa ibabaw ng lupa.
- 11 At nakita ko, at narinig ko ang tinig ng ¹maraming anghel sa palibot ng trono at ng mga nilalang na buháy at ng mga matanda, at ang bilang nila ay ^asampung libong tigsasampung libo at libu-libo,
- 12 Na nagsasabi nang may ¹malakas na tinig, ^aKarapat-dapat ang ^bKordero na ^cpinatay na tumanggap ng ^dkapangyarihan, at mga ^ekayamanan, at karunungan, at kalakasan, at karangalan, at ^fkaluwalhatian, at ^gpagpapala.
- 13 At ang ¹bawat nilalang na ^anasa langit, at nasa ibabaw ng lupa, at nasa ilalim ng lupa, at nasa ibabaw ng dagat, at lahat ng bagay na nasa mga ito, ay narinig kong nagsasabi: Sa Kanya na nakaupo sa trono at sa ^bKordero, ay ang pagpapala, at ang karangalan, at ang kaluwalhatian, at ang paghahari, magpakailanman.
- 14 At ang apat na nilalang na buháy ay nagsabi, ^aAmen. At ang mga matanda ay nagpatirapa at nagsisamba.

Mga Talababa

⁹¹ Ang “awit” dito ay “bago” sapagkat ang Kordero na pinupuri nila ay kapapatay pa lamang.

⁹² Sa buong sansinukob wala ni isang “karapat-dapat” na magbukas ng hiwaga ng ekonomiya ng Diyos maliban kay Kristo, ang mandaraig na Leon at ang nagtutubos na Kordero. Bilang ang mandaraig na Leon, Kanyang tinalo si Satanas para sa Diyos, at bilang ang nagtutubos na Kordero, Kanyang inalis ang kasalanan para sa atin. Siya lamang ang Isang kuwalipikadong magbukas ng hiwaga ng ekonomiya ng Diyos at magsagawa nito.

⁹³ Lit. sa loob ng Iyong Sariling dugo.

10¹ Ang “sila” ay tumutukoy sa mga tinubos na tao (b. 9). Sa papuri ng dalawampu’t apat na matanda, tinukoy nila ang mga tinubos na tao na “sila”; sa gayon, pinatutunayan na ang mga nagpupuring matandang ito ay hindi mga matanda ng ekklesia kundi mga matanda ng mga anghel.

10² Ang “kaharian” ay para sa pagkahari upang isagawa ang awtoridad ng Diyos, at ang “mga saserdote” ay para sa pagkasaserdote upang isagawa ang dibinong ministeryo.

11¹ Ang “maraming anghel,” na ikinakatawan ng dalawampu’t apat na matanda, ay nagsisunod sa kanila upang magbigay ng papuri ng mga anghel sa Kordero.

12¹ Lit. malaking.

13¹ Ang “bawat nilalang,” na ikinakatawan ng apat na nilalang na buháy, ay sumusunod sa kanila upang magbigay sa Kordero ng pansansinukob na papuri ng lahat ng nilalang bukod pa sa mga anghel.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 17-18

Kaliwanagan at inspirasyon: _____

APOCALIPSIS

IKA-5 LINGGO—LUNES

Mga Bersikulo

- Apoc. At nakita ko nang ¹buksan ng ^aKordero ang isa sa ^bpitong tatak, at narinig
 6:1 ko ang isa sa ^capat na ²nilalang na buhay, na nagsasalitang gaya ng sa ^dtunog ng kulog, ^eHalika.
- 2 At nakita ko, at narito, ang isang ^{1a}puting kabayo, at ²yaong nakasakay rito ay may isang ³busog; at binigyan siya ng isang ^{4b}putong, at siya ay ^chumayong ^{5d}nagtatagumpay, at upang magtagumpay.
- 3 At nang buksan Niya ang ikalawang tatak, narinig ko ang ikalawang nilalang na buháy na nagsasabi, Halika.
- 4 ¹At nakita ko, at narito, ang isa pa, isang ^{2a}pulang kabayo ang humayo; at ang nakasakay rito ay pinagkaloobang ^{3b}mag-alis ng kapayapaan sa lupa, at upang magpatayan ang isa't isa; at binigyan siya ng isang malaking ^ctabak.
- 5 At nang buksan Niya ang ikatlong tatak, narinig ko ang ikatlong nilalang na buháy na nagsasabi, Halika. At nakita ko, at narito, ang isang ^{1a}itim na kabayo; at yaong nakasakay rito ay may isang ^{2b}timbang sa kanyang kamay.
- 6 At narinig ko ang gaya ng isang tinig sa gitna ng apat na nilalang na buháy na nagsasabi: Sa isang ¹denario ay isang ²takal na trigo, at sa isang ¹denario ay tatlong ²takal na sebada; at huwag mong pinsalain ang ^{3a}langis at ang alak.
- 7 At nang buksan Niya ang ikaapat na tatak, narinig ko ang tinig ng ikaapat na nilalang na buháy na nagsasabi, Halika.
- 8 At nakita ko, at narito, ang isang ¹maputlang kabayo, at ang nakasakay rito ay may pangalang ^aKamatayan; at ang ^{2b}Hades ay sumusunod sa kanya. At sila ay pinagkalooban ng awtoridad sa ikaapat na bahagi ng lupa, na ^cpumatay sa pamamagitan ng tabak, at ng taggutom, at ng ³salot, at ng mga ⁴ganid na hayop sa lupa.

Mga Talababa

¹ Ang pagbubukas ng Kordero sa pitong tatak ay naganap pagkatapos na pagkatapos ng pag-akyat ni Kristo sa kalangitan. Sa pamamagitan ng Kanyang pagiging laman, pagkapako sa krus, at pagkabuhay na muli, si Kristo ay lubusang naging kuwalipikado sa Kanyang pag-akyat sa langit na magbukas ng hiwaga ng ekonomiya ng Diyos, na nakapaloob sa pitong tatak.

¹² Sa kadahilanang ang ekonomiya ng Diyos hinggil sa bawat bagay na nilalang ay nakapaloob sa pitong tatak, ang apat na nilalang na buháy ay interesadong ianunsiyo ang pagbubukas ng naunang apat na tatak.

²¹ Ang “puti” ay sumasagisag sa malinis, dalisay, marapat, at aprubado. Ang “puting kabayo” ay isang sagisag ng pagpapahayag ng ebanghelyo, na malinis, dalisay, marapat, at aprubado sa tao at gayundin sa Diyos.

²² Ang naunang apat na tatak ay binubuo ng apat na kabayo kasama ang kanilang mga sakay gaya ng sa isang karera ng apat na kabayo. Ang lahat ng apat na sakay ay hindi mga tunay na tao kundi mga bagay na binigyang katauhan. Malinaw na ang sakay ng ikalawang kabayo, ang pulang kabayo, (b. 4) ay digmaan; ang sakay ng ikatlong kabayo, ang itim na kabayo, ay taggutom (b. 5); at ang sakay ng ikaapat na kabayo, ang maputlang kabayo, ay kamatayan (b. 8). Ayon sa mga tunay na pangyayari sa kasaysayan, ang sakay ng unang kabayo, ang puting kabayo, ay tiyak na ang ebanghelyo, hindi si Kristo ni ang Antikristo gaya

ng pagpapakahulugan ng iba. Pagkatapos na pagkatapos ng pag-akyat sa langit ni Kristo, ang apat na bagay na ito—ang ebanghelyo, ang digmaan, ang taggutom, at ang kamatayan—ay nagsimulang tumakbo katulad ng mga sakay sa apat na kabayo at magpapatuloy hanggang sa pagbabalik ni Kristo. Simula pa noong unang siglo, ang ebanghelyo ay lumalaganap sa buong itinagal ng lahat ng dalawampung siglong ito. Ang digmaan sa gitna ng pantaong lahi ay kasabay din nitong nagpapatuloy. Ang digmaan ay palaging nagsasanhi ng taggutom, at ang taggutom ay humahantong sa kamatayan. Lahat ng ito ay magpapatuloy hanggang sa wakas ng kapanahunang ito.

2³ Ang busog na may kasamang pana ay para sa pakikipaglaban. Subalit dito ay mayroon lamang isang busog na walang pana. Ito ay tumutukoy na ang pana ay pinakawalan na upang wasakin ang kaaway, at ang tagumpay ay nakamtan na para sa pagbubuo ng ebanghelyo ng kapayapaan. Ngayon ay tapos na ang labanan, at ang ebanghelyo ng kapayapaan ay idinedeklara sa isang mapayapang paraan.

2⁴ Ang putong ay isang tanda ng kaluwalhatian. Ang Ebanghelyo ay naputungan na ng kaluwalhatian ni Kristo (2 Cor. 4:4).

2⁵ O, dumadaig at sa gayon siya ay makadaig. Sa buong itinagal ng lahat ng siglo, saanman ipahayag ang ebanghelyo, ito ay nagtatagumpay at dumaraig sa lahat ng uri ng pagsalungat at pagtuligsa.

4¹ Ang ilang manuskrito ay walang: “At nakita ko, at narito,”

4² Ang “pula” rito ay sumasagisag sa pagdanak ng dugo. Ang “pulang kabayo” ay isang sagisag ng pagpapatuloy ng digmaan, na lubusang isang bagay ng pagdanak ng dugo.

4³ Ang mga pariralang “mag-alis ng kapayapaan sa lupa,” “upang magpatayan ang isa’t isa,” at “binigyan siya ng isang malaking tabak,” ay pawang malinaw na tumutukoy sa digmaan.

5¹ Ang “itim” dito, tumutukoy sa taggutom (Jer. 14:1-4), ay sumasagisag sa nangingitim na mukha ng mga taong gutom na gutom (Panag. 4:8-9; 5:9-10). Ang “itim na kabayo” ay isang sagisag ng paglaganap ng taggutom, na nagsasanhi ng pangangitim ng mukha ng tao.

5² Ang timbangan ay isang panukat na ginagamit upang timbangin ang bigat ng mahahalagang bagay. Subalit dito, ito ay ginagamit upang timbangin ang pagkain, gaya ng binanggit sa b. 6, sa gayon ay ipinakikita ang kakauntian ng pagkain (cf. Lev. 26:26; Ezek. 4:16).

6¹ Ang denario ay ang pangunahing baryang pilak ng mga Romano; at ipinagpalagay na mainam na kabayaran para sa isang araw na trabaho (cf. Mat. 20:2).

6² Sa Ingles ay *choenix*. Isang tuyong panukat na halos ay katumbas ng isang ikaapat na bahagi ng isang galon.

6³ Ang langis at ang alak ay para sa kasiyahan ng tao (Awit 104:15). Sa panahon ng taggutom ang langis at alak ay laging kulang at nagiging mahalaga. Sa panahon ng taggutom, ang langis at ang alak ay kailangang ingatan at hindi pinsalain o aksayahin.

8¹ O, “maputlang berde,” sumasagisag sa kulay ng mukha ng mga taong tinamaan ng peste. Ang “maputlang kabayo” ay isang sagisag ng pagpatay ng kamatayan, nagsasanhi ng isang maputlang anyo.

8² Ang “Hades” ay ang lugar sa ilalim ng lupa na siyang kinaroroonan ng mga kaluluwa ng mga namatay na di-ligtas bago sila buhayng-muli para sa paghahatol na isasagawa sa malaking tronong puti (20:11-15). Pagkatapos ng paghahatol na ito ang mga di-ligtas ay ihahagis sa dagat-dagatang apoy magpasawalang-hanggan. Ang Hades ay maaaring ihalintulad sa isang pansamantalang kulungan, at ang dagat-dagatang apoy sa isang permanenteng bilangguan. Dito ay sinusundan ng “Hades” ang “Kamatayan” upang tanggapin yaong mga pinapatay ng Kamatayan.

8³ O, kamatayan.

8⁴ Ang mamatay sa pamamagitan ng mga ganid na hayop ay kahatulan ng Diyos—2 Hari 2:24; 17:25; Bil. 21:6.

Kinuha mula sa Bagong Tipang Salin sa Pagbabawi, ©2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 19-21

Kaliwanagan at inspirasyon: _____

IKA-5 LINGGO—MARTES

Mga Bersikulo

Apoc. 6:9 At nang buksan Niya ang ¹ikalimang tatak, nakita ko sa ²ilalim ng ^adambana ang mga ^bkaluluwa ng mga ^cpinatay dahil sa ^dsalita ng Diyos, at dahil sa ^epatotoong kanilang pinanghawakan;

10 At sila ay ¹sumigaw sa isang ²malakas na tinig na nagsasabi, Hanggang kailan ba, O makapangyarihang Panginoong ^abanal at totoo, hindi Mo ^bhahatulan at ^cipaghihiganti ang aming dugo sa mga ^dnananahan sa ibabaw ng lupa?

11 At binigyan ang bawat isa sa kanila ng isang ^{1a}puting balabal; at sa kanila ay sinabi na ^bmagpahinga pa nang kaunting panahon, hanggang sa makumpleto na rin *ang bilang ng kanilang mga kapwa alipin at ng kanilang mga kapatid, na mga* ^{2c}papatayin namang gaya nila.

Mga Talababa

⁹¹ Ang pitong tatak ay unang-unang hinati sa apat at tatlo, at sa pangalawa ay sa anim at isa. Ang bilang na apat ay sumasagisag sa mga nilalang, gaya ng sinagisag ng apat na nilalang na buháy, at ang bilang na anim ay sumasagisag sa paglikha, yamang ang paglikha ay natapos sa anim na araw. Ang bilang na tatlo ay sumasagisag sa Tres-unong Diyos, at ang bilang na isa ay sa namumukod-tanging Diyos. Kaya, apat dagdagan ng tatlo at gayundin ang anim dagdagan ng isa ay tumutukoy na ang pitong tatak, sa pamamagitan ng paghahatol ng Diyos, ay nagdadala sa paglikha ng Diyos kasama ang lahat ng nilalang tungo sa Diyos.

Inilalahad ng ikalimang tatak ang pagmamartir sa mga Kristiyano mula sa unang siglo hanggang sa panahon na malapit nang magwakas ang kapanahunang ito. (Malamang na ibinilang nito ang pagmamartir sa mga banal ng lumang tipan—Mat. 23:34-36). Habang ang ebanghelyo ay ipinahahayag, gaya ng tinukoy ng unang tatak, palaging may pangyayaring pagmamartir sa matatapat na banal.

⁹² Sa paglalarawan, ang “dambana” ay nasa labas na looban ng tabernakulo at ng templo, at ang labas na looban ay palaging sumasagisag sa lupa. Kaya, ang “sa ilalim ng dambana” ay tumutukoy sa ilalim ng lupa, na siyang kinaroroonan ng mga kaluluwa ng mga minartir na banal. Ito ang paraiso na pinuntahan ng Panginoong Hesus pagkatapos ng Kanyang pagkamatay (Luc. 23:43). Ito ay nasa pusod ng lupa (Mat. 12:40) at isang seksiyon ng Hades (Gawa 2:27), ang komportableng seksiyon, na siyang kinaroroonan ni Abraham (Luc. 16:22-26).

10¹ Ayon sa salitang, “na magpahinga pa ng kaunting panahon hanggang sa makumpleto ang bilang,” ang sigaw ng mga minartir na banal ay magaganap kapag malapit nang magtapos ang kapanahunang ito.

10² Lit. malaki.

11¹ Ang “puting balabal” dito ay sumasagisag na ang kanilang pagkamartir ay inaprubahan ng Diyos.

11² Ito ang magiging pagmamartir sa panahon ng matinding kapighatian (20:4).

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 19-21

Kaliwanagan at inspirasyon: _____

IIKA-5 LINGGO—MIYERKULES

Mga Bersikulo

- Apoc. 6:12** At nakita ko nang buksan Niya ang ¹ikaanim na tatak, at nagkaroon ng isang malakas na ^{2a}lindol; at ang ^baraw ay umitim na gaya ng isang ^cmagaspang na kayong yari sa buhok *na maitim*, at ang buong buwan ay naging gaya ng dugo;
- 13** At ang mga ^abituin sa langit ay nahulog sa lupa, gaya ng ^bpuno ng igos na nagsasambulat ng kanyang mga bungang bubot kapag hinahampas ng malakas na hangin.
- 14** At ang ^alangit ay bumalumbong gaya ng isang lulong aklat na binalumbon, at ang bawat ^bbundok at pulo ay naalis sa kanilang kinalalagyan.
- 15** At ang mga ^ahari sa lupa, at ang mga dakilang tao, at ang mga ¹kapitan, at ang mayayaman, at ang malalakas, at ang bawat alipin at ang bawat laya, ay ^bnagsipagtago sa mga yungib at sa mga bato ng mga bundok,
- 16** At ^{1a}sinasabi nila sa mga bundok at sa mga bato, Mahulog kayo sa amin, at itago ninyo kami mula sa ^bmukha Niyaong nakaupo sa trono at sa ^ckapootan ng ^dKordero;
- 17** Sapagkat dumating na ang ^adakilang araw ng Kanilang kapootan, at ^bsino ang makatatayo?

Mga Talababa

12¹ Ang ikaanim na tatak ay ang pasimula ng mga sobrenatural na kalamidad, ang tugon ng Diyos sa mga banal na minartir sa panahon ng ikalimang tatak, at ang babala rin sa mga taong nananahan sa lupa. Ayon sa Joel 2:30-31, walang gaanong lubhang pagkakaiba sa panahon sa pagitan “ng ikaanim na tatak” at ng naunang limang trumpeta (9:1-11). Ang Joel 2:30-31, unang-una ay may “dugo” ng una at ng ikalawang mga trumpeta, “apoy” ng una, ikalawa, at ng ikatlong mga trumpeta (8:7-10), at “usok” ng ikalimang trumpeta (9:1-3), at pagkaraan ay may “araw” at “buwan” ng ikaanim na tatak. Ang 9:4 na ikinumpara sa 7:3 ay

tumutukoy na ang ikalimang trumpeta ay lubhang malapit sa ikaanim na tatak.

12² Magkakaroon ng dalawang kalamidad sa mga pagyuyugyog at mga pagbabago ng lupa at ng mga bagay sa langit. Ang una ay mangyayari bago ang araw ng Panginoon, bago ang matinding kapighatian (Joel 2:30-31) at ang ikalawa ay mangyayari pagkatapos ng matinding kapighatian (Joel 3:11-16; Mat. 24:29-30; Luc. 21:25-26). Anumang tinalakay sa ikaanim na tatak ay ang unang kalamidad, na hindi dapat ituring na isa lamang babala bagkus ay ang pagpasok ng darating na matinding kapighatian.

15¹ Lit. kapitan ng 1,000 katao.

16¹ “Sinاسب nila” ito ayon sa damdamin ng kanilang budhi, kinatatakutan ang pagdating ng kahatulan ng Diyos. Hindi ito ang proklamasyon ng Diyos hinggil sa pagdating ng Kanyang kahatulan.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 19-21

Kaliwanagan at inspirasyon: _____

IIKA-5 LINGGO—HUWEBES

Mga Bersikulo

- Apoc.** ¹Pagkatapos nito ay nakita ko ang apat na anghel na nakatayo sa ^aapat na sulok
- 7:1 ng lupa, na pinipigil ang ^bapat na ²hangin ng lupa, upang ³huwag humihip ang hangin sa lupa, o sa dagat man, o sa anumang punong-kahoy.
- 2 At nakita ko ang ¹ibang Anghel na umaakyat mula sa ^asikatan ng araw, na taglay ang tatak ng ^bDiyos na buháy; at Siya ay sumigaw sa tinig na ²malakas sa apat na anghel na pinagkaloobang pinsalain ang lupa at ang dagat,
- 3 Na nagsasabi, Huwag ninyong pinsalain ang lupa, kahit ang dagat, kahit ang mga punong-kahoy, hanggang sa ang mga alipin ng ating Diyos ay aming ^amatatakan sa ^bkanilang mga noo.
- 4 At narinig ko ang bilang ng ¹mga natatakan, ^aisang daan *at* apatnapu't apat na libo, na natatakan sa bawat lipi ng mga anak ni Israel:
- 5 Sa lipi ni ¹Juda ay labindalawang libo ang natatakan; sa lipi ni Ruben ay labindalawang libo; sa lipi ni Gad ay labindalawang libo;
- 6 Sa lipi ni Aser ay labindalawang libo; sa lipi ni Neftali ay labindalawang libo; sa lipi ni ^{1a}Manases ay labindalawang libo;
- 7 Sa lipi ni Simeon ay labindalawang libo; sa lipi ni Levi ay labindalawang libo; sa lipi ni Isacar ay labindalawang libo;
- 8 Sa lipi ni Zabulon ay labindalawang libo; sa lipi ni Jose ay labindalawang libo; sa lipi ni Benjamin ay labindalawang libo ang natatakan.

Mga Talababa

¹ Ang kapitulo 7 ay isang paningit sa pagitan ng ikaanim na tatak (6:12-17) at ng ikapitong

tatak (8:1), nagpapakita kung paano pinangangalagaan ng Diyos ang Kanyang mga tao habang malapit na Niyang ipataw ang Kanyang kahatulan sa lupa.

¹² Ang mga “hangin” dito ay para sa kahatulan ng Diyos (Jon. 1:4; Isa. 11:15; Jer. 22:22; 49:36; 51:1).

¹³ Ang pagbubukas ng ikapitong tatak ang magpapapasok sa pitong trumpeta (8:1-2). Sa unang trumpeta, ang ikatlong bahagi ng lupa at ang ikatlong bahagi ng mga punong-kahoy ay masusunog (8:7). Sa ikalawang trumpeta, ang ikatlong bahagi ng dagat ay masisira (8:8-9). Bago maganap ang lahat ng ito, tatatakan ng Diyos ang lahat ng Israelitang nilalayon Niyang maingatan (b. 3).

²¹ Ang “ibang Anghel” dito ay tumutukoy kay Kristo, gayundin sa 8:3, 10:1, at 18:1. Sa Lumang Tipan, si Kristo ay tinawag na “ang Anghel ng Panginoon,” na siyang Diyos Mismo (Gen. 22:11-12; Exo. 3:2-6; Huk. 6:11-24; Zac. 1:11-12; 2:8-11; 3:1-7). Dito sa Bagong Tipan, Siya ay muling tinawag na “Anghel” (Sugo) Ang “ibang Anghel” ay tumutukoy na hindi Siya pangkaraniwan kundi isang natatanging isinugong anghel ng Diyos.

²² Lit. malaki. Gayundin sa b. 10 at 8:13.

⁴¹ Ito ang mga Israelita na tutupad sa mga utos ng Diyos sa panahon ng matinding kapighatian (12:17; 14:12).

⁵¹ Si Ruben ang panganay ni Israel, subalit dahil sa kanyang pagiging makasalanan nawala sa kanya ang kanyang karapatan ng pagkapanganay at si Juda ang nakapangibabaw sa kanyang mga kapatid (1 Kron. 5:1-2). Kaya, ang lipi ni Juda ang unang binanggit dito.

⁶¹ Sa kadahilanang si Manases, isa sa dalawang anak na lalaki ni Jose (Gen. 48:5), at si Jose (b. 8) ay kumakatawan sa dalawang lipi, si Jose ay magkakaroon pa rin ng dobleng bahagi sa karapatan ng pagkapanganay (1 Kron. 5:1-2) sa panahon ng isang libong taong kaharian (Ezek. 48:4-5).

Sa talâ rito, gaya ng sa 1 Cronica mga kapitulo 2 hanggang 9, ang lipi ni Dan ay inalis dahil sa kanilang pagsamba sa diyos-diyosan (Huk. 18:30-31; 1 Hari 12:29-30; 2 Hari 10:29; cf. Gen. 49:17). Gayunpaman, si Dan ay ibibilang pa rin sa panahon ng isang libong taon (Ezek. 48:1) dahil sa pagpapala ni Jacob sa kanya, na si Dan ay magiging isa pa rin sa mga lipi sa pamamagitan ng pagliligtas ng Panginoon (Gen. 49:16-18).

Kinuha mula sa Bagong Tipang Salin sa Pagbabawi, ©2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 19-21

Kaliwanagan at inspirasyon: _____

IIKA-5 LINGGO—BIYERNES

Mga Bersikulo

Apoc. Pagkatapos ng mga bagay na ito, nakita ko, at narito, ang isang ¹lubhang ^{7:9} karamihan na di-mabilang ng sinuman, na mula sa ^abawat bansa at *lahat ng mga lipi at mga bayan at mga wika*, na ²nakatayo sa harapan ng trono at sa harapan ng ^bKordero, na nadaramtan ng mga ^{3c}puting balabal, at may mga

^{4d}sanga ng palma sa kanilang mga kamay.

- 10 At sila ay sumigaw sa tinig na malakas, na nagsasabi, Ang ^{1a}kaligtasan ay sumaaming Diyos na nakaupo sa trono at sa ^bKordero.
- 11 At ang lahat ng mga anghel ay nakatayo sa palibot ng trono, at ang mga ^amatanda at ang ^bapat na nilalang na buháy, at sila ay nagpatirapa sa harapan ng trono, at nagsisamba sa Diyos,
- 12 Na nagsasabi, ^{1a}Amen, ^bpagpapala at ^ckaluwalhatian at karunungan at mga ^dpagpapasalamat at karangalan at kapangyarihan at kalakasan *nawa ang* sumaaming Diyos magpakailanman. Amen.

Mga Talababa

9¹ Ang “lubhang karamihan na di-mabilang” ay binubuo ng mga tinubos sa buong itinagal ng lahat ng henerasyon mula sa mga bansa, na bumubuo ng ekklesia (5:9; Roma 11:25; Gawa 15:14, 19).

9² Ang “nakatayo sa harapan ng trono” ay tumutukoy na ang “lubhang karamihan na di-mabilang” na mga tinubos ay naraptyur sa kalangitan, sa presensiya ng Diyos. Ang “nakatayo sa harapan ng Kordero” ay tumutugma sa “makatatayo kayo sa harapan ng Anak ng Tao” (Luc. 21:36), na malinaw na tumutukoy sa raptyur. Yamang ito ay binanggit kaagad pagkatapos ng pagbukas sa ikaanim na tatak, ito rin ay nagpapahiwatig na ang raptyur ng mga mananampalataya ay magsisimulang maganap bago o sa mismong ikaanim na tatak. Itinatala sa isang pangkalahatang paraan ng bb. 9-17 ang tagpo mula sa raptyur ng mga mananampalataya hanggang sa kanilang katamasahan sa kawalang-hanggan.

9³ Ang “mga balabal,” bilang pangmaramihan, ay sumasagisag sa katuwiran ng kanilang pag-uugali (sa Ingles, *conduct*). Ang “puti” ay sumasagisag na ang kanilang pag-uugali ay dalisay at aprubado ng Diyos sa pamamagitan ng paghuhugas sa dugo ng Kordero (b. 14).

9⁴ Ang “mga sanga ng palma” ay sumasagisag sa kanilang tagumpay laban sa kapighatian (cf. Juan 12:13), na kanilang dinanas para sa kapakanan ng Panginoon (b. 14). Ang mga puno ng palma ay tanda rin ng kasiyahan sa pamamagitan ng pagdidilig (Exo. 15:27). Ang mga sanga ng palma ay ginamit para sa pista ng mga tabernakulo, kung saan ay nagalak ang bayan ng Diyos dahil sa kasiyahan sa kanilang katamasahan (Lev. 23: 40; Neh. 8:15). Ang pista ng mga tabernakulo ay isang sagisag na isasakatuparan ng lubhang karamihan na di-mabilang na mga tinubos ng Diyos na nagtatamasa sa walang hanggang pista ng mga tabernakulo. Ang lubhang karamihan na di-mabilang na ito ay yayabong katulad ng puno ng palma sa templo ng Diyos (Awit 92:12-13).

10¹ Ang “kaligtasan” lamang ang pinapurihan nila nang malakas, sa gayon, ipinakikita na ang mga nagpupuri ay ang mga naligtas na tao. Punung-puno ng pagpapasalamat sa kaligtasan ng Diyos ang niligtas na lubhang karamihan na di-mabilang.

12¹ Ito ay katulad sa salita sa Luc. 15:7, na magkakaroon ng kagalakan sa langit dahil sa isang makasalanang nagsisisi. Dito ang mga anghel ay nagsasabi ng “Amen” sa papuri sa kaligtasan ng mga tinubos.

Kinuha mula sa Bagong Tipang Salin sa Pagbabawi, ©2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 19-21

Kaliwanagan at inspirasyon: _____

IKA-5 LINGGO—SABADO

Mga Bersikulo

- Apoc.** At sumagot ang isa sa mga matanda, na nagsasabi sa akin, Itong mga nada-
7:13 ramtan ng puting balabal, sinu-sino sila, at saan sila nagsipanggaling?
14 At sinabi ko sa kanya, Aking panginoon, nalalaman mo. At sinabi niya sa
 akin, Ang mga ito ay ang mga nanggaling mula sa ¹matinding ^akapighatian,
 at ^bnaghugas ng kanilang mga balabal, at ^cnagpaputi ng mga ito sa ^ddugo ng
^eKordero.
15 Kaya ¹sila ay nasa harapan ng trono ng Diyos, at ^{2a}naglilingkod sa Kanya
 araw at gabi sa loob ng Kanyang ^btemplo; at Siyang nakaupo sa trono, ay
³lulukuban sila ng Kanyang ^ctabernakulo.
16 Sila ay hindi na ^amagugutom, ni ^bmauhaw pa, ni ¹tatamaan pa ng ^caraw, ni
 ng anumang init;
17 Sapagkat ang ^aKordero na nasa gitna ng trono ang ^{1b}magpapastol sa kanila at
 sila ay ^cpapatnubayan sa mga ^dbukal ng ^{2e}mga tubig ng buhay; at ^fpapahirin
 ng Diyos ang bawat ²luha ng kanilang mga mata.

Mga Talababa

14¹ Ang matinding kapighatian dito ay naiiba sa matinding kapighatian na binanggit sa
 Mat. 24:21. Ang matinding kapighatian dito ay tumutukoy sa mga kalamidad, mga pagdurusa,
 mga pag-uusig, at mga kahirapan na dinanas ng mga tinubos na tao ng Diyos sa buong itinagal
 ng mga panahon at mga salinlahi.

15¹ Ang larawan sa bb. 15-17, katulad ng inilarawan sa 21:3-4 at 22:3-5, ay ang paglalarawan
 sa kawalang-hanggan.

15² Ang mga tinubos na isang lubhang karamihan ay lumabas sa matinding kapighatian
 at pumasok sa isang makalangit na kinasasaklawan, tungo sa loob ng templo ng Diyos,
 pinaglilingkuran ang Diyos sa araw at gabi. Ang kanilang paglilingkod sa Diyos sa ganitong
 paraan ay ang kinalabasan ng pagliligtas ng Diyos.

15³ Lit. magtabernakulo sa kanila. Si Kristo ang tabernakulo ng Diyos (Juan 1:14)
 at ang Bagong Herusalem bilang ang sukdulang pagpapalaki ni Kristo ay ang magiging
 walang hanggang tabernakulo ng Diyos (21:2-3), kung saan ay mananahang kasama Niya
 magpakailanman ang lahat ng tinubos ng Diyos. Sila ay lililiman ng Diyos ng Kanyang Sarili
 na nagsakatawan kay Kristo. Si Kristo, bilang ang pagsasakatawan ng Diyos, ang kanilang
 magiging tabernakulo. Ang talâ ng bb. 15-17 ay kahawig na kahawig ng sa 21:3-7.

16¹ Lit. mahuhulugan.

17¹ Ang pagpapastol ay nagpapaloob ng pagpapakain. Sa ilalim ng pagpapastol ni Kristo
 hindi ako mangangailangan (Awit 23:1).

17² Ang “luha mula sa kanilang mga mata” ay isang tanda ng kanilang kawalang-kasiyahan.
 Ang “mga tubig ng buhay” ay para sa kanilang kasiyahan. Sa kadahilanang tutustusan sila
 ng Kordero ng mga tubig ng buhay para sa kanilang kasiyahan, sila ay hindi magkakaroon
 ng mga luha ng kawalang-kasiyahan. Ang mga tubig ng buhay ay itutustos, at ang mga tubig
 ng luha ay papahirin.

*Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit
 nang may pahintulot, reserbado ang lahat ng karapatan.*

Karagdagang Babasahin: Pag-aaral Pambuhay ng Apocalipsis, mga men. 19-21

Kaliwanagan at inspirasyon: _____

APOCALIPSIS

IKa-6 NA LINGGO—LUNES

Mga Bersikulo

- Apoc.** At nang buksan Niya ang ikapitong tatak nagkaroon ng ^{1a}katahimikan sa 8:1 langit nang may mga kalahating oras.
- 2** At nakita ko ang ^apitong anghel na nakatayo sa harapan ng Diyos, at sila ay binigyan ng ^{1b}pitong trumpeta.
- 3** At dumating ang ^{1a}ibang Anghel at tumayo sa harap ng ^{2b}dambana, na may hawak na isang ³gintong ^cinsensaryo at binigyan siya ng ⁴maraming ^dinsenso upang ⁵idagdag Niya ito sa mga ^epanalangin ng lahat ng mga ⁶banal sa ibabaw ng ^{7f}dambanang ginto, na *nasa* harapan ng trono.
- 4** At ang ^{1a}usok ng ²insenso, kalakip ng mga ^bpanalangin ng mga banal, ay napailanglang mula sa kamay ng Anghel, sa harapan ng Diyos.
- 5** At kinuha ng Anghel ang insensaryo at ¹pinunô *Niya* ito ng ^aapoy ng dambana, at ^{2b}inihagis *ito* sa lupa; at nagkaroon ng mga ^ckulog at mga tinig at mga kidlat at ng isang ^dlindol.

Mga Talababa

¹ Ang “katahimikan sa langit” ay tumutukoy na ito ay solemneng panahon. Sa pagbubukas ng ikapitong tatak, ang buong langit ay magiging tahimik sapagkat ang kapanahunan ay papalitan na mula sa panahon ng pagpapahinuhod ng Diyos pabaling sa panahon ng kapootan ng Diyos.

² Ang ikapitong tatak ang nagpapasok sa “pitong trumpeta.” Ang pitong tatak ay binuksan nang palihim, samantalang ang mga trumpeta ay pinatunog nang hayagan.

³ Tingnan ang talâ ² sa kapitulo 7.

³ Ang “dambana” ng handog na susunugin (cf. Exo. 27:1-8).

³ Ang “gintong insensaryo” ay sumasagisag sa panalangin ng mga banal (5:8) na dinala ni Kristo sa Diyos bilang ang “ibang Anghel.”

⁴ Ang insenso ay sumasagisag kay Kristo kalakip ang lahat ng Kanyang kagalingan upang idagdag sa mga panalangin ng mga banal nang sa gayon ay maging katanggap-tanggap sa Diyos ang mga panalangin ng mga banal sa ibabaw ng gintong dambana.

⁵ Lit. ibigay.

⁶ Sa pagbubukas ng ikapitong tatak ay mayroon pa ring “mga banal” na magsisipanalangin sa lupa.

⁷ Ang “dambanang ginto” ay ang dambana ng insenso (cf. Exo. 30:1-9).

⁴ Ang “usok ng insenso” ay tumutukoy na ang insenso ay sinusunog patungo sa harapan ng Diyos kalakip ng mga panalangin ng mga banal. Ito ay nagpapahiwatig na ang mga panalangin ng mga banal ay nagiging mabisa at katanggap-tanggap sa Diyos.

⁴ Lit. mga insenso.

⁵ Ito ay nagpapahiwatig ng sagot sa mga panalangin ng mga banal, lalung-lalo na sa panalangin sa ikalimang tatak na nabanggit sa 6:9-11 at sa panalangin na nabanggit sa Luc. 18:7-8. Ang panalangin ng mga banal sa kapitulong ito ay tiyak na para sa kahatulan ng lupa na sumasalungat sa ekonomiya ng Diyos. Ang sagot sa mga panalangin ng mga banal ay ang pagpapaganap ng kahatulan ng Diyos sa lupa sa pamamagitan ng mga sumusunod na pitong trumpeta.

⁵ Ang ihagis ang apoy sa lupa ay ang ganapin ang kahatulan ng Diyos sa lupa. Kaya,

ang mga kulog, mga tinig, mga kidlat, at ang isang lindol ay dumarating bilang mga tanda ng kahatulan ng Diyos.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 23-25

Kaliwanagan at inspirasyon: _____

IIKA-6 NA LINGGO—MARTES

Mga Bersikulo

Apoc. At ang ^apitong anghel na may pitong trumpeta ay nagsihanda ng kanilang 8:6 sarili upang ¹magtrumpeta.

7 At nagtrumpeta ang una: at nagkaroon ng ^agranizo at ^bapoy na may halong dugo, at itina-pon ito sa lupa; at ang ^{1c}ikatlong bahagi ng ^dlupa ay nasunog, at ang ¹ikatlong bahagi ng mga punong-kahoy ay nasunog, at ang lahat ng luntiang damo ay nasunog.

8 At nagtrumpeta ang ikalawang anghel: at ang *tila* isang malaking ^abundok na nagliliyab sa apoy ay inihagis sa dagat; at ang ikatlong bahagi ng ¹dagat ay naging ^bdugo,

9 At ang ikatlong bahagi ng mga nilalang na nasa dagat at mga may ¹buhay ay namatay, at ang ikatlong bahagi ng mga daong ay nawasak.

10 At nagtrumpeta ang ikatlong anghel: at nahulog mula sa langit ang isang malaking ^abituin na nagliliyab na gaya ng isang sulo, at nahulog ito sa ikatlong bahagi ng mga ilog, at sa mga ^bbukal ng mga tubig.

11 At ang pangalan ng bituin ay ¹Ajenjo; at ang ikatlong bahagi ng mga tubig ay naging ^aajenjo, at maraming tao ang namatay dahil sa mga ²tubig, sapagkat ginawang mapait ang mga ito.

12 At nagtrumpeta ang ¹ikaapat na anghel: at nasaktan ang ²ikatlong bahagi ng ^aaraw, at ang ikatlong bahagi ng buwan, at ang ikatlong bahagi ng mga bituin, upang ^bmagdilim ang ikatlong bahagi ng mga ito, at upang ang ikatlong bahagi ng maghapon ay huwag lumiwanag, at gayundin naman ang gabi.

Mga Talababa

⁶¹ Ang pitong trumpeta ay ibinigay sa pitong anghel (b. 2). Subalit tangi lamang nang masagot na ang mga panalangin ng mga banal sa bb. 3-5, ay saka lamang nagsipaghanda ang pitong anghel “upang magtrumpeta.” Ang kalooban ng Diyos sa langit ay humihiling ng panalangin ng mga banal upang ito ay maisakatuparan sa lupa.

⁷¹ Lit. ang ikatlong bahagi. Gayundin sa bb. 8-12. Ang ikatlong bahagi ng lupa ay maaaring tumutukoy sa pinakamasama at makasalanang bahagi ng lupa.

⁸¹ Ipinakikita na ang dagat, na katabi ng lupa na sumasalansang sa Diyos, ay kailangan ding mawasak sa pamamagitan ng paghahatol ng Diyos.

9¹ Lit. kaluluwa.

11¹ Isang mapait na halaman.

11² Sa ngayon, yaong mga kumakalaban sa Diyos, mga gumagawa ng masasamang gawa at sumasalansang sa Diyos, ay nagtatamasa pa sa paglalang ng Diyos. Ang tubig, na napakahalaga sa buhay ng tao sa gitna ng mga nilikhang bagay ng Diyos, ay wawasakin din, sa isang limitadong paraan, sa pamamagitan ng paghahatol ng Diyos, dahil sa masamang pagsalansang ng tao laban sa Diyos.

12¹ Ang unang apat na trumpeta, hindi pa ang tuwirang kahatulan sa mga tao, ay bumubuo ng isang grupong katulad ng unang apat na tatak. Ang unang trumpeta ay bumubuo ng isang kahatulan sa lupa kasama ang mga punong-kahoy at ang lahat ng damo, gaya ng nangyari sa Ehipto (Exo. 9:18-25); ang ikalawa, isang kahatulan sa dagat kasama ang mga nilalang na may buhay at ang mga daong; ang ikatlo, isang kahatulan sa mga ilog at sa mga bukal ng tubig, gaya ng nangyari sa Ehipto (Exo. 7: 17-21); ang ikaapat, isang kahatulan sa araw, sa buwan, at sa mga bituin, upang sila ay padilimin, gaya rin ng nangyari sa Ehipto (Exo. 10:21-23). Sa pamamagitan ng mga kahatulan ng apat na trumpetang ito, ang ikatlong bahagi ng lupa, ng dagat, ng mga ilog, at ng mga bagay sa kalangitan ay napinsala, sa gayon ay sinasanhi ang mga ito na hindi na maging angkop para sa ikabubuhay ng tao. Bago mag-ikapitong trumpeta, nagkaroon na ng isang paghahatol sa lupa at sa mga bagay ng kalangitan sa ikaanim na tatak (6:12-14). Ang hangganan ng pinsala ng kahatulang yaon ay hindi kasing-tiyak na gaya ng pinsala ng unang apat na trumpeta. Sa ikapitong trumpeta ay magkakaroon ng higit pang paghahatol sa lupa, sa dagat, sa mga ilog, at sa araw sa pamamagitan ng pitong mangkok (16:1-21). Ang mga yaon ang magiging mga pinakamatitinding kahatulan ng Diyos sa lupa at sa langit.

12² O tumutukoy sa bahagi ng araw, na nalalaman ng Diyos na nagbigay-liwanag sa mga masamang rehiyon (cf. Mat. 5:45), na wawasakin sa hinaharap sa pamamagitan ng paghahatol ng Diyos.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 23-25

Kaliwanagan at inspirasyon: _____

IKA-6 NA LINGGO—MIYERKULES

Mga Bersikulo

Apoc. At nakita ko, at narinig ko ang isang ^aagila na lumilipad sa ^bpagitan ng lupa't 8:13 langit, na nagsasabi sa malakas na tinig, ^{1c}Sa aba, sa aba, sa aba ng mga ^dnananahan sa ibabaw ng lupa, dahil sa mga natitirang tunog ng trumpeta ng ^etatlong anghel na malapit nang magtrumpeta.

9:1 At nagtrumpeta ang ikalimang anghel, at nakita ko ang isang ^{1a}bituin na ^bnahulog sa lupa mula sa langit, at sa kanya ay ibinigay ang ^csusi ng ^{2d}kailalimang walang hanggan.

- 2 At binuksan niya ang kailalimang walang hanggan, at napailanglang ang ^ausok mula sa hukay na gaya ng usok ng isang malaking hurno; at nagdilim ang ^baraw at ang himpapawid dahil sa usok ng hukay.
- 3 At nagsilabas mula sa usok ang mga ^{1a}balang tungo sa lupa, at binigyan sila ng awtoridad na gaya ng mga ^balakdan sa lupa na may awtoridad.

Mga Talababa

13¹ Ang tatlong aba ng huling tatlong trumpeta (9:12; 11:14) ay magiging ang tatlong aba ng matinding kapighatian (Mat. 24:21). Ang mga ito ay magaganap sa huling kalahati ng ikapitumpung linggo (Dan. 9:27), isang panahon na binubuo ng tatlo at kalahating taon (Dan. 7:25; 12:9; Apoc. 12:14), apatnapu't dalawang buwan (11:2; 13:5), o labindalawang daan at animnapung araw (11:3; 12:6).

1¹ Ang “bituin” dito ay tumutukoy kay Satanas na ihahagis sa lupa mula sa langit. Ang mga anghel ay inihalintulad sa mga bituin (Job 38:7; Apoc. 12:4). Si Satanas, bilang ang arkanghel, ay dating ang tala sa umaga (Isa. 14:12). Sa Luc. 10:18, siya ay nakatanggap na ng kahatulan. Dito, at sa 12:9-10, ay ang pagpapaganap ng kahatulang yaon.

1² Ang “kailalimang walang hanggan” ay ang lugar na tinatahanan ng mga demonyo (Luc. 8:31).

3¹ Ang “mga balang” dito ay hindi katulad ng mga balang sa Exo. 10:12-15, sapagkat ang mga ito ay may mga buntot na katulad sa mga alakdan at may mga tibo at nananakit ng mga tao (b. 10). Ang mga ito ay tiyak na mga inalihan ng demonyo, sapagkat ang mga ito ay lumalabas mula sa usok na nagmumula sa lugar na tinatahanan ng mga demonyo (b. 2).

Kinuha mula sa Bagong Tipang Salin sa Pagbabawi, ©2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 23-25

Kaliwanagan at inspirasyon: _____

IKA-6 NA LINGGO—HUWEBES

Mga Bersikulo

- Apoc. 9:4** At sinabi sa kanila na huwag nilang pipinsalain ang damo sa lupa, ni ang anumang bagay na luntian, ni ang anumang punong-kahoy, maliban sa mga ¹tao na walang ^atatak ng Diyos sa kanilang mga noo.
- 5 At pinagkalooban silang huwag patayin ang mga ito, kundi pahirapan nila ng ^alimang buwan; at ang kanilang pahirap ay gaya ng pahirap ng alakdan kung kumakagat sa isang tao.
 - 6 At sa mga araw na yaon ay ^ahahanapin ng mga tao ang kamatayan, at sa anumang paraan ay hindi *nila* masusumpungan; at magnanasa silang mamatay, at ang kamatayan ay tatakas sa kanila.
 - 7 At ang mga ^{1a}anyo ng mga balang ay katulad ng mga kabayong nahahanda sa ^bdigmaan, at ang nasa kanilang mga ulo ay gaya ng mga putong na katulad

- ng ginto, at ang kanilang mga mukha *ay* gaya ng mga mukha ng mga tao;
- 8 At sila ay may buhok na gaya ng buhok ng mga babae, at ang kanilang mga ^angipin ay gaya ng sa mga leon.
- 9 At sila ay may mga baluti na gaya ng baluting bakal; at ang ^augong ng kanilang mga pakpak *ay* gaya ng ugong ng mga karro ng maraming kabayo na dumadaluhong sa pakikipagbaka.
- 10 At sila ay may mga ^abuntot na gaya ng mga alakdan, at mga tibo; at sa kanilang mga buntot *naroroon* ang kanilang awtoridad na saktan nang ^blimang buwan ang mga tao.
- 11 Sila ay may isang ^aharing naghahari sa kanila, ang ¹anghel ^bng ^ckailalimang walang hanggan: ang kanyang pangalan sa wikang Hebreo *ay* ²Abaddón, at sa Griyego siya ay may pangalang ³Apolyón.

Mga Talababa

⁴¹ Ang mga salot ng unang apat na trumpeta ay hindi tuwirang dumadapo sa mga tao, samantalang ang mga pighati ng huling tatlong trumpeta ay tuwirang dumadapo sa tao. Yaong mga hindi masasaktan ng mga balang na inalihan ng demonyo ay ang mga Israelitang may tatak ng Diyos sa kanilang mga noo (7:3-8).

⁷¹ Ang mga bersikulo 7 at 9 ay lubhang katulad ng Joel 2:4-5, 25, at 1:6, mga salitang sinasalita tungkol sa Israel. Ito, kalakip ang katunayan na ang mga Israelita ay kinakailangang matatakan ng Diyos (7:3-8) upang matakasan ang pananakit ng mga balang, ay malamang na tumutukoy na ang pighati ng ikalimang trumpeta ay lalo't higit na para sa mga Israelita.

¹¹¹ Ang “anghel ng kailalimang walang hanggan” ay “ang halimaw,” ang Antikristo, na aahon mula sa hukay ng kailalimang walang hanggan (11:7; 17:8).

¹¹² Heb. kapahamakan, gaya ng ginamit sa Job 28:22; Kaw. 15:11; sa Job 26:6, Abaddón ang ginamit.

¹¹³ Lit. manlilipol. Ang Antikristo ay manlilipol, gagawa ng maraming panlilipol (Dan. 8:23-25).

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 23-25

Kaliwanagan at inspirasyon: _____

IKA-6 NA LINGGO—BIYERNES

Mga Bersikulo

Apoc. Ang ^{1a}unang pighati ay nakaraan na; narito, darating pa ang ^{2b}dalawang 9:12 pighati pagkaraan ng mga bagay na ito.

13 At nagtrumpeta ang ikaanim na anghel, at narinig ko ang isang tinig ¹mula sa apat na sungay ng ^adambanang ginto na nasa harapan ng Diyos,

14 Na nagsasabi sa ikaanim na anghel na may trumpeta, Kalagan mo ang apat na anghel na nagagapos sa malaking ilog ng ^aEufrates.

15 At kinalagan ang apat na anghel, na nakahanda ¹para sa oras at araw at buwan at taon upang patayin ang ^aikatlong *bahagi* ng mga tao.

16 At ang bilang ng mga ¹hukbong-kabayuhan ay dalawang daang milyon. Aking narinig ang bilang nila.

Mga Talababa

12¹ “Ang unang pighati,” na nagbubuhay sa ikalimang trumpeta, ay yaong si Satanas ay mahuhulog sa lupa mula sa langit at ang Antikristo ay aahon mula sa hukay ng kailalimang walang hanggan, at magkasamang gagawa upang pahirapan ang mga tao. Yamang sa ikalimang trumpeta mahuhulog si Satanas mula sa langit upang pinsalain ang lupa at usigin ang bayan ng Diyos sa loob ng tatlo at kalahating taon (12:10, 12-17, 6), at aahon ang Antikristo mula sa kailalimang walang hanggan upang makipagsabwatan kay Satanas na pahirapan ang mga tao, usigin ang mga banal at lapastanganin ang Diyos sa parehong panahon (ang huling tatlo at kalahating taon—13:5-7; 11:7), at yamang sa pareho ring huling tatlo at kalahating taon ibibigay sa mga Hentil ang banal na lunsod ng Herusalem upang wasakin (11:2), ang pighati ng ikalimang trumpeta ay tiyak na ang pasimula ng “matinding kapighatian” (Mat. 24:21. Tingnan ang talâ 2⁴ sa Apoc. 11). Ang ikalawang pighati ng ikaanim na trumpeta at ang ikatlong pighati ng ikapitong trumpeta (8:13; 9:12; 11:14) ay tiyak na mga mayoriyang bahagi ng matinding kapighatian. Ang tatlong uri ng pighati kasama ng mga pinsala na sinanhi ng ikaanim na tatak at ng unang apat na trumpeta, ay magiging ang pagsubok sa lahat ng nananahanan sa lupa (3:10).

12² Ang “dalawang pighati” ay nagbubuhay sa ikaanim at ikapitong trumpeta (bb. 13-21; 11:14-15).

13¹ Ang dugo ng pagtutubos sa kasalanan ay ipinahid sa apat na sungay ng dambanang ginto, yaon ay, ang dambana ng insenso, para sa pagtutubos sa kasalanan, yaon ay, para sa katubusan (Lev. 16:18). Ang tinig na “mula sa apat na sungay ng dambanang ginto” ay tumutukoy na ang kahatulan ng Diyos sa tao ay batay sa pagtutubos ni Kristo; ito ay sapagkat ang mga tao ay hindi sumasampalataya sa pagtutubos ni Kristo.

15¹ Ang “para sa oras at araw at buwan at taon” ay nangangahulugang ang apat na anghel ay nakahanda na para sa oras, dagdagan ng araw, dagdagan ng buwan, at dagdagan ng taon—lahat-lahat ay labintatlong buwan, isang araw, at isang oras para sa pagpatay ng mga tao. Ang pagpatay ay tatagal muna ng isang oras, pagkaraan ay isang araw, pagkaraan ay isang buwan, at sa huling-huli ay isang taon.

16¹ Ang dalawang daang milyong hukbong kabayuhan ay nagmula sa sinisikatan ng araw, upang sumali sa digmaan sa Armagedon (16:12-16; 19:17-21).

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 23-25

IKA-6 NA LINGGO—SABADO

Mga Bersikulo

- Apoc. 9:17** At gayon kong nakita sa pangitain ang mga kabayo, at ang mga nakasakay sa mga ito, na may mga baluting ^aapoy at ng jacinto at ng ^basupre; at ang mga ulo ng mga kabayo ay gaya ng mga ulo ng mga leon, at sa kanilang mga bibig ay lumalabas ang apoy at ^cusok at asupre.
- 18** Sa pamamagitan ng tatlong ^asalot na ito ay napatay ang ikatlong *bahagi* ng mga tao, sa pamamagitan ng apoy at ng usok at ng asupre na nagsisilabas sa kanilang mga bibig.
- 19** Sapagkat ang kapangyarihan ng mga kabayo ay nasa kanilang bibig at nasa kanilang mga ^abuntot; sapagkat ang kanilang mga buntot ay kawangis ng mga ^{1b}ahas na may mga ulo, at ang mga ito ang kanilang ipinananakit.
- 20** At ang nalabi sa mga tao, na hindi napatay ng mga salot na ito, ay ^ahindi ¹nagsipagsisi sa mga ^bgawa ng kanilang mga kamay, upang huwag silang ^csumamba sa mga demonyo at sa mga ^ddiyos-diyosang ginto at pilak at tanso at bato at kahoy, na hindi ²nakakikita, ni nakaririnig, ni nakalalakad man;
- 21** At sila ay ^ahindi nagsipagsisi sa kanilang mga pagpatay, maging sa kanilang ^bpangkukulam, maging sa kanilang ^cpakikiapid, maging sa kanilang pagnanakaw.

Mga Talababa

19¹ Ang mga buntot ng mga kabayo rito na katulad ng mga ahas ay higit na makamandag kaysa sa mga buntot ng balang, na parang mga alakdan (b. 10). Pahihirapan lamang ng mga balang ang mga tao nang limang buwan (bb. 5, 10), samantalang papatayin naman ng mga kabayo “ang ikatlong bahagi ng mga tao” (bb. 15, 18). Ito ay nangangahulugang ang pighati ng ikaanim na trumpeta ay higit na malubha kaysa sa yaong sa ikalima.

20¹ Ang intensiyon ng kahatulan ng Diyos ay yaong magsisi ang mga tao.

20² Dito ay hindi sinasabi na ang mga diyos-diyosan ay hindi makapagsalita, gaya ng sa Awit 115:5 at 135:16, sapagkat ang larawan ng Antikristo ay nagsasalita (13:15).

Kinuha mula sa Bagong Tipang Salin sa Pagbabawi, ©2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 23-25

Kaliwanagan at inspirasyon: _____

APOCALIPSIS

IKA-7 LINGGO—LUNES

Mga Bersikulo

- Apoc. 10:1** ¹At nakita ko ang ^{2a}ibang malakas na Anghel na ^bnananaog mula sa langit, na nabibihisan *ng* isang ^calapaap; at ang ^{3d}bahaghari *ay* nasa Kanyang ulo, at ang Kanyang ^emukha *ay* gaya ng ⁴araw, at ang Kanyang ^fmga paa *ay* gaya ng mga ⁵haliging ⁶apoy;
- 2** At may isang ¹maliit na ^aaklat na bukás sa Kanyang kamay. At ²itinuntong Niya ang Kanyang kanang paa sa dagat, at ang kaliwa sa lupa,
- 3** At sumigaw sa isang ¹malakas na tinig na gaya ng ^{2a}leon na ^bumaatungal. At pagkasigaw Niya, ang ³pitong ^ckulog *ay* ⁴umugong ng kanilang mga sariling tinig.
- 4** At pagkasalita ng pitong kulog *ay* pasulat na ako; at narinig ko ang isang ^atinig mula sa langit na nagsasabi, ^bTatakan mo ang mga bagay na isinalita ng pitong kulog, at huwag mong isulat.
- 5** At ang Anghel na nakita kong ^anakatayo sa ibabaw ng dagat at sa ibabaw ng lupa *ay* ^bnagtaas ng Kanyang kanang kamay sa langit,
- 6** At ¹ipinanumpa Yaong ^anabubuhay magpakailanman, na ^blumalang ng langit at ng mga ²bagay na naroroon, at ng lupa at ng mga ³bagay na naririto, at ng dagat at ng mga bagay na ⁴naroroon, na hindi na ^{5c}magluluwat ang panahon;
- 7** Kundi sa ¹mga araw na ang tinig ng ^aikapitong anghel, kapag malapit na siyang magtrumpeta, *kung magkagayon*, ang ²hiwaga ³rin ng Diyos *ay* ⁴ganap na, ayon sa ⁵mabuting balita na Kanyang ^bipinahayag sa Kanyang mga Sariling aliping propeta.

Mga Talababa

¹ Ang b. 1 hanggang 11:13 *ay* salita na isiningit sa pagitan ng ikaanim at ikapitong trumpeta.

¹² Ang “ibang malakas na Anghel,” kagaya ng Isa sa 7:2, at 8:3, at 18:1, *ay* si Kristo. Siya ngayon *ay* “nananaog mula sa langit.” Ang pangitaing ito, bahagi ng paningit sa pagitan ng ikaanim at ikapitong trumpeta, *ay* isang pagpapahiwatig na bago ang ikapitong trumpeta, si Kristo *ay* patungo na sa lupa. Sa panahong ito Siya *ay* “nabibihisan ng isang alapaap,” wala pa “sa ibabaw ng alapaap,” gaya ng sa 14:14 at sa Mat. 24:30; 26:64. Ang mapasa “ibabaw ng alapaap” *ay* ang pagdating nang hayagan, samantalang ang “nabibihisan ng isang alapaap” *ay* ang pagdating nang palihim. Ito *ay* tumutukoy na maging pagkatapos ng ikaanim na trumpeta, si Kristo *ay* dumarating pa rin nang palihim, hindi nang hayagan, hanggang sa makita Siya ng lahat ng lipi ng lupa, gaya ng binanggit sa 1:7 at sa Mat. 24:30.

¹³ Ang “bahaghari” rito *ay* tumutukoy na tutuparin ni Kristo ang kasunduang ginawa ng Diyos kay Noe (Gen. 9:8-17) sa Kanyang paghahatol sa lupa. Ito *ay* nagpapakita rin na sa paggagawad ng kahatulan ng Diyos, ginawa ito ni Kristo nang ayon sa Diyos na nakaupo sa tronong nasa kalangitan na may nakapalibot na bahaghari (4:2-3), yaon *ay*, ang Diyos na tapat sa Kanyang tipan.

¹⁴ Sa Kanyang hayag na pagdating, si Kristo *ay* magpapakita sa mga tao sa lupa na gaya ng araw; hindi gaya ng Kanyang pagpapakita sa mga umiibig at naghihintay sa Kanya

bilang talâ sa umaga na lumilitaw sa panahon ng kadiliman bago magbukang-liwayway.

¹⁵ Ang “mga haligi” rito ay tumutukoy sa katatagan (Jer. 1:18; Gal. 2:9).

¹⁶ Ang “apoy” rito ay sumasagisag sa kabanalan ng Diyos (Exo. 19:18; Heb. 12:29); igagawad ni Kristo ang Kanyang kahatulan sa lupa ayon sa kabanalan ng Diyos.

²¹ Ang “isang maliit na aklat na bukás” na ito ay ang aklat sa 5:1, na tanging si Kristo lamang ang karapat-dapat magbukas at ito rin yaong kinuha Niya sa kamay ng Diyos (5:5, 7). Ngayon ito ay “nasa Kanyang kamay.” Sa 5:1, ito ay nakapinid; dito ito ay “bukás.” Dito, bilang isang bahagi lamang ng aklat, ito ay tinawag na “isang maliit na aklat.” Ang mahalagang bahagi ng aklat ay nabuksan na.

²² Ang ituntong ang Kanyang mga paa sa dagat at sa lupa ay ang umapak sa mga ito, at ang umapak sa mga ito ay ang angkinin ang mga ito (Deut. 11:24; Jos. 1:3; Awit 8:6-8). Tinutukoy nito na si Kristo ay pumapanaog upang angkinin ang lupa. Tanging Siya lamang ang karapat-dapat magbukas ng aklat ng ekonomiya ng Diyos, at tanging Siya lamang ang kuwalipikadong umangkin sa lupa.

³¹ Lit. malaki.

³² Ang pag-atungal ng leon ay katulad ng poot ng isang hari (Kaw. 19:12; 20:2). Tinutukoy nito na si Kristo, ang Hari ng sangkalupaan, ay nagsiklab sa poot.

³³ Ang “pitong kulog” ay malamang na ang mga pinakahuling pagpapahayag ng poot ng Diyos.

³⁴ Lit. nagsalita.

⁶¹ Ang panunumpa ay isang gawi sa Lumang Tipan, hindi isang gawi sa Bagong Tipan (Mat. 5:34-36).

⁶² Ang pangunahing aytem ng mga bagay sa langit ay ang mga anghel.

⁶³ Ang pangunahing aytem ng mga bagay sa lupa ay ang mga tao.

⁶⁴ Ang pangunahing aytem ng mga bagay sa dagat ay ang mga demonyo.

⁶⁵ Lit. wala nang panahon. Pagkatapos ng ikaanim na trumpeta, hahatulan na ng Diyos ang lupa, wala nang panahon upang magparaya pa. Kaya nga, ang ikapitong trumpeta ang pinakamabagsik na hatol sa lahat ng kahatulan ng Diyos upang tugunin ang mga panalangin ng mga namartir na banal sa 6:10.

⁷¹ Ang paghihip ng ikapitong trumpeta ay tatagal ng isang panahon ng “mga araw.”

⁷² Sa mga kapanahunan mula kay Adam hanggang kay Moises, at mula kay Moises hanggang kay Kristo, lahat ng bagay ay nahantad, nahayag, at walang hiwaga. Magiging gayundin sa kapanahunan ng sanlibong taong kaharian at sa bagong langit at bagong lupa—lahat ng bagay ay mahahantad at wala nang hiwaga pa. Subalit sa kapanahunan mula kay Kristo hanggang sa sanlibong taong kaharian, ang lahat ng bagay ay isang hiwaga. Ang kapanahunan ng hiwagang ito ay nagsimula sa pagiging laman ni Kristo (1 Tim. 3:16). Si Kristo Mismo (Col. 2:2), ang ekklesia (Efe. 3:4-6), ang kaharian ng mga kalangitan (Mat. 13:11), ang ebanghelyo (Efe. 6:19), ang pananahan ni Kristo (Col. 1:26-27), at ang darating na pagkabuhay na muli at pagbabagong-anyo ng mga banal bilang wakas ng pamamahaging ito ng hiwaga (1 Cor. 15:51-52), ay pawang mga hiwaga na nakatago sa mga panahon ng mga kapanahunan (Roma 16:25; Efe. 3:5; Col. 1:26). Lahat ng hiwagang ito ay makukumpleto, magiging ganap at magtatapos sa paghihip ng ikapitong trumpeta.

⁷³ Sa paghihip ng ikapitong trumpeta, hindi lamang darating ang kahatulan ng poot ng Diyos sa lupa, bagkus ang hiwaga rin ng Diyos ay magaganap na.

⁷⁴ O, nakumpleto na.

⁷⁵ Sa ikapitong trumpeta ang “mabuting balita” na “ipinahayag ng Diyos sa Kanyang mga Sariling aliping propeta,” gaya ng sa Isa. 2:2-4; 11:1-10; 65:17-20; 66:22, ay matutupad,

yaon ay, ang kaharian sa pagpapakita nito ay darating (11:15), at ang bagong langit at bagong lupa kasama ang Bagong Herusalem ay susunod (21:1-3).

Kinuha mula sa Bagong Tipang Salin sa Pagbabawi, ©2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 26-28

Kaliwanagan at inspirasyon: _____

IKA-7 LINGGO—MARTES

Mga Bersikulo

- Apoc. At ang ^atinig na narinig kong mula sa langit ay muling nagsalita sa akin at**
- 10:8 nagsabi, Humayo ka, kunin mo ang maliit na ^baklat na bukás na nasa kamay ng Anghel na ^cnakatayo sa ibabaw ng dagat at sa ibabaw ng lupa.**
- 9 At pumaroon ako sa Anghel, na sinasabi ko sa Kanya na ibigay sa akin ang maliit na aklat. At sinabi Niya sa akin, Kunin mo ito, at ito ay ^akainin mo, at papapaitin nito ang iyong tiyan, datapuwat sa iyong bibig ay magiging ^bmatamis ito na gaya ng pulot.**
- 10 At kinuha ko ang maliit na aklat sa kamay ng Anghel, at ¹kinain ko ito, at sa aking bibig ay ²matamis itong gaya ng pulot; at nang aking makain, ay pumait ang aking tiyan.**
- 11 At sinabi ¹nila sa akin, Dapat kang magpropesiyang ²muli sa maraming mga ^abayan at mga bansa at mga wika at mga hari.**

Mga Talababa

10¹ Hindi lamang tinanggap bagkus ay “kinain” din ng sumulat ng aklat na ito ang aklat. Ang kainin ang anumang bagay ay ang tanggapin ito tungo sa loob ng tao. Kinakailangan nating tanggapin nang ganito ang dibinong pahayag, lalung-lalo na ang aklat ng Apocalipsis. Sina Jeremias at Ezekiel ay kapwa nakaranas kumain ng aklat (Jer. 15:16; Ezek. 2:8; 3:1-3).

10² Kapag tinatanggap natin ang dibinong pahayag sa pamamagitan ng pagkain nito, ito ay “matamis” habang kinakain, subalit ito ay nagiging “mapait” sa ating panunaw, yaon ay, sa ating karanasan.

11¹ Tumutukoy sa mga anghel.

11² Ang propesiya ng aklat na ito ay binubuo ng dalawang bahagi. Mula sa unang tatak hanggang sa ikaanim na trumpeta (mga kap. 6-10) ay ang unang bahagi; ito ay lihim. Mula sa ikapitong trumpeta hanggang sa bagong langit at bagong lupa (mga kap. 11-22) ay ang ikalawang bahagi; ito ay hayagang ipinakita. Si Juan ay nagpropesiya na sa unang bahagi. Ngayon siya ay kinakailangang magpropesiyang muli, salitain ang propesiya sa ikalawang bahagi ng aklat na ito, yaon ay, tungkol sa pag-angkin ni Kristo sa lupa bilang Kanyang kaharian (11:15). Ito ang nilalaman ng maliit na aklat na siyang huling bahagi ng ekonomiya ng Diyos.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 26-28

Kaliwanagan at inspirasyon: _____

IIKA-7 LINGGO—MIYERKULES

Mga Bersikulo

- Apoc. 11:1** At binigyan ako ng isang ^{1a}tambong katulad ng isang ¹pamalo, *at siya ay nagsabi,*
 11:1 Tumindig ka at ^{2b}sukatin mo ang ^{3c}templo ng Diyos, at ang ^{4d}dambana, at ang mga ^esumasamba roon.
- 2 At ang ^{1a}loobang nasa labas ng ²templo ay pabayaang mo at huwag mong sukatin, sapagkat ito ay ibinigay na sa mga ^bbansa, at kanilang yuyurakan ang ^{3c}banal na lunsod nang ^{4d}apatnapu't dalawang buwan.
 - 3 At pagkakalooban ko ng *awtoridad* ang Aking ¹dalawang ^asaksi, at sila ay magsisipagpropesiya ng ^{2b}sanlibo at dalawang daan at animnapung araw, na nararamtan ng ^{3c}magagaspang na kayo.
 - 4 Ang mga ito ay ang ^adalawang ¹punong olibo at ang dalawang ^{2b}patungan ng ilawan na nakatayo sa harapan ng ^cPanginoon ng lupa.
 - 5 At kung nasain ng sinuman na sila ay saktan, *may* ^aapoy na lumalabas sa kanilang bibig, at lumalamon sa kanilang mga kaaway. At kung nasain ng sinuman na sila ay saktan, sa ganitong paraan siya papatayin.
 - 6 Ang mga ito ay may awtoridad na ^amagsara ng langit upang huwag ^bumulan sa *loob* ng mga araw ng kanilang propesiya; at may awtoridad sila sa mga tubig na mapaging ^cdugo ang mga ito, at mapahirapan ang lupa ng bawat ^dsalot sa tuwing kanilang nasain.

Mga Talababa

¹ Ang “isang tambo” gaya ng sa 21:15 at Ezek. 40:3; 42:16-19 ay para ipanukat, samantalang ang “isang pamalo” ay nagpapahiwatig ng parusa (Kaw. 10:13; Isa. 10:5; 11:4). Kaya, ang “isang tambong katulad ng isang pamalo” rito ay tumutukoy sa pagsukat na may parusa.

² Ang “sukatin” ay ang pabanalin, ipreserba, at angkinin (Bil. 35:2, 5; Ezek. 45:1-3; 42:15, 20; 48:8, 12, 15). Yaong sukatin ang nasa langit na templo ng Diyos at ang dambana ng insenso ay nagpapakita na sa kapanahunan ng matinding kapighatian, ang langit ay maiingatan mula sa pagkawasak sapagkat sa tatlo at kalahating taong yaon, si Satanas ay ibabagsak mula sa langit patungo sa lupa.

³ Gr. *naos*, ang panloob na templo.

⁴ Ang “dambana” rito ay tumutukoy sa gintong dambana ng insenso, sapagkat ito ay kasama ng templo, hindi tumutukoy sa tansong dambana ng hain na nasa “loobang nasa labas ng templo” (b. 2).

2¹ “Ang looban” ay nasa lupa. Ang templo na nasa lupa at ang Herusalem na nasa lupa ay ibibigay sa Antikristo at sa mga bansa upang yurakan.

2² Tingnan ang talâ 1³.

2³ Ang banal na lunsod dito ay tumutukoy sa Herusalem na nasa lupa (Isa. 52:1; Mat. 27:53).

2⁴ Sa pagtatapos ng kapanahunang ito ay gagawa ang Antikristo ng isang matibay na kasunduan sa mga Hudyo sa loob ng sanlinggo (pitong taon), na siyang magiging huling sanlinggo ng pitumpung linggo na itinalaga ng Diyos sa bansa ng mga Hudyo sa Dan. 9:24-27. Sa kalagitnaan ng huling sanlinggo (yaon ay, pagkatapos ng unang kalahati ng pitong taon) ay sisirain ng Antikristo ang kasunduan at wawasakin ang bagay ng pagsamba sa Diyos (Dan. 9:27). Pagkaraan ay kanyang lalapastanganin ang Diyos at uusigin ang Kanyang bayan sa loob ng tatlo at kalahating taon (13:5-7; Dan. 7:25; 12:7). Ang tatlo at kalahating taong yaon ay ang “apatnapu’t dalawang buwan” na binabanggit dito na siya ring huling kalahati ng huling pito na binanggit sa Dan. 9:27, kung kailan ay wawasakin din ng Antikristo ang banal na lunsod ng Herusalem. Ayon sa Mat. 24:15 at 21, itong huling tatlo at kalahating taon ay tiyak na ang panahon ng “matinding kapighatian” na susubok sa lahat ng nananahan dito sa lupa (3:10).

3¹ Ang “dalawang saksi” ay nagbibigay ng isang sapat na patotoo (Deut. 17:6; 19:15; Mat. 18:16). Ang dalawang saksi rito ay sina Moises at Elias. Anuman ang kanilang ginawa sa bb. 5 at 6 ay katulad ng mga gawa nina Moises at Elias (Exo. 7:17, 19; 9:14; 11:1; 2 Hari 1:10-12; 1 Hari 17:1). Sila ay nagpakita sa harapan ng Panginoon doon sa bundok ng pagbabagong-anyo (Mat. 17:1-3). Si Moises, kumakatawan sa kautusan, at si Elias, kumakatawan sa mga propeta (Luc. 16:16), ay kapwa nagpapatotoo para sa Diyos. Naipropesiya ng Biblia ang misyon ni Elias (Mal. 4:5; Mat. 17:11). Sila ang dalawang puno ng olibo, ang dalawang anak ng langis, sa Zak. 4:3, 11-14 (Tingnan ang talâ 9² sa Mateo 25).

3² Ito ang apatnapu’t dalawang buwan na binanggit sa b. 2, ang haba ng panahon na lalapastanganin ng Antikristo ang Diyos (13:5-6) at pag-uusigin ang Kanyang bayan (12:6, 14). Sa ilalim ng kanyang masamang kapangyarihan at pag-uusig, ang dalawang saksi ay magpopropesiya, magsasalita para sa Diyos, at magpapatotoo laban sa masasamang gawa ng Antikristo.

3³ Ang “magagaspang na kayo” ay isang sagisag ng pagluluksa (2 Sam. 3:31). Ang dalawang saksi ay magsusuot ng damit panluksa, bilang isang babala sa mga naninirahan sa lupa, upang sila ay mapalaya mula sa pagsamba sa Antikristo, nang sa gayon ay hindi sila mahatulan ng Diyos.

4¹ Ang mga “punong olibo” ay nagbubunga ng langis para sa mga ilawan. Ang langis ay sumasagisag sa Espiritu Santo. Ang Zac. 4:14 ay tumutukoy sa dalawang saksi bilang mga anak ng langis (isinalin ito ng Pagsasalin sa Intsik bilang ang dalawang pinahirang isa), sumasagisag na sila ay punong-puno ng Espiritu Santo.

4² Ang mga “patungan ng ilawan” ay nagbibigay ng liwanag sa pamamagitan ng langis ng mga punong olibo. Sa kapanahunan ng ekklesia, ang mga ekklesia ang mga patungan ng ilawan para sa patotoo ng Diyos (1:20), samantalang sa huling tatlo at kalahating taon ng kapanahunang ito, ang dalawang saksi ang magiging mga patungan ng ilawan para sa patotoo ng Diyos.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 26-28

Kaliwanagan at inspirasyon: _____

IKA-7 LINGGO—HUWEBES

Mga Bersikulo

- Apoc.** At kapag natapos na nila ang kanilang ^{1a}patotoo, ang ^{2b}halimaw na aahon
11:7 mula sa ^ckailalimang walang hanggan ay ^dmakikipagdigma sa kanila, at
 pagtatagumpayan sila, at papatayin sila.
- 8** At ang kanilang mga bangkay ay mapapasa lansangan ng ¹dakilang ^alunsod
 na sa espiritwal na *pagpapakahulugan* ay tinatawag na ^{2b}Sodoma at ^cEhipto,
 na ^droon din naman ipinako sa krus ang Panginoon nila.
- 9** At tinitingnan ng mga taong mula sa gitna ng mga ^abayan at mga lipi at mga
 wika at mga bansa ang kanilang mga bangkay nang tatlong araw at kalahati,
 at hindi nila pahihintulutang ang kanilang mga ^bbangkay ay mailagay sa
 nitso.
- 10** At ang mga ^anananahan sa ibabaw ng lupa ay magagalak tungkol sa kanila, at
 matutuwa; at sila ay magpapadalahan ng mga regalo, sapagkat ang dalawang
 propetang ito ay nagpahirap sa mga nananahan sa ibabaw ng lupa.
- 11** At pagkatapos ng ¹tatlo at kalahating araw, ang ^{2a}hininga ng buhay na mula
 sa Diyos ay pumasok sa kanila, at sila ay ³tumayo sa kanilang mga paa; at
 dinatnan ng malaking takot ang mga tumitingin sa kanila.
- 12** At narinig nila ang sang ¹malakas na tinig mula sa langit na nagsasabi sa
 kanila, Umakyat kayo rito. At sila ay ^{2a}umakyat sa langit sa isang alapaap,
 at pinagmasdan sila ng kanilang mga kaaway.

Mga Talababa

⁷¹ Sa panahon ng matinding kapighatian, gagawa ng sapat na patotoo ang dalawang saksi
 para sa Diyos (b. 4) at sasalansangin ang Antikristo.

⁷² Ang halimaw dito ay ang Antikristo, na aahon mula sa kailalimang walang hanggan
 (17:8) at mula sa dagat (13:1) at makikipagdigma sa dalawang saksi at sa mga banal (13:7).

⁸¹ Ang “dakilang lunsod” ay tumutukoy sa “banal na lunsod” sa b. 2, na siyang panlupang
 Herusalem.

⁸² Noong 1948, nang nanumbalik ang bansang Israel, ang mga Hudiyong bumalik sa
 bansa ng kanilang mga ninuno ay hindi pa rin sumampalataya. Sila ay magiging kasinsama
 ng “Sodoma” (cf. Isa. 1:9-10; 3:9; Jer. 23:14) at kasing makasanlibutan ng “Ehipto” (cf. Ezek.
 23:3, 8, 19, 27) hanggang sa pagbabalik ni Kristo, ang kanilang Mesiyas, kung kailan ang
 buong Israel ay maliligtas (Roma 11:26).

¹¹¹ Ang tatlo at kalahating araw ay kinakailangang nakapaloob sa sanlibo dalawang
 daan at animnapu’t araw kung kailan sila ay nagpropesiya at nagpasan ng patotoo para sa
 Panginoon; kung hindi, ang mga araw na yaon ay lalampas sa matinding kapighatian.

¹¹² O Espiritu ng buhay.

¹¹³ Ang “tumayo sa kanilang mga paa” ay tumutukoy na sila ay nabuhay na muli. Ang
 kanilang pagkabuhay na muli ay hiwalay roon sa pagkabuhay na muling ipinropesiya sa 1
 Tes. 4:16.

¹²¹ Lit. malaki.

¹²² Ang “sila ay umakyat sa langit” ay tumutukoy na sila ay naraptyur. Ang kanilang
 raptyur ay hiwalay rin doon sa ipinropesiya sa 1 Tes. 4:17.

*Kinuha mula sa Bagong Tipang Salin sa Pagbabawi, ©2000 Living Stream Ministry, Anaheim, CA, USA; ginamit
 nang may pahintulot, reserbado ang lahat ng karapatan.*

Karagdagang Babasahin: Pag-aaral Pambuhay ng Apocalipsis, mga men. 26-28

Kaliwanagan at inspirasyon: _____

IKA-7 LINGGO—BIYERNES

Mga Bersikulo

- Apoc. 11:13** At nang oras na iyon ay nagkaroon ng isang malakas na ^alindol, at nagiba ang ikasampung *bahagi* ng ^{1b}lunsod; at ang mga ²pangalan ng mga taong namatay sa lindol ay pitong libo, at ang iba ay natakot, at nagbigay ng ^ckaluwalhatian sa ^dDiyos sa langit.
- 14** Nakaraan na ang ikalawang ^apighati; narito, nagmamadaling dumating ang ^{1b}ikatlong pighati.
- 15** At ^{1a}nagtrumpeta ang ^{2b}ikapitong anghel; at nagkaroon ng malalakas na ^ctinig sa langit, na nagsasabi, Ang ^{3d}kaharian ng sanlibutan ay naging ^ekaharian ng ating Panginoon at ng ^fKanyang Kristo, at Siya ay ^{4g}maghahari magpakailanman.

Mga Talababa

¹³¹ Ang “lunsod” ay tumutukoy sa dakilang lunsod sa b. 8, ang Herusalem. Ang ikasampung bahagi ng lunsod ng Herusalem ay nagiba dahil sa lindol na binanggit sa bersikulong ito. Ang lunsod ay mahahati sa tatlong bahagi sa huling lindol sa 16:19.

¹³² Ang “mga pangalan ng mga tao” ay nagpapahiwatig ng mga bantog na tao.

¹⁴¹ Ang ikatlong pighati ay isang bahagi ng mga negatibong nilalaman ng ikapitong trumpeta (tingnan ang talâ ¹⁵²), na binubuo ng pitong mangkok ng kapootan ng Diyos (kap. 16). Yamang ang paghihip ng ikapitong trumpeta ay itinala pagkatapos ng pangitain hinggil sa pagkawasak ng Herusalem sa huling tatlo at kalahating taon (b. 2), at yamang ang pitong mangkok ang magiging mga huling salot ng kaganapan ng kapootan ng Diyos (15:1; 16:1), ang pighati ng ikapitong trumpeta ay tiyak na ang wakas ng matinding kapighatian (Mat. 24:21). Tingnan ang talâ ¹²¹ sa kapitulo 9 at talâ ²⁴ sa kapitulong ito.

¹⁵¹ Ang paghihip ng ikapitong trumpeta ay tatagal ng isang panahon ng “mga araw.” Kapag ang ikapitong trumpeta ay hinipan, hindi lamang ang matinding kapighatian ang magtatapos, ang kapanahunan ding ito ay magtatapos, at ang hiwaga ng Diyos ay magtatapos (10:7). Isa pang kapanahunan, ang kapanahunan ng kaharian (ang sanlibong taong kaharian) ay magsisimula.

¹⁵² Ang ikapitong trumpeta, bilang pinakahuli (1 Cor. 15:52), ay binubuo ng kapwa mga negatibo at positibong bagay.

Ang mga negatibong bagay ay:

- (1) Ang kapootan ng Diyos, na binubuo ng mga huling salot ng pitong mangkok (15:1; 16:1-21), bilang ang huling pighati na darating sa mga nananahan sa lupa (8:13; 9:12; 11:14)—b. 18; at
- (2) Ang pagkapuksa sa mga mamumukxa ng lupa, na magaganap sa pagbabalik

ng Panginoon sa lupa (17:14; 18:1-2; 19:19 -20:3)—b. 18.

Ang mga positibong bagay ay:

- (1) Ang walang hanggang kaharian ni Kristo, dili't iba kundi ang kaharian sa pagpapakita nito—bb. 15, 17;
- (2) Ang paghuhukom sa mga patay (tingnan ang talâ 18²) na magaganap bago ang pagkabuhay na muli ng mga banal—b. 18; at
- (3) Ang pagbibigay ng gantimpala sa mga propeta at sa mga banal, na magaganap sa luklukan ng paghahatol ni Kristo (2 Cor. 5:10) pagkatapos ng pagkabuhay na muli at raptur ng mga banal (1 Cor. 15:23, 52; 1 Tes. 4:16-17), at doon sa mga may takot sa pangalan ng Diyos (14:6-7) sa trono ng kaluwalhatian ni Kristo (Mat. 25:31-34)—b. 18.

Kaya nga, ang ikapitong trumpeta ay binubuo ng lahat ng bagay mula sa wakas ng matinding kapighatian hanggang sa kawalang-hanggang hinaharap katulad ng mga sumusunod: ang mga huling salot ng pitong mangkok (kap. 16); ang pagkabuhay na muli at raptur ng mga banal; ang pagbibigay ng gantimpala o paggagawad ng disiplina sa mga banal; ang pagbabalik ni Kristo sa lupa; ang pagkawasak ng dakilang Babilonia (17:1-19:4); ang kasal ng Kordero (19:7-9); ang pagkalipol ng Antikristo, ng bulaang propeta, ng kanilang mga tagasunod, at ni Satanas (19:11-20:3); ang sanlibong taong kaharian (20:4-6); ang huling kahatulan sa lupa at kay Satanas (20:7-10); ang huling kahatulan sa mga patay (20:11-15); at ang bagong langit at bagong lupa kasama ang Bagong Herusalem magpasawalang-hanggan (21:1-22:5).

15³ Ang kaharian ng sanlibutan ay naging kaharian ni Kristo sa Kanyang pagbabalik pagkatapos ng Kanyang paghahatol sa mga bansa (Dan. 7:13-14; 2:44-45).

15⁴ Ang paghahari ng Panginoon magpakailanman ay tumutukoy sa paghahari ng Panginoon magpasawalang-hanggan sa bagong langit at bagong lupa (22:5). Tinutukoy nito na sinasaklaw ng ikapitong trumpeta ang bagong langit at bagong lupa kasama ang Bagong Herusalem.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 26-28

Kaliwanagan at inspirasyon: _____

IKA-7 LINGGO—SABADO

Mga Bersikulo

Apoc. At ang ^adalawampu't apat na matanda na nakaupo sa kani-kanilang trono sa 11:16 harapan ng Diyos ay nagpatirapa, at nagsisamba sa Diyos,

17 Na nagsasabi, Pinasasalamatan Ka namin, O ^aPanginoong Diyos na Makapangyarihan sa lahat, na Siyang ngayon, at Siyang nakaraan, sapagkat hinawakan Mo ang Iyong dakilang ^bkapangyarihan, at Ikaw ay naghari.

18 At nagalit ang mga ^abansa, at dumating ang Iyong ^{1b}poot, at ang panahon upang ^{2c}mahatulan ang mga patay, at ang panahon upang bigyan Mo ng

^{3d}gantimpala ang Iyong mga aliping propeta, at ang mga banal, at ang mga ^{4e}natatakot sa Iyong pangalan, ang maliliit at malalaki, at upang ⁵puksain Mo ang mga mamumuksa ng lupa.

- 19 At nabuksan ang ^{1a}templo ng Diyos na nasa langit, at nakita sa Kanyang ¹templo ang ^bkaban ng Kanyang tipan; at nagkaroon ng mga ^ckidlat at mga tinig, at mga kulog at isang ²lindol at malaking ^dgranizo.

Mga Talababa

18¹ Ang “poot” dito ay tumutukoy sa poot ng pitong mangkok sa kapitulo 16 na isang bahagi ng mga negatibong nilalaman ng ikapitong trumpeta.

18² Yamang ang “mahatulan ang mga patay” ay binanggit bago ang “bigyan Mo ng gantimpala ang Iyong mga alipin...,” ito ay hindi tumutukoy sa kahatulan ng mga patay sa malaking puting trono pagkatapos ng sanlibong taong kaharian (Apoc. 20:11-15). Ito ay nangangahulugan na sa pagtatapos ng kapanahunang ito bago ang sanlibong taong kaharian, ayon sa sinasabi sa Juan 5:27-29, ang mga patay ay hahatulan kung sino ang nararapat na makibahagi sa pagkabuhayna-muli ng buhay bago ang sanlibong taong kaharian (1 Cor. 15:23; Apoc. 20: 4-6) at kung sino ang maiiwan sa pagkabuhay na muli ng kahatulan pagkatapos ng sanlibong taong kaharian (Apoc. 20:11-12).

18³ Ang “gantimpala” ay ibibigay ng Panginoon sa mga matapat sa Kanya sa Kanyang pagbabalik (22:12; Mat. 16:27). Pagkatapos na mabuhay na muli at maraptyur ang mga banal (1 Cor. 15:23, 52; 1 Tes. 4:16-17), lahat ng propeta at lahat ng banal ay hahatulan sa harapan ng luklukan ng paghahatol ni Kristo (2 Cor. 5:10), na magtatalaga kung sino sa gitna ng mga naligtas ang karapat-dapat na magantimpalaan at kung sino ang nararapat pang disiplinahin.

18⁴ Yaong mga may takot sa pangalan ng Diyos ay ang “mga tupa” na binanggit sa Mat. 25:33-40. Kanilang tinanggap ang walang hanggang ebanghelyo, kinatakutan ang Diyos, at sinamba ang Diyos sa halip na ang Antikristo at ang kanyang larawan (14:6-7). Sa panahon ng matinding kapighatian sila ay magmamalasakit sa mga nangangailangang tao ng Panginoon, na Kanyang maliliit na kapatid (ang mga mananampalataya at mga Hudyong may takot sa Diyos na pinag-uusig sa panahon ng matinding kapighatian). Kaya, sila ay ililipat sa sanlibong taong kaharian, upang maging mga bansa nito sa lupa (2:26; 12:5).

18⁵ Ang mga mamumuksa ng lupa ay tumutukoy sa dakilang Babilonia (18:3), sa Antikristo (13:3), sa bulaang propeta (13:14), kay Satanas (20:7-9), at sa mga tao na sumusunod sa kanila (17:12-14; 19:19; 20:8-9). Silang lahat ay pupuksain sa panahon ng ikapitong trumpeta.

19¹ Gr. *naos*, ang panloob na templo. Ang bersikulong ito ay ipinagpapatuloy ng 15:5. Ang luklukan, kasama ang bahaghari sa kapitulo 4:2-3, ay ang sentro ng lahat ng kahatulan na iginawad sa lupa sa mga kapitulo 6 hanggang 11, sa negatibong panig; samantalang “ang templong” may “kaban” ay ang sentro ng lahat ng naisagawa na ng Diyos sa sansinukob na isinagawa sa mga kapitulo 12 hanggang 22, sa positibong panig.

19² Apat na lindol ang ipinropesiya sa aklat na ito. Ang una ay nasa 6:12 ng ikaanim na tatak, ang ikalawa ay nasa 8:5 bago ang ikapitong trumpeta, ang ikatlo ay nasa 11:13 sa pagitan ng ikaanim at ikapitong trumpeta, at ang ikaapat ay parehong naririto sa b. 19 ng panahon ng ikapitong trumpeta at sa 16:17-20 ng panahon ng ikapitong mangkok (na bumubuo ng pagtatapos ng mga negatibong nilalaman ng ikapitong trumpeta).

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 26-28

Kaliwanagan at inspirasyon: _____

APOCALIPSIS

IKA-8 LINGGO—LUNES

Mga Bersikulo

- Apoc.** At isang dakilang ^atanda ang nakita sa langit: isang ^{1b}babae na nararamtan
12:1 ng ^caraw, at ang buwan ay nasa ilalim ng kanyang mga paa, at sa kanyang
 ulo ay may isang putong na labindalawang bituin;
2 At sa pagdadalang-¹tao siya ay ²sumigaw, na ^{3a}nagdaramdam sa panganganak,
 at sa ^bhirap upang manganak.

Mga Talababa

¹ Tinatalakay sa unang bahagi ng aklat na ito, na binubuo ng unang labing-isang kapitulo, ang lahat ng bagay mula sa pag-akyat ni Kristo sa langit hanggang sa kawalang-hanggan. Ang ikalawang bahagi, na binubuo ng huling labing-isang kapitulo, ay nagbibigay ng mga detalye ng mga importanteng bagay at ng mahahalagang bagay mula sa huling tatlo at kalahating taon ng kasalukuyang kapanahunan, na magiging panahon ng matinding kapighatian, hanggang sa kawalang-hanggan kapanahunan ng bagong langit at bagong lupa. Ang una sa mga importanteng bagay at mahahalagang bagay na ito na inihayag sa bahaging ito ay ang “isang babae” na nagdadalang-tao ng isang lalaking anak.

Ang babaeng ito ay “nararamtan ng araw, at ang buwan ay nasa ilalim ng kanyang mga paa, at sa kanyang ulo ay may isang putong na labindalawang bituin.” Sa Gen. 37:9, nakita ni Jose sa kanyang panaginip ang araw, ang buwan, at ang labing-isang bituin, sumasagisag sa kanyang ama, sa kanyang ina, at sa kanyang labing-isang kapatid. Doon ang araw, ang buwan, at ang labing-isang bituin, idagdag pa si Jose, ay sumasagisag sa panlahatang kabuuan ng bayan ng Diyos sa lupa. Batay sa prinsipyo ng panaginip na yaon, ang araw, ang buwan, at ang labindalawang bituin dito ay tiyak na sumasagisag sa kalahatan ng bayan ng Diyos sa lupa, na sinasagisag dito ng isang babae. Ang kanyang buong katawan ay halos nabibihisan ng araw. Ang araw ay sumasagisag sa bayan ng Diyos sa kapanahunan ng Bagong Tipan. Bago naparito si Kristo sa sanlibutan, yaon ang madilim na gabi ng Lumang Tipang kapanahunan. Nang si Kristo ay dumating na, ito ang pagsikat ng araw buhat sa kaitaasan (Luc. 1:78), ang pasimula ng kapanahunan ng araw. Bago nito ay ang kapanahunan ng buwan, na sumasagisag sa bayan ng Diyos sa kapanahunan ng Lumang Tipan. Ang buwan ay nasa ilalim ng mga paa ng babae, sapagkat ang kapanahunan ng buwan ay ang kapanahunan ng kautusan, na hindi dapat itaas gaya ng mga bituin. Ang mga bituin, na sumasagisag sa mga patriyarka, ang bayan ng Diyos bago ibinigay ang kautusan, ay nasa kanyang ulo bilang isang putong. Lahat ng bayan ng Diyos sa tatlong kapanahunang ito, na sama-samang bumubuo sa babaeng ito, ay mga tagadala ng ilaw. Kaya, siya ang maningning na babae na nagliliwanag sa buong itinagal ng lahat ng henerasyon.

² Ang nasa sinapupunan ng babae ay isang lalaking anak (b. 5), sumasagisag sa higit na malakas na bahagi ng bayan ng Diyos. Sa buong itinagal ng mga henerasyon ay may higit na malalakas sa gitna ng bayan ng Diyos. Ang mga ito ay itinuturing sa Biblia bilang isang sama-samang yunit na nakikipaglaban para sa Diyos at nagdadala ng kaharian ng Diyos pababa sa lupa.

² Ang “sumigaw” ay sumasagisag sa nanalangin.

³ Ang “nagdaramdam sa panganganak, at sa hirap upang manganak” ay sumasagisag na sa buong itinagal ng lahat ng henerasyon ay naghihirap ang bayan ng Diyos sa

pagdaramdam ng panganganak (Isa. 26:17-18; Jer. 6:24; 13:21; 30:6; Mik. 4:9-10; 5:3; Gal. 4:19) para maisilang ang lalaking anak upang makipagbaka para sa kaharian ng Diyos.

Kinuha mula sa Bagong Tipang Salin sa Pagbabawi, ©2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 34-39

Kaliwanagan at inspirasyon: _____

IKA-8 LINGGO—MARTES

Mga Bersikulo

Apoc. 12:3 At isa pang tanda ang nakita sa langit: at narito, ang isang malaking pulang ^{1a}dragon na may ^{2b}pitong ulo at sampung sungay, at sa kanyang mga ulo ay may ³pitong ^cdiadema.

4 At kinakaladkad ng kanyang buntot ang ikatlong bahagi ng mga ^{1a}bituin sa langit, at kanyang inihagis sila sa lupa. At ²tumayo ang dragon sa harapan ng babaeng manganganak na, upang ^blamunin ang kanyang anak pagkapanganak niya.

5 At siya ay ¹nanganak ng isang anak na lalaki, isang ²lalaking anak, na ^amagpapastol sa lahat ng mga bansa na may panghampas na bakal; at ang kanyang anak ay ³inagaw paitaas sa Diyos at sa Kanyang trono.

6 At tumakas ang babae patungo sa ¹ilang kung saan ipinaghanda siya ng Diyos ng isang dako, upang doon siya ay kandilihin ng ^asanlibo dalawang daan at animnapung araw.

Mga Talababa

³¹ Ang “dragon” ay sumasagisag kay Satanas (b. 9). Sa Genesis 3, si Satanas ay isang ahas, isang higit na maliit at tusong nilalang; pagdating dito, siya ay naging isang dragon, lubhang higit na malaki at mabangis kaysa sa isang ahas. Kaya, siya ay tinawag na “isang malaking pulang dragon.” Ang “pula” rito ay sumasagisag sa pagdanak ng dugo na sinanhi ng mga pagpatay ni Satanas (Juan 8:44).

³² Ang “pitong ulo at sampung sungay” ay yaong sa halimaw, ang Antikristo (13:1). Ipinakikita nito na ang dragon at ang halimaw ay iisa; isinasaad na ang Antikristo ay ang pagsasakatawan ni Satanas.

³³ Ang “pitong diadema” ay tumutukoy sa kaluwalhatian ng ekstra-ordinaryong pagkahari ng pitong Cesar, yamang sa gitna ng pitong Cesar, bawat isa sa kanila ay kaisa ni Satanas. Silang lahat ay nangangamkam ng pagka-Diyos, inaaring sila ay Diyos, at namimilit ng mga tao na sambahin sila bilang Diyos.

⁴¹ Ang “mga bituin sa langit” ay sumasagisag sa mga anghel (Job 38:7; Isa. 14:12). “Ang ikatlong bahagi ng mga bituin sa langit” ay nararapat na tumukoy sa mga natisod na anghel na sumunod kay Satanas sa kanyang pagrerebelde laban sa Diyos. Silang lahat ay kinakaladkad ni Satanas palayo, at bilang mga anghel ni Satanas, sila ay ihahagis sa lupa kasama ni

Satanas (b. 9). Kaya sa panahong yaon, ang lupa ay mapupunuan nitong mga natisod na anghel; wawasakin din nila ang lupa na tinitirahan ng mga taong nagsipagrebeld sa Diyos. Sa gayon, ang lupa ay magiging isang nakatatapot na lugar.

4² Ang pagtayo ng dragon sa harapan ng babaeng malapit nang manganak ay sumasagisag na si Satanas ay palaging laban sa bayan ng Diyos. Mula pa noong panahon ng Gen. 3:15 hanggang sa araw na ito, patuloy na tumutuligsa sa babaeng ito ang ahas na si Satanas na may layuning kainin ang kanyang anak.

5¹ Ang “nanganak” dito ay sumasagisag sa pagkabuhay na muli, gaya ng sa Gawa 13:33-34. Ang lalaking anak ay binubuo ng mga namatay na mandaraig na banal na nabuhay na muli. Ito ay pinatunayan ng salitang “hanggang sa kamatayan” sa b. 11.

5² Gr. lalaki. Sa Biblia ang babae ay sumasagisag sa higit na mahina at ang lalaki sa higit na malakas (1 Ped. 3:7). Kaya, ang “lalaking anak” dito ay sumasagisag sa higit na malakas na bahagi ng bayan ng Diyos. Na ang lalaking anak na ito ay “magpapastol sa lahat ng bansa na may panghampas na bakal” ay tumutukoy na ang lalaking anak ay binubuo ng mga mandaraig (gaya ng binanggit sa 2:26-27).

5³ Ang “inagaw paitaas” ay ang marapyur. Ang rapyur ng lalaking anak ay naiiba sa rapyur ng karamihan sa mga mananampalataya, gaya ng binanggit sa 1 Tes. 4:17 (tingnan ang talâ 17¹ sa 1 Tes. 4:17). Doon, ang rapyur ng karamihan sa mga mananampalataya ay magiging: 1) sa himpapawid, at 2) sa huling trumpeta (1 Cor. 15:52; 1 Tes. 4:16), na siyang panahon ng ikapitong trumpeta (11:15). Subalit dito, ang rapyur ng lalaking anak ay magiging: 1) sa harapan ng trono ng Diyos, at 2) bago dumating ang “sanlibo dalawang daan at animnapung araw,” na siyang magiging panahon ng matinding kapighatian ng tatlo at kalahating taon (apatnapu’t dalawang buwan, b. 14; 13:5; 11:2), yaon ay, sa unahan ng ikalimang trumpeta, na magsisimula sa ikaanim na tatak (9:1).

6¹ Pagkatapos ng rapyur ng lalaking anak, ang babae ay maiiwan sa lupa upang maghirap ng pag-uusig (b. 13). Sa panahon ng matinding kapighatian ay maghahanda ang Diyos ng isang lugar upang siya ay kandilihin sa loob ng sanlibo dalawang daan at animnapung araw bago Niya dalhin ang Kanyang bayan sa loob ng sanlibong taong kaharian. Ito ay katulad noong panahon na pinag-usig ni Faraon ang mga anak ni Israel at dinala ng Diyos ang Kanyang bayan sa ilang, kung saan ay kinandili Niya sila bago sila dinala sa loob ng mabuting lupain.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 34-39

Kaliwanagan at inspirasyon: _____

IKA-8 LINGGO—MIYERKULES

Mga Bersikulo

- Apoc. 12:7** At nagkaroon ng ¹digmaan sa langit: si ^{2a}Miguel at ang kanyang mga anghel ay nakipagbaka sa dragon. At ang dragon at ang ^{3b}kanyang mga anghel ay nakipagbaka;
- 8** At hindi sila nanalo, ni nasumpungan pa ang kanilang dako sa langit.
- 9** At ¹inihagis ang malaking dragon, ang ²antigong ^aahas, ang tinatawag na ^{3b}Diyablo at ^{4c}Satanas, ang ^ddumaraya sa buong pinananahanang lupa; siya ay ^einihagis sa lupa, at ang kanyang mga anghel ay inihagis na kasama niya.

Mga Talababa

⁷¹ Pagkatapos na pagkatapos na maraptyur ang lalaking anak, isang digmaan ang magsisimula kay Miguel at sa kanyang mga anghel laban kay Satanang. Ito ay tumutukoy na ang lalaking anak, ang higit na malakas na bahagi ng bayan ng Diyos, ay palaging nasa pakikipaglaban sa kaaway ng Diyos na si Satanang. Sila ay patuloy na nakikipaglaban kay Satanang sa lupa. Sa ngayon, ang langit ay naghihintay na sila ay dumating na roon nang sa gayon ay isang digmaan ang maisagawa upang ibagsak si Satanang mula sa langit.

⁷² Inihahayag ng Biblia ang mga pangalan ng dalawang anghel—si Miguel at si Gabriel. Si Gabriel ay isang tagapagbalita na nagdadala ng mabubuting balita sa bayan ng Diyos (Dan. 8:16; 9:21-22; Luc. 1:19, 26), samantalang si Miguel ay isang mandirigma na nakikipaglaban para sa bayan ng Diyos (Dan. 10:13, 21; 11:1; 12:1; Jud. 9; Apoc. 12:7).

⁷³ Ang “kanyang mga anghel” ay ang mga natisod na anghel na nagsisisunod kay Satanang upang magrebelde laban sa Diyos (Mat. 25:41). Tingnan ang tala 4¹.

⁹¹ Si Satanang, ang kaaway ng Diyos, ay hinatulan na ng Panginoong Hesus sa krus (Juan 12:31; 16:11). Kasunod nito, may pangangailangang isagawa ng mga mandaraig na mananampalataya ang kahatulang yaon, upang isakatuparan ang sentensiyang yaon. Ang paglaban na ginawa ng mga mandaraig na mananampalataya laban kay Satanang, sa katunayan, ay ang pagsasagawa ng iginawad na kahatulan ng Panginoon sa kanya. Sa katapus-tapusan, sa pamamagitan ng kanilang pakikipaglaban, si Satanang ay inihagis mula sa langit. Tingnan ang talâ 1¹ sa kapitulo 9.

⁹² Pagdating sa Apocalipsis kapitulo 12, si Satanang ay lumuma’t tumanda na, kaya, siya ay naging ang antigong ahas.

⁹³ Tingnan ang talâ 10¹ sa kapitulo 2.

⁹⁴ Lit. ang Satanang, na nangangahulugang katunggali. Si Satanang ay hindi lamang ang kaaway ng Diyos sa labas ng kaharian ng Diyos, bagkus ang katunggali rin ng Diyos na nagmula sa loob ng kaharian ng Diyos, na nagrerebelde laban sa Diyos.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 34-39

Kaliwanagan at inspirasyon: _____

IKA-8 LINGGO—HUWEBES

Mga Bersikulo

- Apoc.** At narinig ko ang isang malakas na tinig sa langit, na nagsasabi, Ngayon ay
12:10 dumating ang kaligtasan, at ang kapangyarihan, at ang ^{1a}kaharian ng ating Diyos, at ang awtoridad ng Kanyang Kristo, sapagkat inihagis na ang ²tagapag-akusa ng ating mga kapatid na siyang ^bnag-aakusa sa kanila sa harapan ng ating Diyos araw at gabi.
- 11** At siya ay ¹kanilang ^adinaig dahil sa ^{2b}dugo ng ^cKordero, at dahil sa ³salita ng kanilang patotoo, at ^{4d}hindi nila inibig ang kanilang pangkaluluwang buhay maging ^{5e}hanggang sa kamatayan.
- 12** Kaya't magalak kayo, O mga langit at ^ayaong mga ¹nagsisipanahan sa kanila. ^bSa aba ng lupa at ng dagat, sapagkat ang Diyablo ay bumaba sa inyo na may ²malaking galit, sa pagkaalam na mayroon na lamang siyang ³maikling panahon.

Mga Talababa

10¹ Ang pakikipaglaban ng mga mandaraig na banal laban kay Satanas ay upang maipasok ang “kaharian” ng Diyos. Tinuturuan tayo ng Panginoon na manalangin para sa pagdating ng kaharian (Mat. 6:10). Ang ating pananalangin para sa pagdating ng kaharian ay kinakailangang sabayan natin ng pakikipaglaban para sa kaharian. Ang pagdating ng kaharian ay may dalawang aspekto: ang isa ay ang realidad ng kaharian (Mat. 5:3), na nasa wastong buhay-ekklesia ngayon (Roma 14:17); ang isa pa ay ang pagpapakita ng kaharian sa sanlibong taong kaharian, na maipapasok sa pamamagitan ng mga mandaraig na mananampalataya.

Kapag ang pagpapakita ng kaharian ay dumating na, ang “kaligtasan ng Diyos” ay lubusang darating kasama ng kaharian. Ang kaligtasan ng Diyos ay nahayag na sa atin ngayon, subalit lubusang darating ito sa kapanahunan ng kaharian. Ito ay katulad sa “kapangyarihan ng Diyos” at sa “awtoridad ng Kanyang Kristo.” Ngayon, tayo ay nakabahagi na sa kapangyarihan ng Diyos at sa awtoridad ni Kristo, subalit ang ating lubos na pagtatamasa sa mga ito ay magiging sa kapanahunan ng kaharian.

10² Ang “tagapag-akusa” ay ang Diyablo na nag-akusa kay Job (Job 1:9; 2:4-5) at kay Josue (Zac. 3:1-2) at ngayon ay nag-aakusa sa mga mananampalataya “sa harapan ng Diyos” maging “araw at gabi.”

11¹ Ang “kanila” ay tumutukoy sa mga kapatid sa b. 10, ang mga mandaraig na mananampalataya na bumubuo sa lalaking anak sa b. 5.

11² Ang “dugo ng Kordero,” na para sa ating katubusan, ang sumasagot sa harapan ng Diyos sa lahat ng akusasyon ng Diyablo laban sa atin at nagbibigay sa atin ng tagumpay laban sa kanya. Kailangan nating gamitin ang dugong ito sa tuwing nararamdaman natin ang akusasyon ng Diyablo.

11³ Ang “salita ng kanilang patotoo” ay ang kanilang salita na nagpapatotoo na ang Diyablo ay nahatulan na ng Panginoon. Sa tuwing nararamdaman natin ang akusasyon ng Diyablo, tayo ay kailangang berbal na magpatotoo kung paanong siya ay tinuos na ng Panginoon. Kailangan nating ideklara ang tagumpay ng Panginoon laban sa kanya sa pamamagitan ng binigkas na salita.

11⁴ Dahil sa pagkatisod ni Adam, inihugpong ni Satanas ang kanyang sarili sa pangkaluluwang-buhay ng tao—ang sarili ng tao (Mat. 16:23-24). Kaya, upang madaig siya, huwag nating ibigin ang ating pangkaluluwang-buhay, kundi ay kamuhian ito at itakwil ito (Luc. 14:26; 9:23).

11⁵ Ang “hanggang sa kamatayan” ay tumutukoy sa pagkamartir. Ang mga mandaraig na mananampalataya na bumubuo sa lalaking anak ay hindi umibig sa kanilang pangkaluluwang-buhay maging hanggang sa kamatayan.

12¹ Lit. nagtatabernakulo.

12² Ang dragon ay may “malaking galit,” sapagkat sa pagkabagsak sa lupa, siya ay nalimitahan na at nawala na sa kanya ang kinasasaklawan sa kalangitan at sa himpapawid.

12³ Ang “maikling panahon” dito ay ang tatlo at kalahating taon ng matinding kapighatian (b. 14; 13:5; 11:2).

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 34-39

Kaliwanagan at inspirasyon: _____

IKA-8 LINGGO—BIYERNES

Mga Bersikulo

Apoc. At nang makita ng dragon na siya ay inihagis sa lupa, ¹inusig niya ang 12:13 babaeng nagluwal ng lalaking anak.

14 At sa babae ay ibinigay ang dalawang pakpak ng malaking ^{1a}agila upang siya ay ^bmakalipad tungo sa ilang mula sa harap ng ahas patungo sa kanyang dako, na pinagkandilihan sa kanya *nang* isang ^{2c}panahon, at mga panahon, at kalahati ng isang panahon.

15 At ang ahas ay nagbuga sa kanyang bibig ng ^{1a}tubig na gaya ng isang ilog sa likuran ng babae, upang maipatangay siya sa agos nito.

16 At tinulungan ng lupa ang babae, at ¹ibinuka ng lupa ang bibig nito at nilulon ang ilog na ibinuga ng dragon mula sa kanyang bibig.

Mga Talababa

13¹ Pagbubuntunan ng matinding poot ng nagagalit na dragong Satanas ang bayan ng Diyos.

14¹ Ang “malaking agila” ay sumasagisag sa Diyos, at ang “dalawang pakpak” ay sumasagisag sa Kanyang kalakasang magligtas (Exo. 19:4; Deut. 32:11-12). Kagaya ng ginawa Niyang pagpapalabas sa mga anak ni Israel mula sa pag-uusig ni Faraon, gayundin Niya ilalayo ang Kanyang bayan mula sa pag-uusig ni Satanas sa panahon ng matinding kapighatian.

14² Ang “isang panahon, at mga panahon, at kalahati ng isang panahon” ay tumutukoy sa tatlo at kalahating taon..

15¹ Ang “tubig” dito ay sumasagisag sa mga hukbo (tingnan ang mga reperensiya) na isusugo ni Satanas upang wasakin ang bayan ng Diyos.

16¹ Ang lupa ay bubuka, katulad ng nasa Bil. 16:31-33, at lululunin ang mga hukbong isinugo ni Satanas.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 34-39

Kaliwanagan at inspirasyon: _____

IKA-8 LINGGO—SABADO

Mga Bersikulo

Apoc. At nagalit ang dragon sa babae, at umalis upang ^amakipagbaka sa ¹nalabi sa 12:17 kanyang binhi, na pawang ^bnagsisitupad ng mga utos ng Diyos, at mga may ^cpatotoo ni Hesus.

18 At ¹siya ay tumayo sa buhanginan ng ^{2a}dagat.

Mga Talababa

17¹ Ang “nalabi sa kanyang binhi” ay sumasagisag sa bayan ng Diyos bukod pa sa lalaking anak; ang nalabi sa kanyang binhi ay ang higit na mahinang bahagi ng babae na ang ilan ay ang mga Hudong nagsisitupad ng mga utos ng Diyos, at ang ilan ay ang mga mananampalatayang may patotoo ni Hesus. Ang dalawang ito ay pawang daraan sa matinding kapighatian at pag-uusigin at tutuligsain ng dragon.

18¹ Ang “siya” ay tumutukoy sa dragon.

18² Ang “dagat” ay katulad ng nasa 13:1, ang Dagat Mediteraneo. Ang “buhanginan ng dagat” dito ay tumutukoy sa dalampasigan ng Banal na Lupa, na kinaroroonan ng bansang Israel. Ang dragon ay nakatayo sa buhanginan ng dagat at ang banal na lunsod, ang Herusalem, ay yuyurakan sa loob ng apatnapu’t dalawang buwan (11:2); ang dalawang puntong ito ay nagpapakita na sa kapanahunan ng matinding kapighatian, ang pag-uusig ni Satanas ay pangunahing isasagawa sa lupain ng Israel.

Kinuha mula sa Bagong Tipang Salin sa Pagbabawi, © 2000 Living Stream Ministry, Anaheim, CA, USA; ginamit nang may pahintulot, reserbado ang lahat ng karapatan.

Karagdagang Babasahin: Pag-aaral Pambuhay ng Apocalipsis, mga men. 34-39

Kaliwanagan at inspirasyon: _____
